

V N V M

NECESSARIUM,

SCIRE, QUID SIBI SIT NE-
CESSARIUM IN VITA, ET
MORTE, ET POST
MORTEM,

QVOD NON - NECESSARIIS
Mundi fatigatus, et ad Vnum Neces-
sarium sese recipiens,

SENEX

IO. AMOS COMENIVS,

ANNO AETATIS SVAE LXXVII.

MUNDO EXPENDENDVM
offert.

TERENT.

AD OMNIA AETATE SAPIMVS
RECTIVS.

Editum Amstelodami A. 1668.

Nunc vero recusum Lipsiae A. 1724.

Prostat apud Sam. Benj. Waltherum.

CELSISSIMO PRINCIPI

AC DOMINO
PLATO.

Omnes scientiæ, si ablit Optimi scientia,
obsunt potius quam profunt habenti.

DEMOCRATES

Augustinus ait in iudicium
Peccandi causa, Ignorare quid sit melius.

DEVS apud Oseam c. IV. v. 6.

Peribit populus meus, quia non habet
scientiam.

CHRISTVS Luc. X. v. 42.

Unum est NECESSARIUM! Maria
optimam partem elegit, quæ non aufer-
retur ab ea.

I

CELSISSIMO PRINCIPI

AC DOMINO,

DOMINO

RVPERTO,

COM. PALATINO

RHENI,

DEVS

SERENTISSIME PRINCEPS,

CHRISTVS

IN Varronis consilium, quod pruden-
tenti Patrifamilias, aut cuius
Nundinas adituro, dabat, Eme
non quod opus est, sed quod ne-

) 2

cesse,

celle, totus Mundus peccat. Cum
 enim totus *Mundus forum mundina-*
rium sit, mercium variarum, &
 merces istas vendentium, eimentium,
 spectantium, plenum; statim tamen
 inter hos, istos, illos, qui *Necessaria*
a Non necessariis distinguere sciunt.
 Promiscue Bona & mala, *Necessaria*
 & superflua, *Vtilia* & noxia, *Pre-*
tiosa & vilia, exponuntur, laudan-
 tur, venduntur, emuntur. Et quod
 magis mirandum, & dolendum, sa-
 pius superflua quam necessaria, noxia
 quam *utilia*, mala quam bona, affe-
 runtur, laudantur, venduntur,
 emuntur. Hinc illud, *Mundus vult*
decepi; reuera etiam Deceptionum
 & fraudationum *Mundus* ubique
 plenus

plenus est, & sicut adeo, ut ne sapientissimus quidem mortalium, Salomō, ludibria & praeestigias effugerit, nunciatum, fluitans, feræque poenitentiae, factus spectaculum.

De qua materia cogitandi quia insperata quaedam occasio mihi Seniper data fuit, visum est consignare aliquid, cuius futurum spero, primum ipsi mihi Seni exitum vitae prospectanti, ad vana rerum vel ultima senecta facilius elucendum: deinde aliis, qui Mundanis parergis intricati moneri non aspernentur. **TIBI** forsitan etiam, **MAGNANIME PRINCEPS**, qui non felicior es Samfone, Davide, Salomōne, aliisque praecellenti Viris, quos Re-

zimusq

)(3

rum

rum! Mundanarum! vortice labripi,
 non: necessarium ingyris involui,
 ægreque tandem eluctari quæ natare
 contigit. Habes equidem domina
 Sanguine quæ Nomine, diuaria Vita
 forte (varie TE exercente) nascen-
 tia Heroicarum Virtutum pabitanen-
 ta: quid tamen currentis metæque
 iam appropinquanti, celebris adde-
 re vetat?

O Ruperte, Atavis edite Regibus,
 imo Imperatoribus! Nihil TRIUMPHUM
 huc iam ætatis & huc occasio num
 delato, humile, nedum stultum
 conuenit. Excelsa omnia, tantoque
 fastigio digna. Nam cæsus ex Proa-
 vis Tuis nomen geris. R V P E R T

TVS

TVS fuit, Palatinus Princeps Elector, Anna Christina 1400 in Romanorum Imperatorem electus. Impos-
 ruique toto decennio tam laudabiliter
 Vadimini transiit, ut propter pacem
 tam undique Germaniam (quam lib-
 tibus undique distractam repererat)
 Sapientiam & Magnanimi Principis
 elogia apud Historicos meruerit.
 Recte igitur ille mensuram nominis
 sui, Salomonico similis, explevit:
 cum ut Salomo Pacificum, ita RO-
 BERTVS Quietis reparatorem
 sonat (Kubebracht von Kubebrin-
 gen.) Nec abluat Patrie Tui
 FRIDERICI Magni Proavi no-
 men. Friedrich, siquidem PAGE
 DAVIDEM sonat, & Salomonica

in memoriam reuocat pacifica tempora. Sed Patris Tui Tempora non fuerunt pacifica: Quia Bohe-
miam, Germaniam, Europam,
bellis castigandi tempus fuit. Ideo
Illum Fata Ferris ostenderunt dun-
taxat: Rem nomine ipso designatam
in alia tempora differendo. Quae
pacifica tempora uinam tandem
(post tot hyemes & imbres, & tem-
pestates) videre! uinam in redu-
cendis illis cooperari, detur! Dare-
tur autem, si Christiani omnium
partium iuste accensam (omnium
partium peccatis) iram Dei uniuersa-
li resipiscentia placare: si Reges
armis positis Pacis consilia tractare:
si Subditi Deo & Regibus fidelius
ser-

seruire: si Omnes nullis nugis seria
Vitz agere, & loco vanissimarum
occupationum necessarius ad salutem
vacare vellent.

SERENISSIME PRIN-
CEPS, extant adhuc **TIBI** nato,
& in Baptismate **RVPERTI** no-
men adepto, Astrologorum ex fa-
vorabili Siderum situ vaticinia, Poe-
tarumque super eo cantillationes,
non infauissimas in futurum de **TE**
ominationes continentia. Sed Astro-
rum Fatorumque potestas in manu
Domini est, qui fecit Cœlum &
Terram, omniaque in fines a se
præsignatos sapienter ac potenter
dirigit. Ego hac scriptuncula,
quid



quid sane Mentis, Digniorumque
Graculorum ductu, in mortali cui-
quam, in id illam mortalem, caute
transmittendam vitam maxime NE-
CESSARIUM sit, ponere volui
ob oculos. Lege senile scriptum,
Optime Princeps, Nuncialis exultan-
tiae iam quoque pratergressus metas!
Vt Ipse quoque iam Labyrinthos
Mundi a tergo relinquere, Sisyphaei
fata figere, illuforiasque Tantali
delicias in veras veram affertentes fa-
turitatem commutare, properas.


Exhibit 1.b

Ego Deum orabo, vt hoc ipso,
quem inchoauimus anno, & in illo
ipso, quo benigna Fata T'E detule-
runt Regno. VNIVS NECES-
SARII

MONSIEUR

Errata.

Pag. 179. lin. 19. *lege* ipse mundus. pag. 184. lin. 15. *lege* ut sal, ut lux. pag. 187. lin. 8. *lege* cupiditates. pag. 197. lin. 3. *lege* per eandem viam.



ELENCHUS CAPITUM.

CAPUT I.

MUndum totum superfluitatibus ob-
rui, molestiis lassari, intentioni-
busque frustrari, exemplis osten-
ditur perpetuis.

CAP. II. *Omnium in mundo perplexi-
tatum causam esse unicam, quod
homines non distinguendo inter ne-
cessaria & non-necessaria, necessa-
ria prætermittunt, non-necessariis
sese occupant, implicant, intricant,
sine fine.*

CAP. III. Demonstrata necessitate artis distingendi inter necessaria & non-necessaria, quid sit, quod necessarium dicatur, & cur in vnaquaque re vnum necessarium quæri iubeatur, & quomodo quærendum, ut inueniatur, ostenditur.

CAP. IV. Regula Christi de Vno necessario, quam sit observatu necessaria: quippe quæ sola e labyrinthis mundanis exitum ostendere; ab oneribus mundanis leuamen adferre; in esurie mundana saturitatem præstare potest. Et quomodo id speciali applicatione, verbis & exemplis docuerit Christus ipse.

CAP. V. Qua ratione hominum quisque regulam Christi, de Vno necessario, in seipso adhibere possit sapienter, ut sibi per totam vitam, & in morte,

te, & post mortem bene esse queat, exemplis ostenditur nonnullis.

CAP. VI. *Quomodo Eruditi, & qui rem literariam tractant, suos & scholarum labyrinthos, suaque Sisyphæa saxa & Tantaleas illusiones, per Christi de Vno necessario regulam emendare possint.*

CAP. VII. *Quomodo Politici humanæ societatis commercia sic ad regulam Christi moderari queant, ut omnia familiarum, rerumpublicarum, regnorumque in tranquillo sint.*

CAP. VIII. *Quomodo Theologi, ecclesiarumque pastores & episcopi, accurata regulæ Christi observatione totius ecclesiæ salutis, conscientiarumque quieti ita consulere possint, ut melius nequeant.*

CAP. IX. *Regulæ Christi observatione totum*

CAP. III. Demonstrata necessitate artis distingendi inter necessaria & non-necessaria, quid sit, quod necessarium dicatur, & cur in vnaquaque re vnum necessarium quæri iubeatur, & quomodo quærendum, ut inueniatur, ostenditur.

CAP. IV. Regula Christi de Vno necessario, quam sit observatu necessaria: quippe quæ sola e labyrinthis mundanis exitum ostendere; ab oneribus mundanis leuamen adferre; in esurie mundana saturitatem præstare potest. Et quomodo id speciali applicatione, verbis & exemplis docuerit Christus ipse.

CAP. V. Qua ratione hominum quisque regulam Christi, de Vno necessario, in seipso adhibere possit sapienter, ut sibi per totam vitam, & in morte,

te, & post mortem bene esse queat, exemplis ostenditur nonnullis.

CAP. VI. *Quomodo Eruditi, & qui rem literariam tractant, suos & scholarum labyrinthos, suaque Sisyphæa saxa & Tantaleas illusiones, per Christi de Vno necessario regulam emendare possint.*

CAP. VII. *Quomodo Politici humanæ societatis commercia sic ad regulam Christi moderari queant, ut omnia familiarum, rerumpublicarum, regnorumque in tranquillo sint.*

CAP. VIII. *Quomodo Theologi, ecclesiarumque pastores & episcopi, accurata regulæ Christi observatione totius ecclesiæ salutis, conscientiarumque quieti ita consulere possint, ut melius nequeant.*

CAP. IX. *Regulæ Christi observatione totum*

CAP. III. *Demonstrata necessitate artis distingendi inter necessaria & non-necessaria, quid sit, quod necessarium dicatur, & cur in vnaquaque re vnum necessarium quæri iubeatur, & quomodo quærendum, ut inueniatur, ostenditur.*

CAP. IV. *Regula Christi de Vno necessario, quam sit observatu necessaria: quippe quæ sola e labyrinthis mundanis exitum ostendere; ab oneribus mundanis leuamen adferre; in esurie mundana saturitatem præstare potest. Et quomodo id speciali applicatione, verbis & exemplis docuerit Christus ipse.*

CAP. V. *Qua ratione hominum quisque regulam Christi, de Vno necessario, in seipso adhibere possit sapienter, ut sibi per totam vitam, & in morte,*

te, & post mortem bene esse queat, exemplis ostenditur nonnullis.

CAP. VI. *Quomodo Eruditi, & qui rem literariam tractant, suos & scholarum labyrinthos, suaque Sisyphæa saxa & Tantaleas illusiones, per Christi de Vno necessario regulam emendare possint.*

CAP. VII. *Quomodo Politici humanæ societatis commercia sic ad regulam Christi moderari queant, ut omnia familiarum, rerumpublicarum, regnorumque in tranquillo sint.*

CAP. VIII. *Quomodo Theologi, ecclesiarumque pastores & episcopi, accurata regulæ Christi observatione totius ecclesiæ salutis, conscientiarumque quieti ita consulere possint, ut melius nequeant.*

CAP. IX. *Regulæ Christi observatione totum*

CAP. III. Demonstrata necessitate artis distinguerendū inter necessaria & non-necessaria, quid sit, quod necessarium dicatur, & cur in vnaquaque re vnum necessarium queri iubeatur, & quomodo querendum, ut inueniatur, ostenditur.

CAP. IV. Regula Christi de Vno necessario, quam sit obseruatu necessaria: quippe quæ sola e labyrinthis mundanis exitum ostendere; ab oneribus mundanis leuamen adferre; in esurie mundana saturitatem præstare potest. Et quomodo id speciali applicatione, verbis & exemplis docuerit Christus ipse.

CAP. V. Qua ratione hominum quisque regulam Christi, de Vno necessario, in seipso adhibere possit sapienter, ut sibi per totam vitam, & in morte,

te, & post mortem bene esse queat, exemplis ostenditur nonnullis.

CAP. VI. *Quomodo Eruditi, & qui rem literariam tractant, suos & scholarum labyrinthos, suaque Sisyphea saxa & Tantaleas illusiones, per Christi de Vno necessario regulam emendare possint.*

CAP. VII. *Quomodo Politici humanæ societatis commercia sic ad regulam Christi moderari queant, ut omnia familiarum, rerumpublicarum, regnorumque in tranquillo sint.*

CAP. VIII. *Quomodo Theologi, ecclesiarumque pastores & episcopi, accurata regulæ Christi observatione totius ecclesiæ saluti, conscientiarumque quieti ita consulere possint, ut melius nequeant.*

CAP. IX. *Regulæ Christi observatione totum*

CAP. III. Demonstrata necessitate artis distinguerendi inter necessaria & non-necessaria, quid sit, quod necessarium dicatur, & cur in unaquaque re unum necessarium queri iubeatur, & quomodo querendum, ut inueniatur, ostenditur.

CAP. IV. Regula Christi de Vno necessario, quam sit observatu necessaria: quippe quæ sola e labyrinthis mundanis exitum ostendere; ab oneribus mundanis leuamen adferre; in esurie mundana saturitatem præstare potest. Et quomodo id speciali applicatione, verbis & exemplis docuerit Christus ipse.

CAP. V. Qua ratione hominum quisque regulam Christi, de Vno necessario, in seipso adhibere possit sapienter, ut sibi per totam vitam, & in morte,

te, & post mortem bene esse queat, exemplis ostenditur nonnullis.

CAP. VI. *Quomodo Eruditi, & qui rem literariam tractant, suos & scholarum labyrinthos, suaque Sisyphæa saxa & Tantaleas illusiones, per Christi de Vno necessario regulam emendare possint.*

CAP. VII. *Quomodo Politici humanæ societatis commercia sic ad regulam Christi moderari queant, ut omnia familiarum, rerumpublicarum, regnorumque in tranquillo sint.*

CAP. VIII. *Quomodo Theologi, ecclesiarumque pastores & episcopi, accurata regulæ Christi observatione totius ecclesiæ salutis, conscientiarumque quieti ita consulere possint, ut melius nequeant.*

CAP. IX. *Regulæ Christi observatione totum*

*tum mundum (si æternæ sapientiæ
admittat consilia) in melius mu-
tari posse.*

CAP. X. *Professio autoris de observatione
iam fixa æternæ Christi regulæ, de
Vno Necessario; cum sui & omni-
um in manus Dei resignatione.*

**Clausula Vnius Necessarii, de maxime ne-
cessario maxime custodiendo.**



CAPUT

CAPUT I.

Mundum totum superfluitatibus obrui, molestiis lassari, intentionibusque frustrari, exemplis ostenditur perpetuis.

§. I.

T*Rina est hominis ad imaginem Dei creati, rerumque domini facti, circa res occupatio. Prima, contemplandi eas, ad cognoscendum, quid unaquaeque sit. Secunda, operandi aliquid circa eas, ad eas usus suo sic vel sic adaptandum. Tertia, utendi & fruendi iis ad voluptatem. Quod ipsa creationis historia narrat: Deum plantauisse Paradisum VOLUPTATIS (Gen. 2, 8.) & collocauisse ibi hominem, ut OPERARETUR, & custodiret illum (v. 15.) adduxisseque ad illum animalia cuncta, quæ creauerat, ut ea CONTEMPLAN-*

PLANDO nominaret. (v. 19.) Vnde colligitur, hominis felicitatem consistere: I. *in clara intellectus luce*, ad rerum differentias recte peruidendum; II. *in prospero actionum successu*, ad opera firma producendum; III. *in secura bonorum fruitione*, ad veram mentis satietatem & quietem.

2. *Triples ergo rursus infelicitas*: I. *in intellectu hallucinatio, error, falsitas*; II. *in actione hesitatio, mendum, labilitas*; III. *in fruitione frustratio, semperque noua & molesta concupitorum esuries ac sitis*. Quæ tria (mentium errores, actionum mendæ, desideriorumque frustrationes) triste vagantur per vniuersum humanum genus iam inde ab homine primo, stirpe nostra. Qui, quia turpi rerum, sui-que ipsius, abusu e Paradiso in terram (propter peccatum maledicti percussam) eiici, & a voluptatibus ad labores & su-

& sudores, spinasque & tribulos, cunctis diebus vitæ suæ, & ad ipsam usque mortem damnari ineruit; (*Gen. 3, 17. &c.*) factum est, ut has peccati pœnas posleri eius experiamur omnes.

3. Notæ quippe sunt omni ævo piorum & sapientum super id effusæ querelæ: I. *Confusa esse omnia hominum;* II. *Labores molestiæ plenos, fructu cassos;* III. *Voluptatumque loco dolores, & perpetuas spiritus afflictiones.* Cuiusmodi lamentis mortalium sapientissimus Salomo libros suos; exemplis autem errorum, æruinnarum, pœnitudinisque ipsam suam vitam implevit. Questus enim fuit, *se operum Dei nec principium inuenire posse, nec finem,* (*Eccles. 3, 11.*) nullamque rerum, quæ sub sole fiunt, rationem inuestigare potuisse: sed quanto plus laborauerit ad querendum, tanto minus inuenisse. (*c. 8, 17.*) *Hoc solum inuenisse, quod ho-*

minem quidem Deus fecisset rectum; homines vero, infinitis sese miscendo, vaneſcant. (c. 7, 30.) Queſtus deinde, laboribus ſuis hominem nihil lucrari præter fatigationem: peruerſa enim non poſſe corrigi, nec defectuum iniri numerum; (c. 1, 14. 15.) conuerſumque ſe ad uniuerſa opera, quæ fecerant manus ſuæ, (ominenter ſane, ſuper alia mortalium opera) deprehendiſſe vanos ſudores ſuos, cum nihil ſub ſole permaneat. (c. 2, 11.) Fruſtra igitur laboraſſe, & in ventum, (c. 5, 15.) cum nec velocitas nec curſum ſufficiat, nec fortitudo ad bellum, nec ſapientia ad panem, nec prudentia ad diuitias, nec artifiſcium ad gratiam. (c. 9, 11.) Sæpe potius euenire contrariam, ut labores noceant. Exempli cauſa, ut, qui lapides transfert, l. datur ab eis: & qui ligna ſcindit, vulnecetur ab eis. (c. 10, 9.) De mun queſtus fuit, delectabilibus etiam nullam

nullam inesse satietatem, (c.1, 8.) sequæ omnigenis voluptatibus, (quæ excogitari poterant) frui sibi permittentem, nihilque animo suo negantem, adeo tamen in omnibus sub sole vanitatem deprehendisse, ut, tædio vitæ correptus, omnia sua detestaretur, (c.2, v.1. 6. 7. 8. 10. 17.) feliciores iudicans nondum natos, qui non viderunt mala sub sole, (c.4, 3.) aut abortiuos. (c.6, 3.) Similes autem querelas per vniuersam Scripturam obseruare poterit, qui volet.

4. Nec aliud Græcorum sapientes voluerunt, dum dogmata sua fabulis inuoluentes hominibus æui sui *Labyrinthos, Sisyphæa saxa, Tantalique delicias*, eodem sensu narrarunt: non minus vere, quam ingeniose. Quod ut pate scat, & nos mala nostra melius intelligamus, remediaque admittamus promptius, eia istis de *Labyrintho*,

Et de Sisypho, Et de Tantalos, fictionibus paululum insistamus.

5. De Labyrintho fabula hæc est: Minos, Cretæ Rex potens, uxorem habuit Pasiphaëm, monstruosæ libidinis feminam: quæ, cum ex adulterino cum Tauro complexu monstruosum edidisset partum, semihominem Et semibouem, (Minotaurum dictum) Rex exstru curauit (ingeniosi artificis ope Dædali) Labyrinthum, h. e. ædificium perplexum, infinitis viarum ambagibus, atriis, transitibus, sursum Et deorsum ascensionibus ita undique oppletum, ut, quisquis immitteretur semel, oberrando semper, exitum inueniret nunquam. Quo cum inclusisset spurium illum suum, alios quoque ad mortem damnatos maleficos intrudi iussit, aut deuorandos monstro illo, aut perituros fame. Soli Theseo (Atheniensis Regis filio) euadere contigisse, commiseratione Ariadnes,

adnes, Regis Minois filia: quæ (consilio Dædali) filorum globum subministrauerat, &c.

6. Ita fuit antiquorum de Labyrintho fabulosa narratio, quam Mythologi explicando *vitam hominum* innui aiunt; tam vndique perplexam, inextricabilibusque difficultatibus plenam, vt mortalium nemo extricare se (nisi quem solus DEUS sapientia instruit) sufficiat. Sed melius patefcet mysterium, si *Minos* ille, Cretæ totius Rex, *Regem vniuersi* referre intelligatur, Deum; *Pasiphaë* vero imaginem illius sociam, *hominem*. Quam postquam infernalis Taurus, Satan, adulteravit, prodiit inde partu infelici monstrum *Minotaurus*, h. e. ex diuino & satanico semine mista sapientia: superne quidem speciosum quiddam ac cæleste, similitudinem diuinam; inferne autem terrenum ac deforme, ipsissi-

mun fatanissimum referens. (*Dii enim esse volumus, sed forma diabolica: Deo similes omniscientiæ possessione, diabolo æquales obedientiæ ruptura.*)

Rex ergo vniuersi, vt nos puniret, sapientiæ suæ theatrum, mundum hunc nostra causa factum, transformauit nobis in Labyrinthum: cui immissi omnes oberramus sine fine omnes, quemadmodum Salomonis & omnium sapientium testimonio, ipsaque tristi & perpetua experientia constat. Totus enim mundus magnus Labyrinthus est, cum inclusis minoribus innumeris: vt mortalium nemo sit, quin aliquem oberret Labyrinthum, aut vnus idemque plures. Si omnium hominum daretur inspicere mentes, intricatissimas videremus cogitationum, phantasiarumque ambages, monstruososque anfractus: si gentium linguas, infinitum confusissimorum sonorum
& con-

& conceptuum chaos : si, quibus se omnes sub cælo occupant, labores, infinitas itidem aut circulationum, aut sursum & deorsum, porro & retro, in dextrum & sinistrum, cæcarum euagationum tricas. Etenim si sapientissimo illi Salomoni, florentissimo in regno suo, occupationes suæ Labyrinthus fuerunt; (fessus autem est toties, & questus dolenter, & experti eius proferi multipliciter) *quis Regum, Principum, procèrum, nedum priuatorum ullus, ab æternis erroribus & tædiis immunitatem sibi polliceri audeat?*

7. *Quid autem Sisyphus?* Narrant ob temeraria quædam ausa eo fuisse a Diis condemnatum, ut apud inferos ingentem quendam lapidem montem versus voluere cogatur: quem tamen, ubi ad verticem usque promouit, semper ad ima relabi, nouoque semper labore sursum esse volutandum sine fine. Ecquid hoc?

hoc? Mutato nomine nobis de nobis fabula narratur. Molestissimi enim labores intelliguntur, quibus se miseri mortales continuo fatigantes, terminum vix vnquam inueniunt: *dum finis laboris vnus semper sit initium alterius*. Nempe quomodo sol occidit, vt iterum oriatur; & flumina semper intrant mare (tanquam terminum suum) vt iterum originem repetendo suam fluant: ita omnis homo quotidie se ad quietem componit, sed vt rursus ad labores surgat; quotannis agricola demetit agrum, sed & quotannis eundem obserere necesse habet. Sæpe quis laborem optato successu se peregisse putat, cuius tamen fructum paulo post sibi periisse videt; siue alio veniente, qui a se structa destruat; siue ipse (opere suo sibi displicente) aliud, vel aliter, struat; siue opus ipsum per se intereat, aliique operi struendo necessita-

cessitatem afferat. Quot discordiæ, lites, bella, feliciter composita visa, nouas in discordias & bella denuo relabuntur? Illustrissima etiam in orbe opera, magno famæ strepitu peracta, & mox relapsa, id testantur. Tot monarchiæ, a tot heroibus fundatæ, & in firmum statum deductæ visæ, vbi iam sunt? Reuolutæ ad imum, vt vix memoria superfit. *Ecce Sisyphi facti sumus omnes! Sisyphæa saxa sunt labores nostri omnes.* (Pl. 90. Eccl. 6.)

8. *Tantalum* denique narrant *incontinentiam-gulæ* (alii dicunt *linguæ*) *ad æternam esuriem & sitim ita damnatum*, vt inter sapidissimos arborum fructus constitutus, limpidissimamque aquam ad labra habens, neutris tamen potiri queat, fugientibus ab illius ore utrisque. Vnde *Quidius*:

Quærit

Quærit aquas in aquis, & poma fugacia captat

Tantalus: hoc illi garrula lingua dedit.

Verissima iterum imago sortis mortali-
um! Quorum quicunque opibus,
aut honoribus, aut voluptatibus, aut
aliis in vita desiderabilibus inhiant
maxime, esuriunt & sitiunt maxime,
quia voluptatum & cupiditatum nulla
est satietas: edunt, ut edant, bibuntque,
ut iterum bibant. Ut scabioso nullus
est finis scabendi, ita voluptuoso volu-
ptuandi, ambitioso ambiendi, diuiti
diuitias corradendi: quia omnis cupi-
ditas inexplebilis est, famemque sui pa-
titur. *Ut terra nunquam satiatur a-
qua, & ignis nunquam dicit, sufficit;*
(obseruante Salomone, Prou. 30, 16.)
*ita hominis animus in omnibus illis,
quorum desiderio corripitur. Omnes
ergo voluptuarii, ambitiosi, auari,*
quot-

quotquot eorum orbis alit, ad æternam famem & sitim damnati Tantalii sunt. Et quia omnes cupiditatibus laboramus (secundum plus & minus) nemoque iis expletur hac in vita, omnes igitur miseri Tantalii sumus.

9. Possunt tamen etiam specialiter applicari, *Labyrinthus ad vitam præsentem; Sisyphæa saxa ad mortem; Tantalæe dapes ad statum, qualis quemque post mortem manet.* Dum enim vivimus, reuera quisque nostrum suum habet *Labyrinthum*, suas molestias, alias ex aliis nascentes, occupationes. In morte autem summum est, *onera conscientie scire aut nescire ponere, ad inveniendum aut non inveniendum quietem æternam.* Post mortem denique, quod expectare habemus, est *aut voluptatum æternarum satiety in Paradiso Dei, aut esuries & sitis æterna exclusis a Paradiso.* Væ illi,

illi, qui se ante vitæ finem mundanis Labyrinthis non extricauerit! Væ, qui in morte peccatorum sarcinam deponere nescierit! Væ, qui post mortem ad Tantali sodalitia se delatum senferit!

10. Redeundo tamen ad præsentis vitæ fatigationes, dico, *si cui per hominum ætates, sexus, status, ordines, ire volupe esset, nihil nisi labyrinthos & saxa, desideriorumque frustrationes perpetuas reperturum.* Habent quippe labyrinthos suos iuvenes, habent senes: nec illis destituuntur viri, nec fœminæ. Habent molestias suas agricolæ, opifices, mercatores, milites, & quis non in omni vita?

11. *Philosophi, & alii studiis sapientiæ dediti, quærent errorum mentis, molestiarumque vitæ antidota: sed quantum reperiant, ipsæmet eorum partim querelæ, partim iurgia perpetua, orbi nota, testantur.* Aristoteles
omni-

omnium, qui ante se philosophati fuerant, opiniones refutabat, se systematice omnia tradentem, Philosophiam condere sperans solidam : sed reperit contradicentes hunc usque in diem. Tentabantque alii aliter constituere omnia, nostro etiam ævo, *Patricius, Telesius, Campanella, Verulamius, Cartesius*; & quid ad summam rei profectum est? Pendent lites, non est, qui decadat. Postremus quidem hic ex æternis errorum labyrinthis viam reperisse visus est cominodam, *de veritate iam possessa præiudicia seponendi, omnia denuo examinandi, neque quidquam, nisi tam aperte verum, ut euerti non possit, admittendi consilia dans*: quo & nomine applaudentes reperit multos. Sed quia in dubium vocare omnia (diuina & humana) periculosum, examenque omnium suscipere labor immensus, visa sunt: plerique

que nihil nisi nouum Labyrinthum esse constructum queruntur. Et quidem Labyrinthum tam perplexum, vt extricandi se viam nec Dædalus ipse repererit, nec aliis filum aliquod monstrarit. Ex. gr. Mundicorporei systema construxit ex vorticibus quibusdam, quorum nec initium, nec finem, nec formam, nec numerum, nec vsum ostendere potuit: nec tandem asseuerare ausus, *ita esse, sed ita videri*. Materiæ vero mundanæ formam, in densitate vel raritate consistentem (Metaphysicam quandam speculationem sequutus) ita descripsit, qualiter in rei veritate non esse, omnium elementorum natura (quibuscunque experimentis examinata) clamat: artificiosaque varii generis instrumenta, nouum illum figmentum vanum esse, demonstrant.

12. Philosophiæ clauigera, discursatri.

triciſque per omnia humanæ rationis directrix, habetur *Dialectica*: tantis ſtudiis culta, tantisque laudibus celebrata, vt ſine illa nihil uſquam recte intelligi poſſe creditum ſit: prorsus ac ſi illa ipſa *ſilum* illud *Ariadnes* eſſet, ex omnibus mentis vagabundæ Labyrinthis exitum oſtendere ſola potens. Enim vero, ſi quis immenſas dialecticorum tricas, & de iis lites inſpexerit, nihil niſi Labyrinthum reperire ſe (qualis quidem adhuc illa eſt) reſtari poterit.

13. *Aſtronomorum, Geographorum, Historicorum, Chronologorum, Medicinæ, Chymicæ, Alchymicæ, &c. Labyrinthos quis enumerabit?* Si te in vnum horum immiſeris, inexplicabiles gyros iam ingreſſus es.

14. *Societates humanas regendi prudentia, Politica eſt, cum conſiliaria ſua Iuriſprudentia.* Quarum finis eſt, res humanas, ipſumque humanum genus,

B

in or-

in ordine, pace, tranquillitate, continere. Quomodo autem contineant, omnia fora, tribunalia, curiæ, nunquam otiosæ, semper litibus & iurgiis perstreptentes, testantur: multo vero magis perpetua inter gentes & regna bella (quibus se tremendum in modum vastat mundus) clamant.

15. *Religio*, commercii mentis creatæ cum increata vinculum, omnibus mundanis perplexitatibus ferre solatium, & a turbulentis rerum terrenarum procellis non tantum securum ostendere portum, sed & in eum deducere debebat. Quomodo autem id præstat Religio? ipsa iam facta perplexior Labyrinthus atque vllus alius toto orbe. Primum enim pro vna innumeræ sunt: & quælibet rursus intra se in alias plures scissa, nil nisi Labyrinthus. Id quod tam evidens est (maxime argutis Politicis ingeniis) ut pleri-

plerique iam nullam religionem esse veram, fabulosas omnes, suspicati, Numen etiam ipsum, Numinisque metum abiiciant, & in Atheismum prolabantur : in ipsis tenebris lucem, in conscientiae torpore securitatem, in morte vitam quærendo. Eheu!

16. *Gentilismus* quidem reuera fuit fabula, Deorum & idolorum multitudine insaniens. Sed nec *Judaismus*, tametsi ab ipso vero Deo nostrum omnium creatore originem trahens, per subingressas tamen corruptelas in *Pharisaismum* (h. e. superstitionum chaos) degenerans, multo melior æstimari potest ; sicut & *mistus ex Iudaismo & Christianismo Mahomedismus*, cæcum errorum antrum.

17. *Sola Christiana religio, ducem habens illum, qui via, veritas, & vita est* (Ioh. 14,6.) *creditur esse* (debebat certe esse) *sancta illa per prophetas promissa*

missa Sionis via, tam directa, ut ne stulti quidem per eam errare possint, (Ies. 35, 8.) Estne autem? Eheu, eheu! Toto mundo vix alius intricatior labyrinthus reperitur, atque christiana (qualis iam facta est) religio: tam multiplex, dico, & varia, inque tot dissecta Sectas, & concisa in tot millenas circa fidem quæstiones, & circa singulas quæstiones opiniones, & de opinionibus pugnas, ut nihil similiter intricatum totus habeat mundus. Et quod magis prodigiosum, nullibi toto orbe propter religiosas dissensiones tam acerba odia, tam pertinaces rixæ, tam sanguinaræ persecutiones, tam crudelia supplicia, tam atrocia bella.

18. *Vna quidem Christianorum pars extra Labyrinthum se esse credit, & iacet, omnibus sub capite uno ita sibi invicem subordinatis, ut discordiæ (per alias Sectas ubique spectatæ) non facile oriri*

oriri queant. Verum si quis concordia illius leges propius inspiciat, affabre quidem structum (præ omnibus artificiosius) Labyrinthum videbit, Labyrinthum tamen; & quidem vastiorem, ac vllum alibi usquam. Ut non immerito aliquis ipsorum dixerit (siue ioco, siue serio:) *Nihil peius quenquam posse pessimo suo hosti optare, quam ut fiat Papa:* propter tremendam scilicet negotiorum turbam, volutandorumque saxorum molem, & frustra speratas delicias.

19. *Ecquid igitur sub sole a Labyrinthis, a Sisypheis saxis, a Tantaleisque delusionibus immune erit? Nihil usquam hætenus.* Cozua mundo sunt, humanumque genus semper comitantia, tria illa mala (*intellectus errores sine fine, fatigationes virium sine fine, & desideriorum frustrationes quasi perpetuæ*) quibus tamen finem & quæ-

rit semper impatientia humana, & quærere debet industria cum Deo, donec inueniatur. Nam *non frustra est innatum illud menti* (non Salomoneæ tantum, sed omnium nostrum) *meliorum desiderium*, eluctandique Labyrinthos, superandi saxa, & concupita tandem, tandem, tandem assequendi conatus perpetuus, non nisi morte fisti valens.

20. Prorsus enim ita existimandum est: *si quis omnium piorum, prudentum, sapientumque hominum, qui inde ab exordio rerum vixerunt, intueri cogitationes, audire sermones, legere scripta, considerare facta posset: non aliud repertum iri, quam aut Labyrinthum aliquem eluctandi, aut labori alicui finem imponendi, aut denique paratis bonis secure perfruendi conamina fuisset.* Nec reliqua hominum turba quidquam præter tria ista agit: tametsi plerique,

rique, quid agant, non intelligant. Nisi quod *cum intellectu falli ac decipi, viribus sine usu fatigari, voluntatisque suæ desideriis fraudari nemo velit.* Subinde tamen, deceptum se intellectu, frustra impendisse vires, votisque suis potiri non potuisse, experiantur omnes. Omnes nihilominus tamen ad vota (intellectu non errandi, moliminibus quietem inueniendi, optatisque suis vel tandem potiundi) redeunt perpetuo.

21. Quæ innata meliorum desideria, & pro assequendis illis perpetua mortalium tentamina, optatum tandem aliquando successum esse habitura, cur desperemus? Nempe *si DEUS & natura nihil faciunt frustra* (quod obseruarunt, & pro infallibili axiomate adhibent philosophi,) *cur tam radicata humano cordi desideria indere placuisset Deo, si nullo unquam tempore illa*

expleri vellet? Absurdum cogitatu:
cum necesse foret delideriorum no-
strorum fines aut non intelligere De-
um, aut promouere nos ad fines no-
stros non posse, vel nescire, aut nolle.
Quorum nihil cogitari potest, nisi o-
mnipotentiae, aut omniscientiae, aut
absolutae bonitatis laude priuare veli-
mus Deum. An enim, quod mortali
concedemus homini, immortalis non
concedemus Deo? Nempe *si Dada-*
lus, errorum artifex, non errandi et-
iam artificium ostendere (ingenii sui
sic in vtramque partem daturus speci-
men) *voluit, sciuit, potuit*: quomodo
Deus in nobis, perpetuis erroribus
eximiendis, aeternae quoque sapientiae
suae gloriosum exemplum dare nolet,
aut non poterit? Atque *si Dadalo con-*
tra multiplices errores in manum The-
seo dare medium simplicissimum facile
fuit, FILIUM: quomodo Deo nostro
homi-

homini, a se recto & simplici facto, sed qui, temere sese infinitis miscens, inextricabilibus errorum labyrinthis sese implicauit, (*Eccles. 7, 29.*) ad concreatam rectitudinem & simplicitatem redeundi, tum impetum dare validum, tum planam ostendere viam, non facile sit? Viam dico, per quam recte perspectam & initam quisque homo æque velociter (atque Theseus ille) æternis suis se expediat erroribus? Atque si *Archimedes*, mortalis homo, *Hieron* Regi ostendere potuit artem in mare deducendi nauem vna manu, quam millenarum manuum viribus deduci impossibile visum; Deo ne nostro Sisyphæa nostra figendi saxa artem deesse cogitabimus? Aut reducendi nos in paradysum suum (vbi voluptatum torrentes fluunt, bonorumque satietas æterna) vel sapientiam, vel misericordem voluntatem deesse? Absit blasphema cogitatio!

22. Præsertim cum eam spem Deus solemnissimis (per secula iteratis) promissionibus humano generi instillare nunquam intermiserit: nos ergo, quo magis seculorum finem, promissionumque omnium complementa appropinquare credimus, eo magis capita erigere, e Labyrinthisque nostris exitum prospectare, & de quibuscunque Ariadnes filis sollicitis esse conuenit.

CAPUT II.

Omnium in mundo perplexitatum causam esse vnicam, quod homines non distinguendo inter Necessaria & Non-necessaria, necessaria prætermittunt, non-necessariis sese occupant, implicant, intricant sine
fine.

Quemadmodum §. I. ægrotantibus nihil

nihil prodeſſe poſſunt Medici, morbi cauſam ſi ignorant; illa autem euēſtigata, remedia quæri facilius, & inueniri felicius, adhiberique tutius poſſunt: ita in omni malorum genere fruſtra de illo amoliendo ſuſcipiuntur cogitationes, antequam radices mali pateſcant. Inquirendum ergo in iſtorum malorum, quæ nobis iam in conſideratione ſunt, (errationum humanarum perpetuarum, fatigueſationum inquietarum, fruſtrationumque continuarum) cauſas veras, ſi reperire volumus remedia vera.

2. *Dico autem cauſam primariam perpetuam eſſe hanc vnam, quod homines pretioſum a vili, (vt loquitur Deus, Ier. 15, 19.) h. e. neceſſarium a non-neceſſario, vtile ab inutili & noxio diſtinguere aut neſciunt, aut non curant, aut denique præſracte nolunt, (pecorum*

rum ritu euntes, non quo eundum est, sed quo itur:) *aut denique non deferendo, quod semel placere cepit, siue bonum fuerit, siue malum.*

3. Prorsus admiratione digna est in plerisque mortalium *monstruosa quaedam contrariorum copula; sagacitatis dico cum stupore, curiositatis cum incuria; voluntatis cum noluntate*, circa res easdem. De prima enim ita Deus: *Stultus est populus meus, non cognoscit: filii insipientes sunt, & vecordes: sapientes sunt, ut faciant mala, bene autem facere nesciunt*, Ier. 4, 22. Nempe quia plerumque curiosi sunt circa res alienas, incuriosi circa proprias. Et quod magis portentosum; curiosi circa minutias, in quibus nihil ad felicitatem situm est; incuriosi circa maxima, in quibus vitæ & salutis cardo vertitur: alieno in oculo festucam videntes, eamque eximere solliciti, in proprio

prio ne trabem quidem. Bonum autem & velle, & nolle deprehenduntur: quia *velle ſe bonum quiſque dicit, vult etiam, eo ſe ſtimulari ſentiens*: at ſi pro adipiſcendo illo difficiliorem laborem ſubeundum, aut dulcedini quidpiam amaritudinis admittum eſſe vident, *mox velle in nolle tranſit*. Hinc euenit, vt veritatem quærentium, & tamen errantium; ſtudioſe laborantium, & tamen in vanum vires profundentium; deſiderata bona anhelantium, nec tamen adipiſcentium; aut, ſi adipiſcuntur, frui neſcientium, & dehinc rurſum faſtidientium mundus plenus ſit. Exemplis res pateſcat.

4. Rerum initio, quia vnus fuit Deus, & vnus ab vno Deo productus mundus, vnusque vni mundo datus œconomus, homo, & vna illi lata lex, *vni ſubefſe creatori, omnibus autem præeſſe creaturis*: ſeruare legem hanc

C

præ-

præcise , *VNUM illi NECESSARIUM fuit.* Quod vnum necessarium, si primi parentes cum posteritate sua obseruassent, æternum haberemus paradysum huc vsque. Illi autem quid? *Propositum sibi habentes* (binæ arboris symbolo) *bonum & malum, vitam & mortem; bono & vitæ adhaerere debuerunt: experiri contraria* (quid bonum & malum, vita & mors sit) *non fuit necessarium, nec utile, ideoque prohibitum.* Sed illi Satanæ suasu, propriaque curiositate ducti, posterius elegerunt, ad vetitam scientiæ boni & mali arborem conuersi. Qui primus & crassissimus error omnium sequentium errorum & perplexitatum radix illis extitit. Mox enim nuditate agnita erubescere, velamenta nihil profutura quærere, a bonorum suorum fonte, Deo, fugere, loco sinceræ ac humilis confessionis errati sui, fraudes fingere,

gere, & sic de vna noxa in aliam labi
cœperunt. In tam artificiosum ecce
Labyrinthum eos infernalis Dædalus
deducere scivit!

- 5. *Receptis in gratiam, & erectis in
spem venturi opitulatoris promissione,
mactatique in eorum conspectu agni*
(vnde illis nuditati operiendæ para-
batur vestis, *Gen. 3. v. 15. & 21. Apoc. 13,*
8.) sacrificio, nihil æque necessarium fu-
it, atque promissis Dei habere fidem, pro-
missumque liberatorem in omnibus sa-
cificiis intueri fide. At filius eorum
primogenitus, Cain, necessarii huius
requisiti (fidei) oblitus, soloque opere
operato Deo placere sperans, & sacri-
ficia sua sine fide offerens, (*Gen. 4, 3.*
4. 5, Heb. 11, 4.) in labyrinthos incidit
inextricabiles, cum tota impia, erro-
res suos continuante, belluinamque
præ spirituali eligente vitam posteri-
tate.

36 Perpl:

præcise,

UM fuit.

si primi

obserua

radifur

Propo/

symb

morte

runt

& in

nece/

tum.

que

runt

arbo

cras

um

illis

ta et

tura

te, D

cr

datur

ouit ! Filiorum vero vnus
auditate impium sibi specta-
lituens, quam diris execra-
efigi meruit? ostendit id ma-
n tota Chami progenie hunc
diem residens. Africanas &
anas intelligo gentes, bruta-
ntes vitam.

Neque hic delirationum finis.
plicari cœpta Noachi sobole,
bi ad inuicem viderent ad diuer-
undi plagas discedendum, *iniue-*
consilium non necessarium *ex-*
endi prius eo in loco ciuitatem &
rim, cuius fastigium cœlos attinge-
; idque inconsulto Deo, & ad cele-
andum nomen proprium (Gen. ii, 4.)
proposito peruicaci, non desistendi
cogitationibus suis. (v. 6.) Quam
emeritatem vt compesceret Domi-
us, inmisit menti eorum vertigi-
linguæ autem confusionem; vt

6. Cui progeniei corruptæ, tot modis per Patriarchas pios, (Noachum præsertim continuis 120 annis) ut se ad frugem reciperet, admonitæ, unum fuit necessarium, resipiscere: sed hoc postquam frustra seculis aliquot expectasset patientia Dei, (1. Pet. 3, 20.) versa in furorem vocavit aquas maris, illisque super faciem terræ effusis, deleuit impios omnes, animabus exceptis octo.

7. His a diluvio servatis (Noacho cum filiis & coniugibus suis) quid magis necessarium esse poterat, quam ut illi luxuriosum priorem mundum (diluvio iam deletum) pro speculo habentes, omnem vitæ molliem ac superfluitatem, aliasque levitates fugiendo, severam, gravem, sanctamque vitam agerent? Illi vero quid? Noach ipse vino se dedens ebriusque factus, quam indecore se gessit; quantum filii scandalum

datum præbuit ! Filiorum vero vnus ex patris nuditate impium sibi spectaculum constituens, quam diris execrationibus defigi meruit ? ostendit id maledictio in tota Chami progenie hunc vsque in diem residens. Africanas & Americanas intelligo gentes, brutalem agentes vitam.

8. Neque hic delirationum finis. Multiplicari cœpta Noachi sobole, cum sibi ad inuicem viderent ad diuersas mundi plagas discedendum, *iniuerunt consilium non necessarium extruendi prius eo in loco ciuitatem & turrim, cuius fastigium cœlos attingeret ; idque inconsulto Deo, & ad celebrandum nomen proprium* (Gen. II, 4.) *& proposito peruicaci, non desistendi a cogitationibus suis.* (v. 6.) Quam temeritatem vt compesceret Dominus, immisit menti eorum vertiginem, linguæ autem confusionem ; vt

6. *Cui progeniei corruptæ, tot modis per Patriarchas pios, (Noachum præsertim continuis 120 annis) ut se ad frugem reciperet, admonitæ, unum fuit necessarium, resipiscere: sed hoc postquam frustra seculis aliquot expectasset patientia Dei, (1. Pet. 3, 20.) versa in furorem vocavit aquas maris, illisque super faciem terræ effusis, deleuit impios omnes, animabus exceptis octo.*

7. *His a diluvio servatis (Noacho cum filiis & coniugibus suis) quid magis necessarium esse poterat, quam ut illi luxuriosum priorem mundum (diluvio iam deletum) pro speculo habentes, omnem vitæ molliem ac superfluitatem, aliasque levitates fugiendo, severam, gravem, sanctamque vitam agerent? Illi vero quid? Noach ipse vino se dedens ebriusque factus, quam indecore se gessit; quantum filii scandalum*

datum præbuit ! Filiorum vero vnus ex patris nuditate impium sibi spectaculum constituens, quam diris execrationibus defigi meruit ? ostendit id maledictio in tota Chami progenie hunc vsque in diem residens. Africanas & Americanas intelligo gentes, brutalem agentes vitam.

8. Neque hic delirationum finis. Multiplicari cœpta Noachi sobole, cum sibi ad inuicem viderent ad diuersas mundi plagas discedendum, *iniuerunt consilium non necessarium extruendi prius eo in loco ciuitatem & turrim, cuius fastigium cœlos attingeret ; idque inconsulto Deo, & ad celebrandum nomen proprium* (Gen. ii, 4.) *& proposito peruicaci, non desistendi a cogitationibus suis.* (v. 6.) Quam temeritatem vt compesceret Dominus, immisit menti eorum vertiginem, linguæ autem confusionem ; vt

6. *Cui progeniei corruptæ, tot modis per Patriarchas pios, (Noachum præsertim continuis 120 annis) ut se ad frugem reciperet, admonitæ, unum fuit necessarium, resipiscere: sed hoc postquam frustra seculis aliquot expectasset patientia Dei, (1. Pet. 3, 20.) versa in furorem vocavit aquas maris, illisque super faciem terræ effusis, deleuit impios omnes, animabus exceptis octo.*

7. *His a diluvio servatis (Noacho cum filiis & coniugibus suis) quid magis necessarium esse poterat, quam ut illi luxuriosum priorem mundum (diluvio iam deletum) pro speculo habentes, omnem vitæ mollietatem ac superfluitatem, aliasque levitates fugiendo, severam, gravem, sanctamque vitam agerent? Illi vero quid? Noach ipse vino se dedens ebriusque factus, quam indecore se gessit; quantum filii scandalum*

dalum præbuit ! Filiorum vero vnus ex patris nuditate impium sibi spectaculum constituens, quam diris execrationibus defigi meruit ? ostendit id maledictio in tota Chami progenie hunc vsque in diem residens. Africanas & Americanas intelligo gentes, brutalem agentes vitam.

8. Neque hic delirationum finis. Multiplicari cœpta Noachi sobole, cum sibi ad inuicem viderent ad diuersas mundi plagas discedendum, *iniuerunt consilium non necessarium extruendi prius eo in loco ciuitatem & turrim, cuius fastigium cœlos attingeret ; idque inconsulto Deo, & ad celebrandum nomen proprium (Gen. ii, 4.) & proposito peruicaci, non desistendi a cogitationibus suis. (v. 6.)* Quam temeritatem vt compesceret Dominus, inmisit menti eorum vertiginem, linguæ autem confusionem ; vt

6. *Cui progeniei corruptæ, tot modis per Patriarchas pios, (Noachum præsertim continuis 120 annis) ut se ad frugem reciperet, admonitæ, unum fuit necessarium, resipiscere: sed hoc postquam frustra seculis aliquot expectasset patientia Dei, (1. Pet. 3, 20.) versa in furorem vocavit aquas maris, illisque super faciem terræ effusis, deleuit impios omnes, animabus exceptis octo.*

7. *His a diluvio servatis (Noacho cum filiis & coniugibus suis) quid magis necessarium esse poterat, quam ut illi luxuriosum priorem mundum (diluvio iam deletum) pro speculo habentes, omnem vitæ molliem ac superfluitatem, aliasque levitates fugiendo, severam, gravem, sanctamque vitam agerent? Illi vero quid? Noach ipse vino se dedens ebriusque factus, quam indecore se gessit; quantum filii scandalum*

dalum præbuit ! Filiorum vero vnus ex patris nuditate impium sibi spectaculum constituens, quam diris execrationibus defigi meruit ? ostendit id maledictio in tota Chami progenie hunc vsque in diem residens. Africanas & Americanas intelligo gentes, brutalem agentes vitam.

8. Neque hic delirationum finis. Multiplicari cœpta Noachi sobole, cum sibi ad inuicem viderent ad diuersas mundi plagas discedendum, *iniuerunt consilium non necessarium extruendi prius eo in loco ciuitatem & turrim, cuius fastigium cœlos attingeret ; idque inconsulto Deo, & ad celebrandum nomen proprium* (Gen. ii, 4.) *& proposito peruicaci, non desistendi a cogitationibus suis.* (v. 6.) Quam temeritatem vt compesceret Dominus, inmisit menti eorum vertiginem, linguæ autem confusionem ; vt

fese, mutuo non intelligentes, dispergi
 necesse haberent. Et hæc fuit origo
 enatæ multitudinis linguarum, tan-
 quam perplexissimi omnibus terræ incol-
 lis Labyrinthi, in quo quadraginta
 iam seculis molestissime oberramus o-
 mnes, non nisi cum aliquibus illis alicu-
 bi nobiscum habitantibus intelligere
 nos valentes: alii alibi, tanta populo-
 rum multitudo, muti nobis sunt, &
 nos illis: non nisi intueri nos inuicem,
 & dehinc fastidire possumus. Vere
 enim AUGUSTINUS: *Nemo no-*
strum est, qui non libentius cum pro-
prio cane, quam cum homine ignotæ
linguæ versari malit. Hem perple-
 xum, millies millenis anfractibus con-
 fractum & lacerum, Labyrinthum!

9. *Multitudo hæc linguarum peperit*
multitudinem gentium, mox etiam re-
ligionum: quolibet seorsim habitante
populo peculiares Numen colendi ri-
 tus

tus & ceremonias, opinionesque excogitante maximam partem per *imagines & idola*; quæ deinde loco Dei celi, Deorumque appellatione cohonestari cœpta sunt. Vnde prodiit (*πολυθεϊα*) Deorum multitudo, cum fabulosissimis de Deorum inter se amoribus aut odiis, pugnisque ac bellis, narrationum figmentis; verbo, *multiformis & monstrosus Gentilismus*, aut, rursus per nugamentorum istorum vanitatem agnitam & fastiditam, *Atheismus*.

10. Aliud mox prodiit monstrum, aliorum in alios sæuendi consuetudo. Cum enim populis, tam ab inuicem iam distractis, *unum necessarium* optime potuisset seruire *concordia mutua*; per quam, limitibus ab inuicem honeste determinatis, domi suæ quisque tranquille ageret: *illi varias in discordias prolapsi, pro vno illo communi La-*
C 4 *byrin-*

byrintho mille alios minutos sibi fabricarunt. Cui rei vnus e Chami progenie initium dedit, *Nimrod*; concepto in ciuitate *Babel* ab aliis derelicta remanendi, inchoatumque gloriæ opus ad perfectionem deducendi proposito. Ad quod perficiendum, quia sibi multorum manibus opus esse videbat, cœpit e dispersis alios blanditiis alliciendo, alios vi adigendo, multitudinem ad imperia sua obsequiosam colligere, *hominum venator* inde dictus: & quidem *robustus venator coram Domino*; (Gen. 10, 9.) quia in conspectu Dei ausus fuit, quod ante illum nemo, dominium homini super pisces, aues, animantesque terræ datum, extendere super homines: quæ res infinitis confusionibus occasionem dedit per vniuersum genus humanum huc vsque. Humana quippe natura creatæ sibi libertatis memor sub iugo esse,

eſſe, niſi inuita, non poteſt, exitum quærens ſemper: quibus autem dominari allubuit ſemel, vt dominari poſſint ſemper, omnem vim adhibere, excogitareque fraudes ac dolos non intermittunt. Quæ bellorum inter homines omniſque violentiæ, fraudum & inſidiarum origo eſt. *Quod enim complacuerat uni Nimrodo, mox placere cœpit pluribus: vt iam Abrahami tempore (altero poſt Nimrodum ſeculo) Regum & Regulorum omnia eſſent plena, qui bello ſeſe impetere tentabant. (Gen. 14, 9.) Ex quo tempore nihil crebrius eſt, quam truculentia iſtæ regum & populorum, vi armata concurrentium, venationes, bella dico; terribilis iſte ac interminabilis, ſimulque exitialis humano generi Labyrinthus.*

II. Regi (namque) natura humana non recuſat obſequium, ſed humani-

ter, non belluine regenti : quia homo homo est, non bellua. Quin & bellua Bucephalus irrationabiliter tractari noluit, fessorem asperum excutens illico. Quo animaduerso Alexander ipse infiliit, rationabiliusque tractando equum ferocem tam mansuetum ac sibi obtemperantem reddidit, ut pater Philippus, in admirationem raptus, tali regimini regna mundi deberi, exclamaret. Æterno documento, in regenda natura humana unum necessarium esse placidam manuuctionem; vim, coactionem, fraudes, insidias, spuria esse ad rationalis creaturæ obsequia impetrandum media. Æterne igitur verum est : Nulla salus bello - - Sed populorum peccata flagellum hoc acre, mundique continuata insania Labyrinthum tam continuum huc usque ineruerunt.

12. Pergamus ad alia, minores & varios

rios gentium & familiarum Labyrinthos, vel sacræ historiæ ductu. Abrahamum patriarcham Deus, peculiari fœdere sibi iungens, aduersus errores, ærumnas, vitæque pericula omnino præmunitum reddiderat istis verbis: Noli timere, Abram, ego protector tuus, & merces tua magna valde. (Gen. 15, 1.) Item: Ego sum Deus omnipotens, ambula coram me, & esto perfectus. (c. 17, 1.) Ecce hic vnum necessarium (quanquam tri-vnum) Abrahamo fuit: (1.) Credere in vnum omnia potentem, (2.) Vnius illius facere voluntatem, (3.) atque ita faciendo nihil timere, sub illius scuto tutum esse. Fuitque ille, necessaria hæc obseruando, tutus omnino. Sed quia semel & iterum a fide Dei, a vita Dei, a spe Dei declinando peccauerat, etiam se in perplexitates coniecerat, nisi interuenisset Deus; vt in Ægypto (cap. 12.) & in terra Geraræ. (cap. 20.)

13. Filius etiam *Isaac* similiter peccans, similiter incurrerat; (*Gen. 26, 7.*) sed quia in seruandis necessariis (fide, spe, obsequio Dei) constans fuit, custodiuit eum Deus. At primogenitus huius, *Esau*, primogenituræ ius propulmento vendens (h. e. necessarium cum non-necessario commutans) quantarum perplexitatum sibi, fratri, parentibusque suis author fuerit, legi potest in eius vita, *Gen. c. 25. ad 36.*

14. *Populo suo Israël Deus in deserto necessariam prouiderat alimoniam, Mannam quotidie de cælo pluentem: qua illi tamen ad satietatem vesci non contenti, carnes, pisces, cucumeres, pepones, allia & cepe flagitarunt. Sed hac eorum gulositate irritatus Deus iussit, eis* per Moysen nuntiari: Comedetis carnes, non uno die, vel duobus, aut decem, vel viginti, sed mensem integrum, donec exeat per nares vestras, & ver-*

*Et vertatur in nauseam, eo quod repul-
listis Dominum, qui in medio vestri est.
Et fuit ita: egrediens ventus a Domi-
no detulit a transmarinis locis coturni-
ces, & demisit super castra. Et sur-
gens populus congregavit coturnicum
multitudinem. Sed adhuc erant car-
nes in dentibus eorum, cum furor
Domini concitatus in populum, per-
cussit eum plaga magna nimis.
(Num. ii.) Ecce necessariis non conten-
ti, non-necessariorum imprudenter aui-
di, in quam calamitatem sese præcipi-
tarunt?*

*15. Aliud in eodem populo exem-
plum triste mox ibidem (cap. 13. & 14.)
legere est. Quomodo illi iam iam pro-
missam terram, lacte & melle fluentem,
ingressuri, inutili tamen metu correpti,
non tantum pergere tergiuersati fue-
runt, sed & (lapidibus Mose & Aaro-
ne obrutis) duces sibi constituere, in*

Ægyptumque reuerti voluerunt. Quo furore prouocatus furor Dei peste omnes delere, Mosén vero eorum loco magnam in gentem multiplicare voluit: nisi ardentissimis precibus Mosi mitigata fuisset ira Dei. Ita tamen, vt primarii murmuratores, pessimi consilii autores, mox percussi corruerent; aliis autem omnibus iurauit Deus, non ingressuros terram, mansuros in deserto annos 40. donec perisissent omnes; filios demum ingressuros: quemadmodum & factum est. *Iam quisquis Deo diffidere, propria autem stultæ rationi fidere audes, &, quid sit tentare Deum, experire!*

16. Idem populus, in promissam illam terram potenti brachio Dei introductus, ibique annis 400. per excitatos diuinitus iudices gubernatus, ausus fuit talem hunc Dei ductum aspernari, vltimumque iudicem suum, Samuel,

lem ſic adoriri : *Conſtitue nobis Regem, ut nos iudicet, ſicut alie nationes habent,* (1. Sam. 8, 5.) Quo poſtulado contriſtatum Samuelem ita ſolatus fuit Deus : *Non te abiecerunt, ſed me, ne regnem ſuper eos.* (v. 7.) *Conteſtare iis, & prædic, qualia paſſuri ſint a Regibus ſuis; clamaturosque tunc præ anguſtia, & me non exauditurum eſſe, &c.* (v. 9. &c.) Fuitque ita : excepto Dauide, aliisque duobus vel tribus e poſteritate illius, alii omnes (vtriuſque regni) fuerunt oppreſſores populi & purioris diuini cultus, donec ſeiſpos cum regnis ſuis euerterent. *Negat iam aliquis, homines fortune ſue fabros eſſe; & quidem peſſimos fabros, quoties non contenti neceſſariis (in quibus Deus & natura nunquam deficiunt) ſtulto temeritatis pruritu ad non-neceſſaria prouunt ?*

17. *David omnium Regum pientiffimus*

mus (quem Deus virum secundum cor suum appellare dignatus fuit) *etiam aliquoties illicita ausus , periculosas non effugit tricas.* Ut cum adulterii facinus , huiusque tegendi causa cædem comittere non verecundatus , terribilia ista audire meruit : *Quare contempsisti verbum Domini , ut faceres malum in conspectu meo ? Uriam Hettaum percussisti gladio Ammonitarum , & uxorem ipsius accepisti in uxorem tibi.* Quamobrem non recedet gladius de domo tua usque in sempiternum , eo quod despexisti me , &c. (2. Sam. 12 , 9. &c.) Auertit quidem ille , seriam agens pœnitentiam , denuntiatas domui suæ pœnas , at non ex toto ; mox inter filios & filias suas incestus , cædes , & alia horribilia spectare coactus. (*cap. seqq.*) Cum vero iterum temere (post impetratas Dei beneficio plenas de hostibus victorias , & vndique

que pacem & securitatem) exercitus suos numerari (mero sibi complacendi studio) iuberet, iratus iterum Deus optionem illi (& regno suo) trium malorum obtulit, aut famis triennalis, aut belli trimestris, aut pestilentiae tri-duanæ. Vnde ille spiritu coarctatus, *angustia mihi omni ex parte; melius tamen est incidere in manus Domini, quia misericordiae eius multae sunt*, exclamavit. Immisit ergo Deus pestilentiam; quæ vno (nondum integro) die septuaginta millia virorum abstulit. (2. Sam. 24. & 1. Chron. 21.) *In speculum, quomodo sibi Labyrinthos homines ipsi, necessariis non contenti, temere ad vana prouentes, fabricent.*

18. *Salomonem errores suos confitentem, misériasque deplorantem, audiui-mus antea: sed quæ causa?* Nulla alia, nisi quod non contentus sapientiae dono, etiam, quid stultitia esset, explo-ratum,

ratum habere voluit, (*Eccles. 2, 3.*) imitator factus Adami, quem etiam scientiæ boni & mali cupido incesserat. Ecquid autem vterque inde, nisi vt exquisitum stultitiæ spectaculum fieret, retulit? Sicuti hætenus fiunt, quicumque bonis boni Dei donis non acquiescentes, ipsi sibi varia vana desideria figunt, illaque sequuti in salebras & aspreta, scrobesque & foueas incidunt, aut difficilem inde inuenientes exitum, aut nullum. Vt *Roboam, Salomonis filius*, qui, si prudens senile consilium sequi, lenibusque verbis subditorum animos demulcere voluisset, regnum retinuisset. Sed quia contrariam inire viam (stulto iuuenili consilio) elegerat, regnum amisit: recuperare id postea nec vi, nec vlllo meliore consilio valens; Labyrinthumque perplexum posteris suis, bella cum regibus Israël velut perpetua, relinquens.

19. Vetum quid hæc ultra persequi opus? Ex omni sacra & profana Historia, quotidianaque hominum vita exemplorum myriades colligi possunt, omnium humanarum errationum (milleformes licet sint) & omnium molestissimarum fatigationum (quam diuersæ illæ sint) & omnium inanum spei delusionum, unam hanc infelicem semper subesse radicem: quod homines, omittis **NECESSARIIS, NON-NECESSARIA** cogitant, loquuntur, agunt. Hinc illud: *Necessaria ignoramus, quia non-necessaria didicimus.* Et ad huius imitationem: *Necessariis caremus, quia non-necessariis colligendis operam dedimus. Necessaria non agimus, quia non-necessariis nos occupamus. Necessarios fines non attingimus, quia, non-necessariis mediis insistentes, ad impertinentia deuoluimur.* Atque ita optimis excidimus votis,

*votis, (etiamli obuerfentur animo.)
quia per inferiora bona dilapfi a p.i-
mariis retardamur.*

20. Crassissimo adhuc exemplo
communem mundi stultitiam ob ocu-
los ponere libet; si forte sic aliquo
modo, vt homines festucas & trabes
suas in oculis notare, iisque amotis
melius prospicere incipiant, obtinere
liceat. Scribit vir sapiens IOHAN-
NES GEILERUS (in libro, cui
titulum *Navis Stultorum* dedit) no-
tum sibi fuisse hominem delirum, bacu-
lis seu scipionibus ita delectatum, vt,
vb cunque lignamentum baculo simile
videret, tolleret; falcem eorum ali-
quando tantum portantem, vt vix in-
cederet; interrogatumque, cur id fa-
ceret, respondere solitum: *Iter faci-
enti utilem esse baculum ad sustentan-
dum se, & abigendum canes.* Non er-
rabat de baculo verba faciens, utilem
esse

esse viatori supellectilem ; sed errabat, non expendens, *unum esse usui, plures oneri.* Quam hominis fatuitatem si cognoscit auarus, agnoscat & suam ; qui, diuitiarum modum ignorans, bona vitæ huius ultra necessitatem aggerat, superflua de his sollicitudine labores & æumnas vitæ sibi multiplicans. Et quid aliud agunt litteratorum quidam, *eruditionis supellectilem, libros, ultra modum quoque aceruando* ? aliquos forte vix vnquam inspecturi. Aut si per omnia sese volutaturi, delirium inde potius (aut certe confusam mentem) quam ordinatæ sapientiæ lumen habituri. Et sic alibi per omnes status *baculorum ridiculi baiulatores, Labyrinthorumque suorum fabricatores* spectari possunt.

21. *Felix, qui vel in senectute veras de rebus nanciscitur opiniones,* inquit PLATO. Felices igitur nos senes, si vel

si vel in extremo vitæ (Labyrinthis mundanis, Sisyphæis faxis, Tantaleisque illusionibus, fatis diuexati) cum Salomone resipiscimus, superfluitatumque vanitatibus *Vale* dicto, ad solā vitæ (huius & futuræ) **NECESSARIA** studia conuertimus. Felix etiam foret ipse senescens, iamque ad exitum festinans mundus, si vel tandem, tandem, post omnia omnium præteritorum seculorum ludibria, oculos aperire, melioraque melioris vitæ præsidia (quæ liberaliter adhuc bonitas DEI offert) serio circumspicere, oblatisque uti, frui incipiat. Ad quam rem si quid monitiunculae nostræ conferre possunt, eia tentemus.

CAPUT III.

Demonstrata necessitate Artis distinguendi inter necessaria & non-necessaria, quid sit, quod Necessarium dicitur, & cur in vnaquaque re Vnum necessarium quæri iubeatur, & quomodo quærendum, vt inueniatur, ostenditur.

§. I.

PAtet e præmissis, (1.) *mundum reuera esse Labyrinthum errationum, fatigationum, illusionumque plenissimum.* (2.) *Et homines ipsos esse infortuniorum suorum fabros.* (3.) *Idque inertia sua, necessaria & utilia sibi obseruare nesciendo, non-necessariis vero ac noxiis sese intricando.* Vnde sequitur, *scire seligere necessaria præ non-necessariis, & utilia præ noxiis, artem artium fore, omnis humanae prudentiæ & basin, & fastigium.* De qua

qua artium arte tria mihi capite hoc demonstranda sumo.

I. *Nunc sub mundi finem magis necessariam esse, ac unquam.*

II. *Nunc sub mundi finem difficiliorrem esse factam, ac unquam.*

III. *Difficultates tamen istas superare, & artem aliquam non errandi, non frustra laborandi, non laborum fructu excidendi construi posse.*

2. Necessitas artis huius inde patet, quod *vita hominis iter est a præterito per præsens, in futurum gradatim procedens, semperque in alia quædam noua prius ignota loca, res, personas incidens.* Sic ergo ignotum iter facienti opus est aut duce fido & perito, aut indice aliquo certo, quid obseruandum sit, ne a tramite recto aberretur, monenti; præsertim si biuia, triuia, multiuia occurrant, sicut in vitæ cursu semper obueniunt. Osten-
do

do id. Homo primus in Paradiso biuium ante se habuit, *arbores duas*, cum mandato & vetito. Prudentia itaque fuit opus, vtrum hoc an illud expediret. Sed longe maiore circumspectione opus fuit posteris, longe plura ante se facienda & fugienda habentibus, cum variis superadditis præmonitionibus & præcautionibus. Quæ, quia tandem in immensum creuerunt, mundusque perplexissimorum Labyrinthorum vndique plenus factus est (vt, quoquo te vertas, in multiuia cogitationum, sermonum, actionum, factionum, hæitationum, lapsationumque incidas) *nihil iam sub cælo tam necessarium est homini, atque scire, quid sibi sit necessarium.*

3. *Estque circumspectatio hæc (quanto magis) difficilis facta per illam ipsam superfluatorum & noxiorum (super omnia præteritorum seculorum exempla*

pla) multiplicationem. Primo homini ars hæc non tam difficilis fuit: quia errandi occasiones (præter vnā illam circa arborem vetitam) non fuerunt. Salomonis tempore quia homines, negotia, curiositates multiplicata erant, multiplicati etiam Labyrinthi, & in illis errores: non vulgi duntaxat, sed ipsius etiam sapientissimi Salomonis. *Quid ergo de nostro dicendum auo?* vbi omnia millies plura & intricatiora facta sunt, quam Salomonis tempore. Impossibile videtur omni humano ingenio exitum inuenire: solatur tamen illud Christi: *Quæ impossibilia sunt apud homines, possibilia sunt apud Deum.* (Luc. 18, 27.) Et promissa Dei varie iterata, in fine gubernationis diuinæ omnia fore valde bona, sicut in fine creationis fuerunt. (*Gen. 1, v. ult.*)

4. *Addit spem ipsa humana industria,*

stria, quæ tot particularia (olim impossibilia visa) iam euestigauit, & in artem redegit; etiam vniuersalem hanc prudentiam, *quosuis mundi Labyrinthos eluctandi*, in artem redigi posse tandem. Cuius spei trinum est fundamentum. (1) *Quia errantium ante nos tot habemus exempla, quæ nos non errare docere possunt.* Certe enim vbi alium cecidisse video, me cadere, non est necesse: quia conspectum sic iam præcipitium declinare possum; aut ero ipso bruto brutior. Hinc illud: *Felix, quem faciunt aliena pericula cautum*; & similia sapientum inonita. (2) *Quia Salomon, errorum humanorum causam ostendens, ostendit simul remedium, dicens: Hoc inueni, DEUM fecisse hominem rectum, sed ipse se infinitis miscuit questionibus.* (Eccles. 7, 30.) Quasi dicat: Multiplicitas homines

D 2

per-

perdidit, in quam, curiositate prolapsi, sese intricarunt : ergo redeant ad simplicitatem, vt se extricent. (3) Sed melius adhuc cœlestis Salomo, non tantum *a multiplicitate ad paucitatem*, sed etiam *a pluralitate ad unitatem* omnia reuocat illo vere diuino, **VNUM est NECESSARIUM**, feu, vt alii volunt, **VNO est OPUS**. (Luc. 10, 42.) O quantum compendium, si pro innumeris vnum sufficiat ! Hoc ergo **VNUM NECESSARIUM** in vnaquaque re inuenire si sciuerimus, veram omnes Dædaleos labyrinthos, omnes Sisyphæas fatigationes, omnesque illusiones euitandi habituri sumus artem.

5. Scio, Polypragmones (multis negotiis deditos) quærere in multis etiam occupationibus non errandi, non succumbendi, non speratis bonis excidendi artem, habereque, se illam æsti-

æstimare multos audenter confidentes. Sed fallacem esse illam, germanorum ista diuerbia ostendunt: Die besten Schwimmer ertrincken; Die besten Steiger fallen sich zu todte; Die besten Fechter werden erstochen; &c. (*h. e. optimi scansores cadunt, optimi pugiles confodiuntur.*) Nempe quia fidendo arti suæ multis sese casibus audacter exponunt: casus autem, quem sæpe transit, aliquando inuenit. Casus ergo metuenti tutius fuerit multitudinem & confidentiam vitare, *unum necessarium sequi.*

6. Vt intelligar melius, dicam, humanam circa negotia solertiam duplicem esse. *I. Suscipere ad agendum multa, cum sollicitudine multa. II. Necessaria suscipere tantum, cum debita cura.* Priorem appellari posse industriam *Marthanam*, multa satagentem; posteriorem *Marianam*, vnum

quid selectum agentem. *Martha* enim per totam domum discursando, quomodo hospitibus omnibus omnem exhiberet commoditatem, prospicebat : *Maria* vero vnum inter omnes respectando, Dominum, ex illius ore verba vitæ haurire auida, ad illius confedit pedes, collaudataque a Christo præforore fuit. Vnde binam illam solertiam (*Marthanam & Marianam*) appellare quoque possumus *Salomoneam & Christianam*. Salomo liquidem omnia experiri sibi permisit, bona & mala, (*Eccles. 1, 1. 3. 10.*) Christus nihil, nisi vt, reprobato omni malo semel, soli bono adhæreret semper. (*Ies. 7, 15.*) Et hæc est illa Mariana & Christiana ars, *eligendi partem optimam, quæ a nobis non auferatur ; ars separandi pretiosa a vili, seu necessaria a non-necessario.*

7. Quam artem, vt ante illius vsum addiscamus, præcognosci necesse est:

I. *Quid sit, quod necessarium dicitur, & quomodo a non-necessario differat?*

II. *Quo sensu non nisi VNUM NECESSARIUM dicatur?*

III. *Quomodo in unaquaque re inueniendum veniat?*

8. **NECESSARIUM** est, ad aliquid efficiendum, aut impetrandum, requisitum primum, sine quo alia omnia frustra essent: quali fundamentum, cui structura tota insistit, & quo amoto, ædificium rueret totum. Breuiter, sine quo res nec esse posset. Dicitur alias principale, præcipuum, primum, potissimum, fundamentale, radicale, capitale, essenziale; siue ipsa essentia seu substantia rei, caput, radix, fundamentum, basis, neruus, medulla, ἔργον. Cuius respectu cætera,

quæ adfunt, *non-necessaria, vel imper-
 tinentia, aut etiam secundaria, acces-
 soria, accidentalia, additamenta, ap-
 pendices, παράρρηγες* dicuntur. Inter
 quæ differentia hæc est, quod *neCESSa-
 rium præcise facit ad esse, non-necessa-
 rium tantum ad aliter esse*, melius aut
 peius. Exempli causa, *RADIX* in
 arbore est requisitum necessarium;
 quia sine radice arbor neque stare pos-
 set, neque crescere, neque ferre fru-
 ctum. *Rami autem, folia, flores, fru-
 ctus* sunt partes arboris secundariæ,
 quippe quibus quandoque destituitur,
 arbor tamen esse non cessat. Sic in ar-
 tificialibus; si quæretur, *piçturæ quid-
 nam sit maxime necessarium?* respon-
 debitur, *rem quamvis ad viuum sistere
 posse oculis, ut ex ipso piçturæ conspe-
 ctu agnosci possit ipsa res piçta.* An
 pulchri sint colores, & appiçta orna-
 menta hæc vel illa, ad essentiam rei ni-
 hil

hil facit. Et sic vbique essentialia ab accidentalibus, necessaria a non-necessariis distinguenda sunt; quia, nisi distinguantur, confusio fit.

9. Notandum vero, *non-necessaria* iterum distingui posse in *utilia*, *inutilia*, *noxia*. *Utile* dicitur, quod, tametsi non faciat ad esse, facit tamen ad melius esse: vt alimentis vti suauioribus, aut salubrioribus. *Noxium*, quod facit ad peius esse, aut non esse: vt alimentis vti insalubribus aut venenatis. *Inutile*, seu *indifferens*, quod nec prodest, nec obest: vt pane vti triticeo vel filiginaceo, carne vesci bubula vel vitulina, ouina vel caprina, &c. dum vtraque nutrit.

10. Quod autem Dominus dicit, *unum esse necessarium*, intelligitur *aut precise unum, aut collectiue*. *Precise unum*, in correlatis, vbi unum vni, aut bina binis respondent. Ex. gr. *uni*
cor-

corpori viuo necessarium est caput vnum; & uni capiti corpus vnum. (Nam uni corpori dare capita plura, aut uni capiti corpora plura, monstrum faceret.) Item, *uni capiti satis est vnus pileus, & uni pileo caput vnum.* Sed *manus*, quia sunt duæ, opus duabus habent *chirothecis*; *pedes* duo, duobus *calceis*. Et sic omnia proportionate, vt, quicquid vltra necessitatem est, superfluum sit, non vtile, non decorum, &c.

II. *Collectiue vnum* dicitur, cum se totum essenziale in partes essentielles diuidit plerumque tres. Ex. gr. *Ad actionem quamuis semper tria sunt necessaria.* I. *Scopus* utilis, actionem prouocans. II. *Media* possibilia, actionem non fore inanem, promittentia. III. *Modus certus mediis vtendi* sic, vt actio scopum assequatur. *De Mediis* rursum si quæstio sit, quænam ad actionem

nem necessaria sint, respondebitur tria hæc : I. *Agens*, II. *Agibile*, III. *Actorium*. *Agens*, seu efficiens est, operator ipse : (nam nihil seipsum facit.) *Agibile* ipsum agendum opus, seu materia, cui introducenda est forma. *Actorium* est instrumentum agendi. Iterum in agente quenam necessario requirantur, si quæris : respondebitur tria : *Posse*, *Scire*, *Velle*. *Posse* : ut vires habeat ad opus sufficientes. *Scire* : ut artem operandi ne ignoret. *Velle* : ut operari ne pigretur. Quæ tria necessario requiri, exemplo pateat. Iubes *mutum canere* ? frustra es, non potest, voce destitutus. Iubes *rusticum artis rudem* ? frustra es, nescit. Iubes *Musices peritum* ? sciet quidem & poterit : nisi tamen volet, etiam cantus non procedet. Et sic ubique.

12. Sed *quomodo unum illud necessa-*
ri-

rium in tanta non-necessariorum turba reperitur? non frustra quæritur: hoc enim est, quod plerique ignorando æternos labyrinthos oberrant, æterna faxa volutant, æternam bonorum esuriem patiuntur. *Quid ergo faciendum?* Attendenda est cuiusque rei definitio vera: tum rei finis, seu scopus: & per quid ista suo fini reddatur maxime idonea. Hoc enim si repertum erit, illud ipsum ei primo & summe necessarium erit. Exeimplis rem ostendo. *Terra ad quid est?* vt nos, ædificiaque nostra sustentet. Ergo illi soliditate opus: quia, si mollis & paludosa esset, fini suo idonea non esset. *Aqua cui vsui data?* vt nos humectet. Ergo humiditas, liquiditas, fluiditas illi vnum necessarium sunt: his destituta (vt dum in glacie ligantur) non præstat vsum suum, nisi glacie rursus liquefacta. *Ær ad quid*

quid est? vt respirationi rerum seruiat. Ergo illius vnum necessarium est, spirabilitas: & per consequens subtilitas & puritas. *Ignis* ad quid? vt nos calefaciat, resque crudas coquat, aut liquefaciat, &c. Ergo illi calore opus, quanto gradu ad hanc vel illam rem opus: & quidem actuali calore, non ligato in filice, vel alio occulto fomento. *Alimenta nostra (cibi Et potiones)* quid sunt, & ad quid? Ad reparandum in corpore nostro humores vitales, & spiritus, qui quotidiano calore absumuntur, & evaporant. Ergo necesse est, esse succi boni, & spirituosi, vitalibus nostris humoribus & spiritibus proportionata. Et sic per vniuersam rerum naturam.

13. Veniamus autem ad horum praxin, vt, inquærendo ex humanis *errationibus, fatigationibus, ludibriis-*
E que

que exitu, artis huius veritatem experiamur.

CAPUT IV.

Regula Christi de VNO

NECESSARIO, quam sit observatu necessaria; quippe quæ sola e labyrinthis mundanis exitum ostendere, ab oneribus mundanis leuamen adferre, in esurie mundana saturitatem præstare potest; & quomodo id speciali applicatione, verbis & exemplis docuerit Christus ipse.

§. I.

QUod de regno cælorum pronuntiauit Dominus, *simile esse grano sinapi, quod cum sit minimum inter semina, postquam tamen creuerit, maius sit omnibus oleribus, adeoque sit arbor, sub cuius ramis habitent volucres cæli; (Matt. 13, 31.) hoc*
idem

idein de præfenti Christi regula (DE VNO NECESSARIO) dici potest, vtut parua fit in oculis hominum, fructus tamen eius explicare se ad cœlos vsque & in ipsam æternitatem. Quod vt euidens fiat, videamus *primum*, quomodo Christus ipse granum hoc suum amplissimos in ramos (in vsum volucrum cœli, h. e. fidelium suorum, cœli candidatorum) diduxerit. *Deinde*, quomodo ipsi nos (optimi magistri imitatione) regulam hanc eius ad omnia nostra accommodare queamus, & quam eximio usu.

2. Dico igitur, Christum per hanc ipsam breuissimam regulam artem triunam docuisse magnam: I. *eluctandi omnes errorum labyrinthos*; II. *superandi omnia laborum saxa*; III. *assequendi omnes honestarum voluptatum delicias*.

3. Si quis enim vbique in negotiis

(1.) non - necessariis immiscere se caueat ; (2.) solis necessariis vbique attendat ; (3.) eaque ad vnitatem (quantum potest) reuocando simplici suæ viæ insistat : annon tricas (a confusa multitudine venientes) facile declinare poterit ?

4. Atque si quis in rebus agendis (1.) non multa simul agenda sumat, præsertim parerga ; sed (2.) sola necessaria ἔργα, aut ἔργον vnum vrgeat ; (3.) illique soli, donec peractum sit, insitet : annon agendorum ante se cumulum decrescere, actorum a tergo struem semper surgere videbit ?

5. Sicut & in captandis vitæ bonis, prouenientibusque inde gaudiis : si quis (1.) non - necessariis non inhiet ; (2.) neque necessariis visis multis simul ; (3.) acquiescatque præsentibus, vt se dant ; ille non facile ob frustrata desideria turbabitur, appetitus suos vbi-

vbique moderari gnarus. Hinc illud
EPICTETI, *in vita versandum est
ut in conuiuio. Si quid circumse-
rendo ad te perlatum fuerit, modeste
manu extensa accipito; nondum adest?
appetitum longe ne extendito; præ-
teriit? ne detine.* Mire pulchre!
Sed riuulus est, a sapientiæ fonte de-
manans, Christo: qui omnem homi-
nem venientem in hunc mundum il-
luminat (*Iob. 1, 9.*)

6. Christus tamen specialibus etiam
regulam suam (*de obseruando vbique
vno necessario*) explicat & adplicat;
vt, ad extricandum se quibusuis laby-
rinthis, **SIMPLICITATIS FI-**
LUM vbique commendat aduersus o-
mnem multiplex, aut nimium. Osten-
dam id paucis exemplis, vt reliqua in-
telligiqueant facilius. (1.) In huma-
narum consuetudinum tricis ad pri-
mæ circa rem quamque institutionis

simplicitatem reuocare solitus fuit, dicens : *ab initio non fuit sic*; (Matth. 19, 8.) (2.) A polypragmosynæ vitio suos reuocare proprii inuneris inculcatione, vt: *Reges gentium dominantur, & qui potestatem habent, clementissimi domini vocantur. Vos autem non sic: sed, qui maior est inter vos, fiat minor, &c.* (Luc. 22, 25.) (3.) Ab ambitione suos abducturus, puerum in medio eorum sistit, hunc imitari docens. (Matth. 18, 2.) (4.) Ab auaritia dehortaturus, intueri iussit *volatilia cæli, & lilia campi*: quomodo a patre cælesti nutriantur, & vestiantur, citra propriam anxiam sollicitudinem. (Matth. 6, 25. &c.) (5.) A curiosa præmeditatione futuri periculi ad spem reuocabat promissi auxilii. (Marc. 13, 11. & Luc. 21, 14.) Et sic innumera.

7. *Ad leuandum vero se irritis laborum fatigationibus quid opus?* Sua-
debat

debat terrenarum rerum nimiam deponere sollicitudinem, in paternam DEI de nobis curam recumbendo; (*Matth. 6, v. 25. & 32.*) vel etiam res ipsas (bonas in se alioquin, si tamen molestiarum curarum causa sint) abii- cere: vt cum diuiti adolescenti virtu- tum studio, onere tamen curarum de bonis suis impedito, diceret: *vade, vende omnia, quæ habes, & da paupè- ribus, & veni, sequere me;* (*Matth. 19, 21.*) aut si curæ officii sint, quæ depo- ni non possunt, industriam & laboris constantiam suadendo, donec *labor labore superatus sit*; vt, cum tergiuer- santi cuidam sequi sese, nisi prius alia quædam expediisset, diceret: *Nemo mittens manum suam ad aratrum, rursumque respiciens, aptus est regno DEI* (*Luc. 9, 62.*) q. d. age, quod agis, sepone remoras. Ita ipse, redemptio- nis opere suscepto, nullis laboribus

frangi se passus fuit, donec in morte dicere posset, *consummatum est.* (Ioh. 19, 30.)

8. Ad assequendum denique concupita bona; iisque fruendum, quomodo regulam suam (de Vno Necesario) applicabat Dominus ? *Primo, ad non-necessaria non extendendum esse appetitum, docendo.* Vt cum Rex terrenus fieri nollet, ad hoc non missus; (Ioh. 6, 15.) nec diuidere hæreditatem, non constitutus pbliticus iudex. (Luc. 12, 14.) Item cum, pro sustentatione vitæ a Patre cœlesti non nisi PANEM QUOTIDIANUM esse petendum, doceret: h.e. non cupedias, aut delicias, gulæ irritamenta; sed quod simplicissimum haberi potest. *Deinde, acquiescendo iis, quæ paterna DEI cura suppeditat, qualia qualia sint.* Quod & ipse praxi exercuit perpetua; & docuit discipulos suos.

suos. Hinc illud Apostoli : *Didici, in quibus sum, iis contentus esse. Scio & satiari, & esurire; abundare, & penuriam pati. Omnia possum in eo, qui me corroborat, Christo. (Phil. 4, II. 12. 13.) Tandem, assuefacere se ad inopiam potius & delectabilium rerum carentiam, quam ad præsentem semper copiam vel sufficientiam.* Ita enim Christus, cum esset dives, pauper fieri voluit propter nos, (II. e. ad exemplum nobis dandum, 2. Cor. 8, 9.) ieiunareque sæpe, etiam ad quadragesimum usque diem : licet virtute sua divina panes creare posset, ut in pascendis aliquoties famelicis turbis demonstravit. Et pro sibi proposito gaudio sustinuit crucem, contemptaque ignominia, consedit ad dextram DEI. (Heb. 12, 2.) Quem imitati fideles discipuli sui, Apostoli, exhibebant seipsos ut ministros DEI, in multa patientia,

in tribulationibus, in necessitatibus, in angustis, in plagis, in carceribus, in laboribus, in vigiliis, in ieiuniis; (2. Cor. 6, 4. 5.) per gloriam & ignominiam, per conuitia & laudes: ut impostores, & tamen veraces; ut ignoti, & tamen noti; ut morientes, & tamen viuentes; ut tristes, semper tamen gaudentes; ut egentes, multos tamen locupletantes; ut nihil habentes, omnia tamen possidentes. (v. 8. &c.) Quam ecce alia hæc est, quam Tantalorum mundi cantilena.

9. Patet inde, quam compendiosa sit Philosophia Christi, veræ felicitatis via, *vnire se intra se & cum DEO, in DEO, non diffundendo se extra se per res: ut si quid necesse est, non ultra id, quod necesse est. Quod quisquis a Christo didicit, non facile a meta sua, beatitudine, aberrat; non facile obuenientibus laboribus succumbit;*

bit; non facile desideriiis suis, (inertis tranquillitate conscientiaeque gaudiis) frustratur. *Contentus* ex doctrina Christi uno DEO, & uno inter se & DEUM mediatore, Christo; unoque interno doctore, consolatore, confortatore, Spiritu Sancto; & uno lumine fidei, unaque spei anchora, oratione ac suspiriis ad DEUM perpetuis; & vno opere bono sibi demandato, charitate erga proximum, quacunque parte inuare queat quemcunque: patientia denique in aduersis; aut, ut ne pati quidem etiam necesse sit, resignatione totali voluntatis suae in voluntatem DEI. Quisquis enim perfecte se resignauit beneplacito DEI, ille bona & mala, gaudia & dolores, vitam & mortem indifferenter habet, tanquam vnā, solam, veram, ad felicem e miseriis exitum DEI, miseratoris sui introductionem.

10. Nos vero, si non degeneres discipuli sumus eius, quem profitemur magistrum, eia pergamus eius insiſtendo vestiſiis, auream eius, de VNO NECESSARIO, regulam ſpecialibus noſtris applicare negotiis. Hoc eſt, circumspectare, *quomodo* (1.) *homo quisque ſeorſim*; (2.) *& iuventutis quisque cætuſ ſeorſim, ſchola*; (3.) *& reſpublica quævis*; (4.) *& eccleſia quævis*; (5.) *& denique munduſ totuſ* (ſi ſalubria vellet audire conſilia) *Labyrinthiſ ſuiſ, Siſyphæiſ ſaxiſ ſuiſ, Tantaleiſque ludibriiſ ſuiſ* (quæ nunc omnia patiuntur omneſ) *liberare ſeſe queant cito, tuto, æternoque gaudio ſuo.*

CAPUT V.

Qua ratione hominum

quisque regulam Christi, de VNO
NECESSARIO, in seipso adhibere
possit sapienter, ut sibi per totam vitam,
& in morte, & post mortem bene esse
queat, exemplis ostenditur
nonnullis.

§. I.

Nonnullis dico : quia in re infiniti
usus diffundi opus non est, pau-
cis exemplis regulæ aperire sen-
sum, & late patentem ostendere usum
sufficit. Et primo quidem respectu
sui ipsius, præsentis capite.

2. Si quæras, *quid homini primo &
maxime necessarium sit* ? respondebi-
tur, IPSE SIBI : ut discat ser-
psum nosse, seipsum regere, seque ipso
uti, frui.

3. *Quid hæc sibi volunt* ? Primum
E 7 homo

homo seipsum debet nosse, vt sciat, se non simpliciter creaturam esse, (vt cœlum, terra, sol, arbor, elephas, &c.) sed medium quid inter creatorem & creaturas: quod sit tanquam creatoris sui imago, vicarius, seruus, creaturarum vero gubernator & Dominus; paruus mundus, & paruius DEUS.

Secundo debet scire *seipsum regere*, tanquam paruus DEUS paruum suum mundum. Hinc illud sapienter a sapiente dictum: *Si vis esse rex, dabo tibi regnum, rege teipsum. Demum* opus est homini scire *seipso uti, frui*, h. e. nulla creatura magis niti, quam seipso; neque delicias ex vlla creatura quærere maiores, quam ex seipso; iuxta illud: *Orbis quisque sibi est, nec te quæsueris extra.*

4. *Quomodo sibi ipsi orbis est homo?*

R. Omnia sua intra se habens, nihil sui extra se relinquens, instar circuli seu spha-

sphæræ. Optime igitur seipsum intra seipsum inuenerit homo, non alibi : quia tum facile quoque intra se Deum inueniet & omnia. Deum eo modo, quo res quæque in sua imagine inueniri ac spectari potest : omnia reliqua eo modo, quo res e vestigiis suis agnoscisci solet, quippe creaturæ omnes vestigia sunt creatoris. *Regere vero seipsum si scierit homo*, scierit & alium hominem, vtpote natura similem, simili regimine opus habentem. Si hominem, etiam homines : quia omnes ad eandem formam facti sunt. *Si denique frui seipso didicerit homo*, sciet etiam frui aliis bonis sibi destinatis. *Seipsum itaque nosse, regere, possidere, ac uti, frui, est primum necessarium homini.*

5. Explicatius ista profer, si potes?
R. Hoc volo, vt homo beatitudinem suam a seipso, essentialibusque partibus

bus suis, *corpore, animo, anima*, expectet potius, quam a rebus externis accessoriis, *alimentis, vestitu, habitaculis, opibus, favore hominum, & similibus vitæ appendicibus*, quæ plerumque magis oneri, quam leuamini; impedimento, quam adiumento; noxæ, quam vsui sunt; imperite adhibita. Augent quippe valide Labyrinthos vitæ, & Sisyphæa saxa, Tantaleaque ludibria; beatitudinem veram eo modo indubitanter turbantes. Sapiens igitur, quisquis essentielles tui partes (*corpus, animam, spiritumque immortalem*, quem præ cunctis visibilibus creaturis accepisti) in pretio habens, illas esse tuum peculium (ceu agrum, hortum, paradisumque tuum) persuasus, colas, indeque desideratæ beatitudinis tuæ fructus colligas.

6. *Ad colligendum istos ex me ipso fructus, quid necessarium erit, ut intelligas,*

ligas, unde tibi proueniant : & , quid faciendum sit , ut felicius proueniant ?

7. *Doceri id cupio.* Omne tuum bonum , o homo , ex imagine Dei (ad quam creatus es) tibi fluit : fluetque tanto felicius , quanto propius te assimilaueris archetypo tuo , DEO. Id quod totis viribus conari debes , sicuti te ipsa innata cordis tui (& omnium hominum) desideria istuc stimulant. Quemadmodum enim DEUS *I. est & uiuit, II. potest, quicquid vult, III. scit omnia, IV. & intelligit, quæ scit, V. vult & eligit bona, VI. operatur, quicquid vult, VII. possidet omnia, VIII. fruitur omnibus, IX. eminent inter creaturas suas, X. quibuscum & colloquitur, seipsum eis reuelans, XI. amatque illas, & ab illis redamari vult, XII. beatus bonorum suorum plenitudine in æternum : ita etiam homo naturaliter desiderat, 1. *uiuere, 2. vigere ac valere, 3. scire,**

3. *scire*, quæ sunt, 4. *& intelligere*, 5. *&*, quæ tibi placent, *eligere*, 6. ac pro assequendis, quæ eligit, *moliri*, quicquid potest, 7. dum *habere* multa, 8. & *frui* potitis, 9. *eminere*que ac *in honore esse*, 10. & *esse eloquentem*, ad cogitata sua communicandum cum aliis, 11. *habere*que homines tibi *fauentes*, 12. & Deum *propitium*, ad plenam felicitatis suæ securitatem. Monstrum hominis fuerit, non homo, si quis horum cura non tangatur.

8. Nec homini deest omnia illa obtinendi potentia, si addita desideriis media recte obseruentur. Nam (1.) *vita corporea tota est res organica*, seruari aut corrumpi apta, seruatis aut corruptis organis; (2.) *sicut & valetudo ipsa*; (3.) *sciri omnia possunt sensus quinque sanos habenti*, quia his totus subiacet mundus; (4.) *& intelligi ab illis, qui mentem sanam habent*, rerum-

rerumque causas vestigandi laborem
impendere non pigrescunt. (5.) *Arbitrio ac delectu circa res uti, cui non
datur?* (6.) *Effici ab homine omnia
possunt*, ad quæcunque efficiendum or-
gana accipit : ad quid autem non ac-
cipit? (7.) *Haberi etiam bona quæque
quidni possint?* adeo domum suam
nobis ad habitandum concessam, mun-
dum, bonis omnibus abunde instruxit
creator. (8.) *Uti, frui potest quisque
bonis; quia omnia facta sunt valde bo-
na.* (Gen. 1, 31.) Corrupta quidem
per peccatum sunt omnia, diligenti-
bus tamen Deum cooperantur nihilo-
minus in bonum omnia. (Rom. 8,
28.) (9.) *Eminere, cuius contingere
potest* : dummodo, quid vere sit emi-
nere, & qua recta via vere alta petan-
tur, non ignoret. (Eminemus enim
ipso creationis iure super omnes visibi-
les creaturas; redemptionis autem bene-

beneficio super angelos etiam ; per sanctificationem denique ad diuinæ vsque naturæ consortium eleuamur : quanta hæc ? (*Psal. 8, 6. 7. Heb. 2, 16. 2. Pet. 14.*) (10.) *Eloquentem fieri possibile est omni homini*, quicumque a Deo sanam mentem, linguam, aures accipit ; paucos vero organis his infelix aliquis casus priuat. (11.) *Moribus bene politum*, fauoreque humano dignum reddere quidni liceat quicunvis, qui decori leges obseruare velit ? (12.) *Deo denique per amorem & obsequium iungi, quidni possibile sit homini*, qui diuinum illud : *gustate & videte, quam suavis sit Dominus*, (*Psal. 34, 9.*) audire non recuset ?

9. Nihil ergo restat, quam videre, quomodo tantarum rerum possibilitas in facilitatem transeat. Quod, an nos regula Christi *de vno necessario* docere queat, eia experiamur !

Ad

*Ad vita valetudineque . . . iſtante
fruendum, quid neceſſario requiritur?*

Reſp. diligentia in obſeruandis illis,
quæ vitam & valetudinem roborant,
cauendisque contrariis : h. e. vt ſani-
tatem lædentiã fugias, conſervantiã
adhibeas. Sunt autem valetudinem
lædentiã, extrinſecus quidem vulnere,
plagæ, caſus & concuſſio, aut contu-
ſio ; intrinſecus vero omnia exceſſiva,
vt calor vel frigus vehemens, motus
aut quies nimia, nimiaque cibo & po-
tu repletio, nimia rurfum exinanitio,
ſeu fame, ſeu ieiuniis, ſeu medicinis,
&c.

Conſervantiã valetudinem ſunt, *diæ-
ta bona, & DEI hominumque obſer-
vantia.* *Dieta* eſt moderatio pru-
dens in victu, motu, ſomno, aliisque
modo memoratis, quorum modera-
tus uſus iuuat, defectus & exceſſus no-
cent. *Obſervantiã vero Dei & homi-
num*

num est, studium neminem irritandi, h. e. ad nocendum prouocandi. Si ergo tuo ventriculo dederis nutrimenta conuenientia, & corpori debitum motum & quietem; menti autem recreationem & solatia honesta; Deo denique vitæ tuæ domino adorationem & obsequia, hominibus vero, quod cuique debetur: quidni bene speres? annon tali modo vitæ & valetudinis studio ipse Christus & sancti eius præiuerunt?

10. *Vt quis multa bona sciat, mala tamen nesciat efficiendi, una hac necessaria est via: vt, quicquid sciri debet, sensibus offeratur; quod non debet, a sensibus abscondatur.* Obiectis enim suis oculus, auris, alique sensus mox insiliunt; modo lente offeras, non obruas. Quod autem occultatur, occultum manet.

11. *Vt, quicquid esse scitur, etiam quid*

quid sit, intelligatur, causarum inspectio accurataque perspectio faciet. Si ergo rem intelligere vis, inquire sedulo, 1. *ad quid res sit*; 2. *ex quibus ingredientibus componatur*; 3. *quibusque vinculis partes connectantur*. Et mox, quid res sit, videbis. Cuiusmodi solertia, si a non-necessariis cohibebitur, ad necessaria quidni sufficiat?

12. *Vt quis libertate arbitrii recte uti, non abuti, sciat, necessario adsuefaciendus est cohibere se ab omnibus illicitis semper, in licitis autem uti discretionem: nempe, an aliquid expediat, etiamsi liceat. Quæ virtus (ab illicitis abstinendi semper, a licitis sæpe) pro virtutum fastigio habetur merito, dum reuera nemo liber, qui seipsum in potestate non habet. E contra vero*

For-

Fortior est, qui se, quam qui fortissima vincit

Mænia, nec virtus altius ire potest.

13. *Vt quis per virtutem totus actius euadat, eo etiam Christi regula prorsus confert.* Nam natura humana per se viuida est, motu & actione (secundum plus & minus) gaudet, nihil nisi directorio prudenti opus habens. (Vt enim mens semper in cogitando aliquid, & voluntas semper in eligendo aliquid versantur: ita facultates executivæ in cogitatis & electis exequentibus non versari non possunt. Stimulis hic externis nihil opus, gestat eos intra se quisque: directorio tantum, ne inordinato impetu extra orbitas rapiatur.) Prohibita ergo solertia nostra effundere se in non-necessaria, necessario vi maiore impetum facit in ea, quibus solis obuertitur necessariis rerum. O quantum hoc!

14. *Efficiendi ut quis non egeat noxie, abundet potius, eadem Christi regula vim habet multam.* Quippe Deus semper bonus semper beneficia sua distribuit, modo nobis, acceptandi ea, manus ne defint: neque natura nostra per se insatiabilis est, opinione tantum quorundam quandoque. Quisquis ergo desideria sua ultra necessitatem non extendit, necessariisque a manu Dei venientibus acquiescit, illi, quantum quantum datur, satis est: viviturque paruo beatius, quia minus distracte. Ex aduerso, *cui Deus & virtus sua non sufficiunt, ei nihil sufficit*: egebit, tametsi mundum possideat. Ars ergo vere in Deo ditescendi, *in orando & laborando, parsimoniaque seu frugalitate* consistit.

15. *Virum item Deo & virtute nitentem bonis suis suauiter uti, frui, malorumque securum esse, regula Christi facit.*

cit. Dum enim, necessariis adquiescens, frugaliter viuit, non-necessariorum copia se non circumaggerat; non irritatur aliena cupiditas ad illius tenui forti inuidendum & insidiandum: viuit Deo & sibi suauiter, Deum semper laudans, mente autem sobria, a rerum tumultu libera, semper boni aliquid agitans. Aut si quid incommodi se admiscet, consideratione fortis humanæ, diuinæque circa omnia nostra prouidentia, tolerat omnia.

16. *Eadem Christi regula facit, vt vir Deo & virtuti deditus, solisque necessariis intentus, in honore vitam agat via trina.*

I. Nihil inhonesti in se, nec in hominem vllum, vel rem vllam admittendo. II. Non quærendo bonus videri, sed esse. III. Nec in eo tam homines respectando, quam Deum, veritatis vindicem, conscientiamque propriam, intimum suum testem.

stem. Talis vero quisquis fueris vere, honoratus eris vere in conspectu Dei & angelorum eius, piorumque hominum, tanquam genuissima imago Dei, qui veritas est; siue in luce publica viues, siue in vmbra tua. Hoc enim nihil tunc ad rem: vtrum te vulgus respectet, an secus; quia vulgus res non intelligit, sæpe cloacam pro altari adorans. Neglige hos, verum quære honorem, in virtutis folio residentem.

17. *Etiam regula Christi* (de vno necessario) *eloquentes* faciet obseruatores suos, si non affectata loquacitas, sed *sufficiens cogitata sua proferendi facultas* intelligatur. Qui enim res necessarias satis intelligit, & a non-necessariis satis recte discriminat, loqui poterit veritates, non vanitates, nequereque sermonem apte cohærentem, non arenam sine

ce. Tandem hac arte simplicissimi etiam, & parum linguaces eloquentes erunt vere: ad Deum quidem suspiriis eximo corde profectis; ad homines autem sermone simplici ac veridico, qualem cœlestis Magister docuit: *Etiam, etiam; non, non.*

18. *Facit & ad facilius hominum fauores impetrandum:* si quis rebus suis intentus nullis non-necessariis negotium aliis faceffat. Quis enim facile turbet illum, qui, secum habitans, turbare quærit neminem?

19. *Super omnia vero est, quod eadem hac regula Christi ad quærendum & inueniendum fauorem eius, qui super omnia est; Dei, certissima manu-ductrix esse comperiatur.* Dum enim in vnaquaque particulari re vnum necessarium (in quo essentia illius medulla sita est, & a quo illius conseruatio pendet) quæri iubetur, euidentissi-
mun

munum fit ipsi etiam vniuerso basi aliqua vniuersali (cui innitantur omnia) opus esse necessario: neque basin illam aliud esse posse, quam ipsum primum rerum principium, Deum, utpote causam causarum, finem finium, formam formarum, efficientemque efficientium omnium. Quod serio expendens pius regulæ Christi obseruator, fieri non potest, quin statuatur, *omnium necessariorum maxime necessarium esse Deum.* Quod porro faciet, ut quemadmodum antea deprehendit, necessarium sibi esse, conuerti a rebus externis in seipsum, tanquam sibi ipsi vnum necessarium: ita nunc deprehendet, *necessarium sibi esse a seipso etiam exire, & reuerti in fontem suum, Deum.* Exit igitur a se tandem etiam, ut se reddat Deo: h. e. ut imperium sui, recta ratione collectum, tradat Deo. Atque tum salua sunt

hominis omnia, DEO ad fidelium omnium partem ita edicente: *Noli timere, ego sum protector tuus, & merces tua magna valde,* (Gen. 15, 1.)

20. *Possuntne hæc specialioribus exemplis ostendi?* Quidni? dabo. Si vitam tuam sine Labyrinthis esse vis, negotiis te alienis nunquam implica non re, non verbis, non cogitatione, si fieri potest. Hoc si recte seruaue- ris, incredibile quantum Labyrinthorum effugeris. In propriis autem rebus vt sine Labyrintho sis, vna *frugalitas* faciet: h. e. vt sis paucis contentus in vestitu, habitatione, alimentis, seruitiis, supellectile, redditibus & opibus; omnia tantum ad necessitatem habens, nihil ad superfluitatem & luxum. Similiter amicis ne te onera, vnus & alter sufficiat consilii causa.

21. *Estne, quod specialiter de necessariis respectu ætatum, iuuenilis, virilis,*
lis,

lis, senilis, & quæ circa mortem, moneatur? Non deerit.

22. *Quid ergo iuventuti unum necessarium est?* R. *bene educari*, h. e. mox ab exordio vitæ necessariis vitæ instrui, a non-necessariis immunem seruari. Hic totius vitæ felicitatis basis est: *quia, ut se dant prima, sic omnia.* Arbor quomodo plantatur & rigatur, ita crescit: & quomodo crescit, ita durefcit, recta aut curua, fructus ferens hos, aut illos &c. Hinc Salomo: *Instrue puerum ad viam rectam, & non recedet ab illa, cum senuerit.* (Prou. 22, 6.) Deus vero ipse: *Si mutare potest Æthiops cutem suam, & pardus maculas suas, etiam vos poteritis bene agere, docti male agere.* (Ier. 13, 23.) Nempe frangas citius, quam corrigas, quod in malum induit. Et vasa vitrea, vel figulina tutius frangi prohibentur, quam fracta

reparantur : sicut, & valetudo corporis, & omnia.

23. Mature etiam informandi sunt iuuenes de mortalitate sua, vt videant, ita sibi vitam esse inchoandam, quomodo singulos inchoamus dies, nempe vt particellam tantum temporis, transituram breui. Cuius rei vsus erit, vt vitæ caducæ non multum fidere, futuræ potius sese præparare discant. Si quis dicat : *Priusne mori, quam viuere docendi erunt ?* Resp. Necessario, si a summis periculis præcautum volumus hominibus : summum enim periculum est, hominem (siue senem, siue iuuenem) imparatum abripi. Et quia sapienter dictum est : *Nascentes morimur, finisque ab origine pendet*, non erit insipiens factum, mortales mox ab ipsa origine admonere finis, vt hunc mature prospectare, & ad præuisum media dispo-
nere

nere consuescant. Alias certo necessaria ignorabimus, quia non-necessaria discemus; certo necessaria negligemus, quia non-necessaria agemus; certo necessaria nos desituent, quia non-necessaria nos occupabunt. Nullo igitur modo perfectius inchoari potest vita, quam a meditatione mortis, & proposito, vitam cum Dei metu tam bene transigendi, ut, quæ hanc excipiet mors, mala esse non possit.

24. *Vitam honestam meditati quidnam est necessarium?* Respondetur: SENECA aliquem virum virtute heroica eligi suadebat (*Scipionem, Catonem &c.*) quem quis imitari proponendo, semperque ceu præsentem spectando, præ verecundia ne peccet. Non malum consilium; sed nos Christiani melius habemus, magisque constringens: *Christum semper in obtutu habere*, tanquam (1.) *perfectissimam*
omnis

omnis perfectionis ideam, (2.) reuera nobis presentem, nosque & omnia nostra spectantem, (3.) futurum denique nostrum iudicem.

25. *Hoc pauci attendunt. Resp. Non attendenti, & licentiose viuere volenti, necessarium foret circumspicere latebras, vbi te nec Deus videt, nec angelus, nec vlla creatura. Nam si Deus videbit, ita te iudicabit, vt te inueniet. Si creatura, deferet te: etiam auicula, (Eccles. 10, 20.) etiam lapis a pariete clamabit, etiam nodus e ligno testificabitur. (Abac. 2, 11.) Talem vero angulum (ad peccandum absolute necessarium) vbi inuenies? nullibi. Nullibi ergo peccari posse memor, ne pecca; sed virtutibus vbique te perficere labora.*

26. *Bonum id genus propositum concipienti, quid est necessarium? Incipere: & quidem incipere mox, & serio.*

Si

Si nunquam incipis actu, theoria nuda nunquam erit vsui. Et qui non est hodie, cras minus aptus erit. *Quid autem incipienti est opus?* Pergere, donec omnes primæ difficultates (non enim aberunt) superatæ fuerint. *Quid necessarium pergenti?* Perseuerare: quia solis ad finem perseuerantibus salus promittitur. (*Matth. 10, 22.*) Omnia vero hæc, vt vere ac seuerè (sine omni hypocrisi, simulatione ac dissimulatione) fiant, mox a iuuentute assuesce; quia cordis veritatem veritatis Deus requirit. Quomodo igitur te Deus & conscientia tua vident, si homines etiam ita videbunt, eris vndique tutus. Absque hoc omnia tua fucus erunt; atque tum quid? Vt res inanes ventus, homines vanos opinio inflat.

27. *Virilis ætas, laboribus dedita, vt ne Labyrinthus sit, quid faciendum?*

Resp.

Resp. Semper primo sequestranda sunt non-necessaria, sicut & minus necessaria, ne iis implicemur. Necessaria vero redigenda ad paucitatem: atque tum expediendum aliud post aliud distincte, hoc trino præcepto insuper obseruato.

I. Vt nulla in re tibi demandata expectes alios, sed FACIAS IPSE: nullo post Deum homine magis nixus, quam teipso.

II. Quicquid expediri potest hodie, in crastinum ne differas.

III. Quicquid agis, serio agas, ut sit AD VSUM.

28. *Ad expediendas actiones quid opus est?* Resp. 1. *Habere semper scopum certum, unum fixum:* aut, si se offerunt plures, subordinare secundarios primo. (Duos lepores qui simul sectatur, neutrum capit.) 2. *Medium certum, unum, fixum:* aut, si pluribus videamur

videatur opus, subordinanda sunt inuicem sibi, vt ne se impedian, sed iuuent. Stultus viator (apud GEILERUM) qui se pluribus baculis onerat: similiter autem quisquis inutilibus sarcinis, aut multa supellectile sese prægrauat & retardat. 3. *Mediis utendi modum certum, unum, fixum*, h. e. vsu & consuetudine firmatum. Aut si quid nouo modo tentandum est, non nisi summa ratione tentandum.

29. *Multis autem negotiis distracto quid agendum?* Circumspiciendum, quodnam inter omnia illa sit maxime necessarium, atque hoc vrgendum primo, cæteris neglectis. Si plura simul necessitatem inferunt, accersendi sunt, qui iuuent. Si non est, quem adhibeas, solique tibi omnia incumbunt, age priora prius, & potiora potius.

30. *Quid autem, si negotia extraordinarie magna obuenant?* Resp. Ibi

G

animo

animo magno, viribus magnis, prudentiaque magna opus est: aut etiam (si a te solo ista desperes) consilio magno; quin & fauore magno Dei, ad benedictionem impetrandam; & hominum, ad inuidiam auertendam. Sine his magnum quid si tentas, vix obtineri poterit, quin pœnitudo sequatur.

31. *Si vero pericula simul incidant, aut tot perplexitates, ut nescias, quo te vertas, quid tunc agendum?* Resp. Vnicum hoc restat, refugium sumere ad Deum, cum Iosaphat dicendo: *Non est in me, Domine, fortitudo ad resistendum tantæ multitudini, quæ irruit super me. Nec scio, quid agam, hoc solum habens residui, ut oculos meos dirigam ad te.* (2. Par. 20, 12.)

32. *Vt quis suis in negotiis inuictus sit, quid illi opus?* Nihil inchoare, quod finire non sit in potestate sua: quia viribus maiora suscipiens necessario

rio lassatur, & dehinc aut succumbit, aut cum ludibrio definit. Quisquis ergo sapis, imitare Dauidem, cor suum & oculos non attollentem, neque res inconuenientes aggredientem. (Ps. 131.) Si ad extraordinarium aliquid adhibere te placebit Deo, ipse te manu sua eo deducet, sicuti Dauidem: cuius exemplo, si tu omnes tuas curas in Dominum deuolues, *IPSE FACIET.* (Psalm. 37, 5.) Si ductum eius anteuertere uoles, & negotia, & te præcipitabis.

33. *In alienis uero, fidei nostræ commissis negotiis, quid maxime necessarium?* Fidelem esse: h. e. serium, uelocem, taciturnum, prouti res postulauerit. Ne igitur dicas, te facturum, sed fac: neque te fecisse iacta, sed rem ipsam dextre peractam loqui sine.

34. *Temporibus latis quid opus?* Lætari, Denique cantibus laudare. (Iac.

5, 13.) *Ridenti fortuna arridere licitum est*, dixit gentilis homo. Quod idem suis permittit Christus, ita tamen, ne gaudia lasciuiant, & plus carnem, quam spiritum sapiant.

35. *Tristibus autem quid?* Tristari, gemere, orare. (Iac. 5, 13.) Ita enim demum mala quæque nobis bono cedent, si nos ad boni fontem, Deum, refugium sumere compellent.

36. *Avaro quid opus est?* Fundo: ut sit, ubi se audivitas fistat. Quodnam vero illud fundum? Adquiescentia, & contentum esse rebus præsentibus. Nunquam erit pauper, cui, quod habet, satis est: nunquam diues, cui, quod habet, non sufficit.

37. *Ut quis tota in vita sine tricis sit, quid opus?* Fugiat constanter intra se vitia, extra se turbam negotiorum & hominum. *Ad effugiendum intra se vitia, quid opus?* Si carnis tentatio est, fuge,

fuge, Iosephi exemplo, (Gen. 39, 12.) si alias tentationes iniicit Satan, resiste Christi exemplo, donec Satan fugiat. (1. Petr. 5, 9. Iac. 4, 7.) *Turbam vero quomodo effugiam?* Cum paucis conuersando, & in necessariis tantum: confecto autem negotio quouis, mox ad teipsum & tua redeundo. Ita per totam vitam.

38. *Senex ut dici queat felix, quid illi opus?* PLATO felicem iudicauit illum, cui vel in extrema senectute veras de rebus suis opiniones nancisci contingit: nempe quia iuuenilem ac virilem ætatem erroribus fere transmitti censuit. Enimvero, quia non mentis tantum & intellectus aberrationes dantur, sed etiam voluntatis & actionum, plenius dicendum est: *Felix ille senex, qui labyrinthorum vite finem inuenit, & saxa sua ad quietem deduxit, desideriorumque suorum satietatem*

zatem adeptus est. Ideo Dauid beatum prædicat senem, cui Deus virtutibus *reiuuenescere dat, ut aquila.* (Psal. 103, 5.) Ut scilicet, si quid agendum restat, vigorosum sit, sublime, cœleste: sicut arbores annosæ, tametsi minus feraces sint, fructus tamen maturiores proferunt & dulciores, quia melius excoctos. Quicquid ergo vitæ errorum senex notare (in se vel aliis) potest, ante vitæ finem emendare debet: ut ne se in emendatum mors opprimat, totumque vitæ pretium perdat. Ut enim cursoribus stadii victoriæ præmiū non nisi in meta est: ita vitæ honestæ palma non nisi in morte: hac amissa, nullus emendationi, æternus poenitentiae relinquitur locus.

39. *Ars ergo bene moriendi ars artificum erit?* Vtique: quia mors vltima linea rerum est; omnia vero tum bona sunt, clausula quando bona est. Infeli-

felices essemus, si molestissima mortalitas nostra morte terminanda esset: infinito vero magis, si temporales ærumnæ æternis essent permutandæ.

40. *Ad bene moriendum igitur quid opus est?* Bene præparatum esse ad ineuitabilem illam horam: ut non extrudaris hinc inuitus, sed factorum legibus parendo cedas lubens. Sapi-
enti enim e vita honeste ac modeste, ut e conuiuio, discedendum est: nec bona mors sperari potest, nisi illi, cui vita bene transacta. *Bene velle mori, & non prius bene velle viuere, stultum est votum:* quia contra iustitiæ leges, & in seipso etiam impossibile. Mors proinde quia illud punctum est, a quo æternitas pendet, nihil tota vita diligentius agendum est, quam ut beatæ hinc abitioni recte præparemur.

41. *Præparatio illa quibus in rebus sita est?* Ut, quicquid adhuc disposi-

tionem requirit, disponas tecum, & cum proximo, ac Deo ipso. *Tecum*, vt ante te mori facias mortis tuæ causam, *peccata*, vt ne quid sit, quod in ipso mortis articulo terreat. (Si enim cor nostrum non reprehendit nos, fiduciam habemus ad Deum. (Ioh. 3, 21.) *Cum Proximo*, vt reconciliemur omnibus omnino, dum adhuc sumus in via. (Matth. 5, 25.) *Cum Deo*, vt propitium eum habere in Christo certi reddamur per fidem. (Rom. 5, 1. 2.) Ita enim demum, quod in vita peragendum erat, peractum esse videns, cum Christo, spiritum Patri reddente, lætus dicere poteris: *consummatum est*. Et cum Paulo: *Bonum certamen certavi, cursum consummaui, fidem seruauit: reposita mihi est corona* &c. Ita demum nihil, quod hic agas, superesse certus, lubens a labore ad quietem transire festinabis, iterum

rum cum Apostolo dicens: *cupio dissolui, & esse cum Christo.* Ita denique cum Stephano cœlum ante te apertum, & Filium hominis stantem a dextris Dei videns, dices: *Domine IESU, suscipe spiritum meum!* (Act. 7.)

42. *Post mortem autem homini quid opus est?* Animæ quidem respectu, *angelis*, in cœlum deductoribus; corporis respectu, *amicis*, sepulturam curantibus; honesta denique post se relicta *fama.* Quæ tamen posteriora duo si apud homines non contingunt, (vt in seruorum Dei martyriis) primum solum abunde sufficit, solum vnum necessarium est.

CAPUT VI.

Quomodo Eruditi, &
qui rem literariam tractant, suos &
scholarum Labyrinthos, suaque Sisypheæ
saxa, & Tantaleas illusiones per Christi,
de VNO NECESSARIO, re-
gulam emendare possint.

§. I.

Homini, qua homo, quid unum ne-
cessarium est? SAPERE: h. e.
scire conuersari cum rebus, cum
hominibus, cum Deo. Quorum
primum *Philosophiam*, secundum *Pol-
iticam*, tertium *Religionem* vocamus:
sine quorum notitia & usu homo non
homo, sed brutum esset: tametsi vn-
dique opibus, honore, commoditati-
busque vitæ circumfusus. Quia vt
ægotum aureus lectus; ita stultum
splendida fortuna nihil iuuat. *Sapi-
entis oculi sunt in capite illius; stultus
vero*

vero in tenebris ambulat, inquit Salomo. (Ecclef. 2, 14.) Quo innuit, *eruditionis & sapientie* scopum esse, ut homines non pecorum ritu sequantur antecedentium gregem, euntes, non quo eundum est, sed quo itur: verum, ut ante se viam vitæ ipsi met clare videntes, illi prudenter insistant, præteritorum memores, præsentium gnari, futurorum prouidi.

2. *Ad comparandum hoc sapientie lumen multisne opus est?* Si inanuductionem Dei sequi velint homines, non multis: *timore tantum Dei, & oratione, tribusque libris. I. Timore Dei* opus est, ut nemo ad rem tam sanctam (in qua similitudo Dei consistit) proterue ac leuiter, temeritatis impetu, aut curiositatis proritu proruat, sed humili reuerentia (tanquam ad rem, quæ gloriam Dei, propriamque ac proximorum salutem concernit) accedat.

cedat. Tunc enim reuera *timor Dei sapientia fit initium.* (Prou. i, 2.) II. *Oratione feruida* opus est, ad constandum, nos nulla nostri fiducia, sola diuinæ misericordiæ spe ad hos lucis & salutis fontes accedere. Quod quia Salomo & Daniel fecerunt, sapientiamque sibi præ cæteris bonis optarunt, cæteris mortalium sapientiores facti fuerunt: promissaque pariter sapientia est omnibus, eam a Deo postulantibus. (Iac. i, 5.) III. Et quia *sapientia fons est verbum Dei in excelsis,* (Sir. i, 5.) verbum autem Dei *trinum* est: (1.) inspiratum rationali creaturæ, angelis & hominibus, mentis lumen; (2.) impressum creaturis corporeis, quarum mundus plenus est; (3.) expressumque verbis ad sanctos Dei prolatis, & iussu Dei in scripta prophetica relatis. *Tria ergo sapientia infundibula sunt: 1. mens sana, innatis notitiis*

titiis plena, ratione lustranda ; II. *Mundus* creaturarum plenus, sensibus subigendus ; III. *Liber Biblicus*, reuelatorum mysteriorum plenus, fide scrutandus. *In his Dei libris, quicquid sciri aut ignorari opus est, continetur: soli proinde ad sapientiam hauriendam unum necessarium sunt.*

3. *Sapientiæ studium estne res facilis, an operosa ?* Vtrumque. Si enim, qualia hæc ex intentione Dei esse debebant, attendimus, meræ deliciæ imaginis Dei animæ nostræ (tanquam vere paradisiacæ voluptates) esse debebant: si qualia per degenerationem facta sunt, meri Labyrinthi, Sisyphææque saxa, & Tantalea ludibria sunt.

4. *Demonstra utrumque.* Resp. I. *Philosophia* ex intentione Dei nihil aliud esse debet, quam legitimum hominis in res omnes, creaturas inferiores, dominium: quod suavi rerum

contemplatione, rationabili earundem moderamine, prudentique usu absoluitur. *II. Politia* nihil aliud, quam concors hominum ad mutua vitæ commoda cohabitatio, mutuis fauoribus, consiliis ac auxiliis constans; iuxta ipsius naturæ leges. Quorum summa est: *Quod tibi ab aliis fieri vis, aut non vis, hoc idem aliis facias, aut non facias*, propter naturæ æqualitatem. *III. Religionis* vero totum hoc est, ut Deo, quæ placent, nobis reuelanti *credamus*, mandanti *obsequamur*, promittenti *fidamus* semper, & vbique, & in omnibus, sine tergiuersatione omni.

5. *Hæc obseruatu facillima videntur?* Erant; nisi homines Dei hortos syluescere, & in dumeta & spine-ta, imperuiosque saltus abire fuissent passi. Sed quia 1. *rerum* multitudo tanta est, 2. enatæque circa res *quæstiones*
infi-

infinಿತæ, 3. & circa quæstiones *opinionum* infinitæ, 4. infinitæque circa opinionum varietatem *disputationum* tricæ, 5. & infiniti de omnibus his scripti *libri*, 6. idque *linguis* variis, quæ eruditæ videri volentes æmulatione mutua infinitis modis seipsas intricant, 7. & omnia hæc tradendi *methodorum* varietas difficultates auget : inde fit, vt literati omnes infinitos oberrare labyrinthos, volutare saxa, frustrationesque ac ludibria pati necesse habeant.

6. *Ain vero? Res tu ipsas diuino artificio contextas* (in mente nostra, in mundo, in verbo suo) *labyrinthos esse dices?* Ob multitudinem dico & varietatem, quæ tanta est, vt, vbi initium aut finem hic, isthic, illic quæras, non reperias. Omnes quippe & singuli diuini libri recessus habent profundissimos, varios, nulli humanæ menti

ti huc vsque aut permeatos, aut penetratos. Quot physicorum & metaphysicorum, mathematicorumque & chronologorum, politicorum & theologorum interminabiles speculationes, nascentesque inde plures quotidie de omnibus & singulis quæstiones, & de quæstionibus semel motis variæ variorum (vix vnquam terminabiles) opiniones? Decuit nempe infinitam Dei sapientiam ita thesauros suos contemplandos exponere, vt mens humana progrediendo semper finem inueniret nunquam: ad euidentius differentiam inter se creaturam & creatorem (tanquam riuulos & fontem) cognoscendum.

7. *Si hic scopus est, infinita igitur huius contemplationis schola innoxia est?* Resp. Esset, si modeste hic versari, humilesque æternæ sapientiæ discipulos agere consuescerent homines.

nes. Sed quia plerumque res agitur temere, coniecturalibusque opinionibus suis homines, nimis facile sibi placendo, scintillas suas pro sole adorant, aliisque adorandas obtrudunt, nascuntur inde contradictiones & pugnæ, quas *disputationes* vocant; iisque mundum ita repleuerunt, ut dissidiorum & labyrinthorum nullus sit finis.

8. *Atqui habemus libros, veriorum observationum collectanea, defecata sapientiæ adminicula?* Resp. Debebant libri errationum esse antidota, humanoque per se vertiginoso ingenio directoria: verum, ut adhuc res sunt, reuera labyrinthi sunt, si quis sine admodum prudenti consilio (ceu Ariadnes filo) iis sese immittat. Primum enim plures sunt, quam ut perlegendæ vel millesimæ illorum particulas cuiusdam mortalis vita sufficiat: magis

gis autem varii, quam ut ullum tam firmum cerebrum reperiatur, quod in vertiginem non agi necesse habeat. Immensæ itaque librorum strues aut spectaculo sunt magis, quam vsui, & sic se prodit vanitas; aut ingeniorum confusio inferuiunt magis, quam instructioni, & sic noxa patescit. Hinc enim indocte doctorum, aut docte delirantium agmina, vere doctorum, h. e. sapientum, raritas, & quod Deus sapientiam sapientum abominatur, prudentiamque prudentum reprobatur. (1. Cor. 1, 19.) Quoties ergo grande volumen ante te vides, & multo magis, dum numerosam aliquam Bibliothecam spectas, miseratio animum subire debet miseræ humanæ, tantis labyrinthis distractæ, laceratæ, corruptæ. Quemadmodum enim cupiditæ gulosos alliciendo decipiunt, & in nauseam, aut morbos, immaturasque

que mortes præcipitant : ita curiositatis illecebræ, libri multi & varii, periculose ingenia inescant, animosque nausea, morbis, exitiisque tandem implent. Hinc est, quod sapientiores metuere incipiant : *nisi vagum hoc, semperque adhuc incrementa capiens librorum diluvium aliquo modo sistatur, futurum breui, & ut homines aut nihil legant, aut nihil credant, profanitasque & Atheismus inundent omnia : quemadmodum initia videmus passim ; maxime in gentibus, quæ sibi maxime culturæ videntur.*

9. *Quid igitur consilii, ut librorum lectio non sit labyrinthus ?* Resp. Hoc vnum, ut hic etiam, vni necessario insistens, non-necessariis te intricari ne permittas. Nempe, *ut non multos quæras libros, sed bonos : adeoque si vnus in materia vna excellit, (puras de re illa veritates pure tradens) vno adquic-*

adquiescas. Tum, illum solum totum attente legendo, omnia notabilia enotes, atque tum autorem seponas, ne tibi amplius faceffat negotium. Demum excerpta relegendo memoriæ imprimas exacte, exercereque praxi incipias accurate. *Hac ecce via, plurimos autores bonos in succum & sanguinem conuertendo, sapientiaque medulla egregie te saginando, sapientiam tandem non in chartis, sed in pectore gestare poteris.* Quam vnâ methodum sequi si vellent scholæ, molestissimis labyrinthis non se tantum & iuuentutem, sed ecclesiam, sed politiam, sed mundum liberare possent.

10. *Tantane tantilla de re promittere audes?* Audeo, quia tantus artifex est Christus, vt, quicumque illum ducem & lucem sequitur, non permittat ambulare in tenebris, sed habere lumen vitæ; (Ioh. 1, 12.) præsertim
 si

si quis ex toto ducem hunc, & lucem hanc sequi (*h. e. humanis libris sepositis omnibus, in solis diuinis delectari*) animum inducat. Id quod esset cum Maria partem eligere optimam, confidendoque ad pedes Christi ab vnus illius ore pendere, præque illius suauitate omnium aliorum obliuisci.

II. *Annon vero ipsi etiam diuini libri, suas ambages, suosque varios anfractus & profundos recessus habentes, ingeniis labyrinthi videntur?* Videntur sane, præsertim primo accedentibus; sed videntur magis, quam sunt. Quia perfectissimus artifex, Deus, sapientiæ suæ *amphitheatra* (*mundum, mentem, verborumque suorum systema*) perfectissima symmetria non condere non potuit: perfecto autem cum nullus insit error, nullus etiam reperiri potest illis, qui se Deo humiles & attentos dant discipulos. Aut
fi

si quid humana imperfectione hic etiam erratur, duce tamen Deo, (*qui sapientia dux, sapientumque emendator est*, Sapient. 7, 15.) errari tam noxie non potest, atque si, deserto Deo, alios sectamur duces. Tandem non desunt dono Dei *directoria quædam*, quibus pie obseruatis, omnia sapientiæ Dei theatra (liber creaturarum, liber mentis, liberque verborum Dei) tuto & amœne transiri possunt.

12. *Quæ illa directoria?* Tria potissimum: I. *ut, quod inuenire cupis, ibi quæras, ubi est, te in te, mundum in mundo, Deum in Deo*; II. *idque organo cuique appropriato: mundum lustrando lumine sensuum; mentem lumine rationis; Deum lumine fidei.* (Mundus enim corporeus totus subiacet sensibus: mentis actiones omnes normantur ratione: reuelata omniaprehenduntur fide.) III. *Tan-*

Tandem, ut ad harmoniam mutuam omnia, ne ulla unquam dissonantia inter cogitata, dicta, factaque Dei, & sensum, rationem, fidemque nostram interueniat. Tunc demum semper prodibit lux & veritas, cum amore gloriæ Dei & salutis nostræ.

13. *Expressius ostende, quid obseruatu necessarium sit, ut liber creaturarum sigillatim lustratus non labyrinthus sit, sed hortus deliciarum?*
Resp. Obseruandi sunt creaturarum gradus, atque tunc eundem per singulos inconfuse: ut primum considerentur res, quæ habent nudum ESSE: ut *elementa*, & ex illis concreta *meteora, metalla, lapides*; tum quæ præterea habent VIUERE, & propter vitam generari, vegetari, mori: ut *arbores, herbæ*; tertio loco, quibus additur SENTIRE, ac loco moueri: ut *animalia omnis*
gene-

generis. Demum, quibus addita est
 suprema corona similitudinis Dei, ad
 seipsas, & alia secum, **INTEL-**
LIGENDUM: vt *homo* & *ange-*
lus. Aut possent etiam creaturæ cor-
 poreæ (iuxta numerum sensuum)
 quinque partite, in *visibiles*, *audibi-*
les, *olfactiles*, *gustatiles*, & *tactiles*
 diuidi; &, quomodo hæc omnia &
 singula fiant, contemplan- do, ordine
 inconfuso progredi.

14. *Sed mentes humanæ annon chaos*
& labyrinthus sunt? Non sunt, si se
 intra cancellos contineant. *Quos di-*
cis cancellos? Impressam diuinitus nu-
 merorum, mensurarum, ponderum-
 que notitiam. Postquam enim Deus
 creator omnia in mundo ad nume-
 ros, mensuras, ponderaque disposuis-
 set; (Sap. ii, 21.) impressit eosdem
 numeros, mensuras, pondera inagini
 suæ, **MEN'TI** humanæ; vt quæque
 obuia

obuia numerando, mensurando, ponderando, rerum quarumvis notitiam, & dehinc vsum comparare sibi posset. Utque posset, indidit ei normas trini generis: *I. Notitias quasdam innatas, intellectui prælucens; II. Instinctus quosdam occultos, voluntatem ad bona eligendum, mala reprobandum, stimulant; III. Facultates quasdam & organa, ad bona sequendum & adsequendum, mala fugiendum & effugiendum, impetum conferentes.* Quæ tria, quia ad omnia intelligibilia, volibilia, agibiliaque se extendunt, & in omni homine nato reperiuntur, (essentialibus non mutatis) dicuntur *communes notiones, communes instinctus, communesque facultates & organa.* Quæ omnia, si rursus debitas in classes accurate disponerentur (non dum enim factum est) haberetur non labyrinthus, sed castrorum acies ordinata.

H

dinata, aut voluptatum hortus, non minus deliciarum, quam ipse maior mundus (longe plus potius) contemplatoribus suis offerens.

15. *Etiamne verborum Dei liber, BIBLIA, sic aliquo modo ad contemplandi suauitatem disponi potest? Resp.* Potest maxime, si tria hæc tibi firmiter persuaferis: 1. *Librum hunc esse diuinam ad genus humanum epistolam, qua eos a rebus transitoriis & ærumnolis ad æterna sua gaudia inuitat; 2. illis reuelans, & ab eis requirens, obsequiosisque promittens mundo maiora; 3. ideoque studium libro huic impendendum toto genere diuersum esse ab omni illa cura, quæ humanis libris impenditur.*

16. Primum, inquam, Bibliorum lectoribus summe necessarium est, *persuasum habere, librum hunc nobis, paradiso pulsus, esse diuinitus datum* (non

(non quidem simul & semel, sed successiue, iuxta occasiones ab hominibus, obsequia Dei deferentibus, datas) *eo fine, ut stultitiæ nostræ in deferendo vitæ fonte, Deo; & infelicitatis, in quam nos per id præcipitamus; misericordie denique Dei resipiscentibus oblata, potenter admoneamur.* Esse itaque librum maximæ necessitatis, qualis nullus alius sub sole, ad cognoscendum viam effugiendi exitii æterni, recuperandæque vitæ ac salutis æternæ præsidium vnicum.

17. *Diuidi autem librum hunc (quantum ad intimam eius medullam) trifariam: nempe in reuelata, mandata, promissa: illa fide, ista obsequio, hæc spe diuina excipienda.* Reuclantur enim ibi talia, quæ nec oculus vidit, nec auris audiuit, nec in cor hominis ascenderunt, (1. Cor. 2, 9. 10.) h. e. quæ, nisi reuelasset Deus, nullo sensu,

aut ratiocinatione adsequi posset homo: (ex. gr. quid fuerit, antequam mundus fuit: & quid erit, cum mundus non erit: & quid nunc extra mundum fiat, in ipso usque corde Dei, quas nimirum ipse cogitationes de nobis habeat &c.) quæ tamen dum fidelibus suis per Spiritum suum reuelat Deus, nos ea *prehendimus fide diuina firmiore, quam vlla oculares demonstrationes esse possunt.* (Heb. II, I.) *Mandantur* vero in Scripturis talia, quæ, nisi auxilium subueniret Spiritus Dei, nullis naturæ viribus peragi possent: *RENASCI, & in homines alios, novos, cælestes, Deiformes mutari;* quod sola, & plena, humillimaque sui Deo ad omne beneplacitum resignatione obtineri potest. *Promittuntur* denique, qualia nullus mortalis homo, aut immortalis angelus promittere potest, mundo maiora: *æternitas*
nem-

nempe ipsa cum omnibus voluptatum torrentibus, ipsoque omnis beatitudinis fonte, DEO, qui ambulantibus coram se corde integro seipsum in mercedem promittit. (Gen. 15, 1.) Quod cum omni humanæ spei inaccessum sit, spe tamen diuina tam firmiter prehenditur a fidelibus, ut omnes sensus abnegare, omniaque rationis dictamina eiurare, vitam denique præsentem, & quicquid hæc mortalitas habet, abicere, millies paratiores sint, quam non ad immortalia illa festinare: quemadmodum apostolus, antiquorum sanctorum facinora dilaudans, testatur, Heb. II.

18. Talem diuinam lucem & veritatem, supraque humanum *fidei, charitatis, & spei* robur, si quis ex hoc sermonum DEI libro haurire velit, necesse habebit, (1.) *studium impendere illi maius, quam ullis humanis libris;*

(2) *cautius hic versari, quam in omnibus illis; (3.) neque id theoria nuda, sed praxi perpetua.*

19. *Maius studium hic requiritur, quam in ullis humanis libris, propter maiores hic, quam alibi, lucis & veritatis, salutisque thesauros, solis peccantibus, quærentibus, pulsantibusque promissos. (Matth. 7, 7.) Non recedet volumen legis ab ore tuo, (inquit Deus) sed meditaberis in eo die ac nocte, ut observes & facias omnia, quæ scripta sunt in eo. Tunc enim prosperaberis in viis tuis, & tunc secundaberis. (Ios. 1, 8.) Ideo David: Beatus, cuius voluptas est in lege Domini. (Ps. 12.) Quam diligo legem tuam, Deus! toto die illa est meditatio mea. Omnibus doctoribus meis intelligentior fio, quia testimonia tua meditatio sunt mea: senibus prudentior sum, quia mandata tua custodio. (Ps. 119, 91. 99. 100.)*

20. *Cau-*

20. *Cautio tamen hic requiritur maior, quam ullibi, propter maiorem ac perpetuam lucis & tenebrarum (veritatisque ac mendacii, sapientiæ & stultitiæ, fidei & perfidiæ, dilectionis & odii, spei & desperationis, salutis denique & exitii) misturam.* Sicut enim in paradiso terrestri non tantum vitæ arbor fuit, sed etiam arbor scientiæ boni & mali, in cuius vetito fructu mors inueniri ac deuorari potuit : ita prorsus in hoc spirituali paradiso. Vbi arborem vitæ *reuelata, mandata, promissaque DEI*, cum exemplis sanctorum, qui ea sunt amplexi, arborem vero scientiæ boni & mali *occultata, prohibita, minitataque*, cum exemplis proterue irruentium & violentium, repræsentant, temeritatemque illorum, qui non semper pauent & cauent, prouocant. Quisquis ergo paradisum hunc DEI, *Biblia*, ingreditur,

firmissimo cum proposito ingredi debet, arbori vitæ adhærendi, arborem scientiæ boni & mali cauendi: h. e. *librum hunc eo fine, non ut doctior, sed ut sanctior fiat, tractandi.* Tali proposito destitutus si quis ingreditur, facillime laqueos & lapsum (vt Eva mater, cum infinitis curiosis filiis) inueniet. Qui vero meliora tantum quæret, *vita viam*, inueniet, &, quod quærit, *vitam*; &, quod quærere timet, superaddetur ei, *intellectus mysteriorum DEI* supra eos, qui per curiositatem hoc solum quærunt: modo vt practicæ huius methodi ne ignoret modum. Qui vt pateat, accuratius etiam aliquid monendum est.

21. *Scriptura sacra tota est liber practicus, in quo Deus causam suam contra rebellem creaturam agit, iudicii que situm iustitiam, tum processum variis occasionibus varie describit. Indican-*
do

do nempe illis, quæ scire, mandando, quæ facere, promittendoque facientibus, quid expectare habeant: perpetuis cum exemplis exercitæ benignitatis erga pios, iusti autem rigoris sui erga impios. Quisquis ergo totum hunc processum DEI cum humano genere, & qui eos seducit, satana recte intelligere, indeque alienis exemplis cautior fieri voles, hæc facito. Primo, firmiter statue, humani generis conditionem nunc eandem esse, quæ olim: omnibus mortalibus profundo Dei consilio inter summa & ima, iustitiam & peccatum, vitamque & mortem, ita indifferenter constitutis, ut, si quis hic vicerit, summa teneat, vitam sempiternam; si victus fuerit, ad ima & interitum prolabatur, quemadmodum Esdras loquitur (4. c. 7, 58.) Secundo, eundem semper esse satanam, qui fuit, invidum salutis nostræ hostem, perpetuum.

tuumque mille modis insidiatorem, a quo mortalium nemo vllò momento tutus sit. Deum e contra nos & fatanam, nostrasque cum illo collutationes spectando semper, hominibus deesse nunquam, si homines ipsi non deessent sibi: cuius rei sacra historia exempla suggerit perpetua. Variorum etiam fatanæ detegens varia, quibus infidias hominibus & laqueos struit: Deique præmonitiones & auxilia varie varia, quibus nobis succursum it; iam verbis & doctrinis lenioribus, iam clamoribus & increpationibus acrioribus, iam signis & portentis insolitis, iam castigationibus & plagis variis; & quicquid præterea circa hominem seculorum cursu egisse Deum, sacræ memorant literæ. Horum ergo tu nihil a te alienum putabis, cum omnia semina, tum bonorum a bono creatore, Deo, tum malorum

lorum a malo fatore, fatana, intra te habeas, æque tu atque alius quisquam. Sicut enim omnis homo *mundi epitome* est, suum intra se cælum & terram, aquam & ignem, materiam & spiritum, lucem & tenebras, motum & quietem &c. habens : ita & totius humani generis historia tota diuinitus descripta in quouis seorsim homine suas repræsentationes habet, adeo, vt nemo hominum sit, qui non suum Deum & satanam, suum paradysum & infernum, suam arborem vitæ & mortis, suasque tentationes & luctas, suas victorias & clades, suum Cainum & Abelem, verbo, semen mulieris & semen serpentis intra se habeat, prævalente in aliis alio semine.

22. Quoties igitur homo christianus diuinas legit scripturas, magni vsus erit obseruare, *vt non tanquam alienas, extra se spectatas, sed tanquam in simili-*

miliū negotiorum speculo spectanda consideret: semper in locum illius, de quo ibi agitur (seu pius, seu impius fuerit) seipsum statuens, sibi que ipsi omnia, quæ dici audiet, vel agi spectabit, applicans. Deus enim, quia ex æternitate sua prospectans omnia secula, cum omnibus, quæ vnquam vsquam fiunt, semper in obtutu habet, semperque Deus Deus est, qui non mutatur: necessario fit, vt, quicquid vlla occasione vlli hominum dixit, aut fecit, (boni vel mali) eadem omnibus talibus dicat, & faciat semper: ad normam æternæ suæ iustitiæ, vt *bonis bene, malis male sit &c.* Tenta, pie Christiane, si nondum tentasti. Incipe hoc modo euoluere biblicum codicem, (vt, quicquid vnquam videbis Deo placuisse, pleno feruore imiteris: quicquid displicuisse, odio pleno auerse- ris) videbis, te *de lumine in lumen, &*
de

de virtute in virtutem iturum, ad Deum usque Deorum in Sion. (Psal. 84. 8.)

23. *Nec desperandum, si primo statim aggressu necessariae huius methodi fructus ad plenum se non prodat. Dantur enim vbique rerum gradus: nec aliquid vnquam simul natum fuit & maturuit. Ideo scholæ christianæ (rationaliter institutæ) in classes diuidi consueuerunt: diuidi ergo hæc etiam suprema sapientiæ Dei schola potest. Vt nimirum, communem cum apostolis scopum habentes, *crudere omnem hominem omni sapientia, & exhibere omnem hominem perfectum in Christo Iesu* (Col. 1, 21.) per diuinum id librum, Biblia, obtineant, trino actu opus est. 1. *Ad cognoscendum historias biblicas omnes.* 2. *Ad percipiendum verum sensum omnium fidei, charitatis, speique articulorum.* 3. *De-*
I
mum*

num ad transformandum sese (pleno iam spiritus fervore) in hominem novum secundum Deum, in iustitia & sanctitate veritatis. (Eph. 4, 24. Col. 3, 20. 2. Cor. 2, 18.) Primus gradus esset velut Christianismi tirocinium; secundus militia ipsa; tertius victoria & triumphus. Aut (antiquos huc accommodando typos) in primo gradu essent Christiani tanquam *Levita*, in templi atrio ministrantes: in secundo tanquam *sacerdotes*, in sanctuario fungentes: in tertio quisque Christianus perfectus, Christo conformis, staret iam tanquam *Pontifex* in decoro sanctitatis, ipsum sanctum sanctorum (cælum) ingredi paratus.

24. *Hac vero ratione sola Biblia Christianis τὸ πᾶν, seu unum necessarium essent, dicet quis? Resp. Ita, si secundum Deum sapientes esse querimus, sicut Maria, ad pedes Christi*
confi-

confidentes. Reuera enim scriptura diuina æternæ sapientiæ subsellium est. Nec tamen reliqui duo libri (*mundus & mens*) frustra dati sunt, sed vt supremo illi viam parent, simulque ad externas præsentis vitæ necessitates nos instruant: quo sic *ad æternitatem sapiamus, vt in seculo etiam ne desipiamus.* Quam autem reliqui duo diuini libri ad supremum illum arcanum sapientiæ gradum nos promouendi vim habeant, admirabile specimen ante duo secula dedit RAYMUNDUS de SABBUNDE libro, cui titulum fecit: THEOLOGIA NATURALIS, siue CREATURARUM LIBER. Vbi, creaturis omnibus in classes quatuor (secundum *esse, viuere, sentire, intelligere*.) distributis, omnia, quæ ad DEI & HOMINIS cognitionem, æternitatemque, illius gloriam, & huius

salutem spectant, tam apodictice deducit, vt contradicere non liceat. Liber est capitum 330. Venetiis, Lugduni, Francofurti editus: ob prolixitatem tamen, & eorundem crebram repetitionem, stylique (quam a sui seculi barbarie traxit) scabritiem, paucioribus, quam optandum erat, notus, aut lectus; ideoque a nobis contractior & lucidior Amstelodami nuper editus. Sed iacet sic etiam, merx sine emptore, mundo inter margaritas & quisquillas non distinguente, labyrinthisque suis potius, quam subministratis vndecunque Ariadnes filis, attendente.

25. *Sed & alia librorum Dei epitome (maioris lucis desiderio ac spe) optari nobis & condi cœpta est sub PANSOPHIÆ CHRISTIANÆ nomine, per quam nihil aliud intellectum volui, quam necessariorum tabulaturam perpetu-*

petuam; ut, dato quocunque honesto desiderio (in rebus siue hanc, siue futuram vitam spectantibus) per quæ media, & quomodo adhibitis mediis, ad scopum recta iri, semperque veniri possit, pateat. Quod opus (si perfici posset) non literatis tantum & scholis, sed humano generi, magno fore vsui (tanquam ex infinitis labyrinthis exitum feliciter monstrans filum) nescio, cur dubitari debeat. Et tamen reperti sunt, qui propositum hoc aut tanquam inutilem curiositatem fugillarunt, aut tanquam rem præstitum impossibilem contemserunt: paucissimi reperti, qui æstimarunt, vota que adiunxerunt: qui vero manum admoueret, nemo, tametsi prudentiores vnius hominis vires tantum opus excedere agnoscerent.

26. Quid ergo tandem pro scholis ex hac Christi regula consilii? Resp. Si eam plane sequi animum inducerent,

necessario sibi *solum unum magistrum* sequendum statuerent, *Christum*, aliis ducibus (præsertim e cæca gentilium turba) missis omnibus. *Vnam item bibliothecam Dei*, variis humanis aut omiſſis, aut non nisi summa prudentia delectis, & ad diuinæ sapientiæ harmoniam redactis. *Methodum denique Christi*, quæ tota practica est, veritatem requirens, non pompam & fucum; fulmineque percellens eos, *qui dicunt, & non faciunt.* (Matth. 23, 3.)

27. Si vero academix morem receptum (professiones secundum facultates, *Philosophicam, Medicam, Iuridicam, Theologicam distribuendi*) retinent, bonum esset, addi ubique **PROFESSOREM NECESSITATUM, siue FRUGALITATIS**, qui publicis lectionibus, priuatisque exercitiis, *quantum sit, quo carere possunt homines,*
sapi-

sapienter doceret. Sicut & eloquentiæ Laconicæ Professore institui, qui, iuvenes manu potius, quam lingua esse promptos, doceret, Asiaticique multiloquii vanitatem dedoceret, admodum esset vtile. Nam & hoc diuinæ Christi sapientiæ pars est, scire, tacere, solaque necessaria loqui; siue Deum alloquimur, siue homines. (Matth. 6, 7.) Graue quippe iudicium pro quouis otioso verbo, etiam vnico, a viuorum & mortuorum iudice denuntiatum est. (c. 12, 36.)

CAPUT VII.

Quomodo Politici humanæ societatis commercia sic ad regulam Christi moderari queant, vt omnia familiarum, rerum publicarum, regnorumque in tranquillo sint.

§. I.

AD rerum tranquillitatem quodnam vnum necessarium est?

I 4

CON-

CONCORDIA, gluten illud animorum, omnia societatis membra in unitate continens, in plura enim si abeunt sententiæ, electiones, studia, conatus, actum est de incolumitate. *Omne regnum aduersus sese diuisum desolabitur*, inquit Christus: tam necessario, vt ædificium, solutis tectorum, parietum, columnarum, fundamentique vinculis, necessario ruit.

2. *Ad conseruandam vero concordiam quid est necessarium?* Resp. Ordo personarum & actionum, vt alii præ sint, alii subsint, & quisque, quid sibi suo loco & tempore agendum sit, sciat. Omnia libere sine coactiua vi, & rationabiliter, sine dolo & fraude. Humana enim natura humanis modis regi vult, ductu magis, quam tractu, suasionem, quam coactionem: quippe ad imaginem Dei rationalis, & libera, sui que prorsus iuris facta. Imperandi

di ergo artificium sapientia est, non vis; prudentia, non laqueus. Nam conditio naturæ humanæ deteriore esse non debet belluina, cum nec bos, canis, felis, aliudue animal ferociter tractari patiatur; irritatum mox ferit, mordet, lancinat, aut (si potest) fugit. Equus etiam generosus sessorem peritum lubens vehit; imperitum excutit: quod non tantum Alexander expertus cum Bucephalo suo, sed & Roboam cum regno suo, infinitique alii. Prorsus ergo ad perfectam concordiam aut liberalis æqualitas, aut liberale imperium, & liberale obsequium requiritur: quia communis LIBERTAS (tanquam communis naturæ humanæ dos, communisque in nobis diuinæ imaginis character) sponte agendorum dux & lux est.

3. Communis vero LIBERTAS? Atqui hæc facile in licentiam & dissolutionem

nem transit, confusionemque rerum affert? Resp. Quid non optimarum, etiam rerum in abusum rapitur? an ideo reiiciemus omnia? Libertatis abusus coercendus est legibus, exorbitationum freno. Legibus autem dandi custodes, magistratus, qui autoritate ac potestate armati bonos præmiis, & malos pœnis afficiant. Ita facile obtinetur, ut, vnoquoque honeste viuentem, neminem lædente, ius suum cuique tribuente, tranquilla sint omnia.

4. Unde igitur tot rerum humanarum confusiones & labyrinthi? A neglectu vnius necessarij, admissione vero plurium non-necessariorum. Quæ illa? I. Multitudo regentium. II. Multitudo legum. III. Multitudo legulegorum, iudicia publica peruertentium. IV. Multitudo ceremoniarum, rerum veritatem obumbrantium. V. Legum aspernatio & violatio, quam RATIO-
NEM

NEM STATUS vocant. VI. *Regentium emulationes mutuae.* VII. *Aperta denique bella, belluinique furores.*

5. *Regentium multitudinem* non esse salutis reipublicæ, ab omni ævo obseruatum est. Hinc illud: *Non, multos regnare, bonum est: rex vnicus esto.* Et adagium: *Imperatorum multitudo perdidit Cariam.* Quoties enim cura eiusdem reipublicæ, aut regni, pluribus committitur, facile plures illi (quia, quot capita, tot sensus) in diuersa studia scinduntur, & in factiones abeunt: quippe vbi quisque sua quærens post se, quoscunque potest, trahit, aliis itidem partes suas non negligentibus. Hinc natura cuius corpori viuo, tametsi membris numerosissimo (vt est humanum, elephantinum, balænxæ) non nisi vnā attribuit animam. Tametsi autem, in liberis rebus publi-

cis, ad publicas agendum curas, multi eliguntur, illi tamen plures certis concordia legibus ita connectuntur, ut totus senatus ceu vna anima sit, sub vno consule, ceu capite. Si extraordinarie dissidere contingat, extremum remedium est ad vnitatem confugere, totam potestatem conferendo in vnum, cui Romæ *dictatoris* nomen erat, salutari semper euentu. Tam ecce euidenter veritas regulæ Christi: **VNUM est NECESSARIUM**, hic etiam figillatur.

6. *De legibus dubitari posset, annon ad omnes humanas actiones certas habere sit salutare, quibus nempe homines ubique circumscripti exorbitare audeant nusquam? Sed respondet Apostolus, ubi non est lex, ibi non est transgressio; (Rom. 4, 15.) ergo ubi leges multe, transgressiones multe. Quia nitimur in vetitum semper, cupimus-*
que

que negata, ut gentilis Poëta obseruauit. Verum est, quod Iureconsulti pronunciant: *ex malis moribus nascuntur bonæ leges*; sed & verum: quanto plures leges, tanto facilius humana memoria fatiscit, proteruia vero prouocatur. Triste hætenus exemplum in populo Iudaico, optimis a Deo legibus præ cunctis populis instructo, (Deut. 4, 6. 8.) præ cunctis tamen gentibus abominabilius peccante. (Ezech. 5, 6. 7.) Et in nobis ipsis nos Christiani, qui corpus iuris ciuilibus a Romanis imperatoribus sexcentis pluribus, quam Mosaicæ fuerunt, legibus instructum, prætereque iure Canonico a Romanis pontificibus duplo auctius factum habemus, & quid tamen ad mores emendandum proficitur? Nusquam gentium maiores patrantur abominations. O quam hic alta voce cla-

mandum venit: *Vnum est necessarium!* Ecquodnam illud vnum? Vnus *decalogus*, ad quem Deus omnia sua praecepta reduxit, & quem vnum si iuris doctores practice docere, populus christianus practice discere vellent, quantis labyrinthis carere possemus? Multo magis, si decalogi insuper compendium a Christo monstratum, *dilectionem Dei & proximi*, amplecti vellemus, mox appareret, *legem non esse positam iusto*, (1. Tim. 1, 9.) h. e. vere Deum timentibus, & proximos diligentibus, nihil opus esse legibus multis; ipsa conscientia quemque doceret omnia, per quæ Deo & hominibus placere possint & velint, plena lubentia.

7. *De interpretibus legum (quos iureconsultos vocant) quid dicemus? minuuntne, an augent studii huius tracas?* Minuere dicunt, sed res loquitur

tur contrarium. Tot enim centena, & centies centena scriptitantur volumina, & in quolibet volumine tot alii autores allegantur, vt tanquam per densissimas sylvas, perpetuaque spinita incedendum sit. Quod cacoëthes (per ambages lectorem ductandi & remorandi) vtinam imitari Philosophis, Medicis, Theologis nunquam venisset in mentem! Sed nullus iam fere liber nouus editur, non prolixo autorum catalogo effartus, etiam vbi nihil opus, tantummodo ad multælectionis ostentationem. Quasi vero magnæ laudis sit chymicum se iactare, & transfusorem agere; aut lucem promittendo, vmbra ostentare. Vere quidam æuo nouo vere sapiens vir scripsit: *cum brevis vita sit, ars longa, nunquam eam possidebimus, nisi abbreviatam.* Abbreviatam autem nunquam dabit, qui non libellos, sed elephan-

phan-

phantina volumina scribit : testem eorum, quæ scribit, non ipsam palpabilem rerum veritatem faciens, sed prece aut pretio conductorum, vel crinibus attractorum ad stipulatorum ceteruas adducens.

8. Augent iuris labyrinthos ipsæ forenses actiones, iuridicialesque in illis processus, quos causidici mille modis torquere artis esse putant. Super qua re BERNHARDUS fuit lamentatus, Christianos non secundum leges vivere Christi, sed secundum leges civiles, a gentibus derivatas. Quod inde putat venire, quia nequitia humana diuinam legem observare diffidit; cum Christus aliud tribunal non erexit, quam conscientia, tum priuatim domi cuique, tum in ecclesia. Et o beati nos (inquit) si non alio indigeamus tribunali : nemoque male sibi conscius defensionem quæreretur ab aduocatis,

tis, & conductis aliunde testibus. Hæc iste Theologus, *libro de consideratione.* Sed & iureconfulti nonnulli, quam in vulgari Christianorum iuris processu nihil christiani sit, viderunt: interque hos NICOLAUS VIGELIUS, qui publicato libello germanico, (*Nichter-Büchlein* an. 1579.) *quantum damni iurisprudencia, (quæ nunc obtinet) & gloriæ Dei, & publicæ utilitati faciat,* in præfatione ostendit; libello vero ipso *quanta simplicitate, facilitate, æquitate iudicia de quibuscunque incidentibus controuersis administrari queant, docet.* Adiuncta denique ad imperii ordinis oratione in causas corruptæ iurisprudentiæ inquirens inter alias *eloquentiæ abusum* ponit: eo tendens, vt pateat, si Christiani essent Christiani (veritatem agere & loqui gnari) iuris humani scientiam totam fore superfluam.

vt nemo fere iam res agat, nugas fere omnes, non vano iam dicterio : *mundum ceremoniis regi* ; item : *mundum vniuersum agere histrioniam*. Vbi-que enim adulationum & blandimentorum plus est, quam veritatis : umbræ sine corpore, plumæ sine aue, phaleræ sine equo, pedum sine pastore, pallium sine philosopho, sonus sine mente, h. e. nomina sine re passim occurrunt. Modo quid oculos, aures, phantasiam impleat, in rerum viscera nemo facile inquit. Exemplum dō. *Si principi ad exteros legatione ppus est, quid queritur?* Moderna methodo persona spectabilis, comitatus ingens, pompa multa, eoque dapfiles e publico suntus. Methodo autem Christi nihil hic necessarium est, nisi *vir prudens & fidelis*, etiamsi solus mittatur. Qualem legatum Deus in mundum misit, Filium suum solitari-
um,

um, mitem, sine pompa & clamore sua agentem; donec in terra iudicium peractum est. (Ies. 42, 2. 5.) Hoc autem dum non attendit mundus, neque res æstimare ex dignitate sua, sed ex pigmentis tantum discit, seipsum fascinat, ipsisque suis vanitatum tricis sese inuoluit sine fine.

12. Ex hac umbras rebus præferendi pessima consuetudine nata est alia, *humanam societatem premens & perimens pestis, diuinaque iura præ arbitrio infringendi*; dummodo statum, quem sibi quis proposuit, consolidandi spes sit. Vocant *rationem status*, intelliguntque licentiam quiduis agendi, quod proprijs commodis seruiat, nullis in contrarium obstantibus pactis aut promissis. Quod si conceditur, (concedi autem sibi alii aliorum exemplo postulant) actum erit de mutua inter homines fide, nihil a fœdifragio

gio tutum erit, non IUS regnabit
iam, sed VIS, aut DOLUS. Et sic omnia
humana negotia merus erunt
labyrinthus sine exitu, meraque Sisy-
phea saxa, nusquam firmiter figi va-
lentia: & omnis vicinalis amoris &
concordiæ spes mera fugacia Tantalii
poma; totus denique mundus ver-
tumnorum Deo illudentium, Deum-
que irritantium palæstra. *Circuite
vias Ierusalem*, inquit Deus, *disquirite
per plateas eius, an inuenturi virum,
facientem iudicium, quærentem fidem;
Ero illis propitius. Ecce autem, et-
iam cum iurant, falso iurant!* (Ier. 5,
1. 2.) Quia vero ibi additur: *Domine,
oculi tui respiciunt fidem*, (vers. 3.) an-
non iram effugiendi consilium datur?
Utique: nempe, ut veritatem loquatur
quisque in corde suo, (Ps. 5.) non
aliud ore pronunciando, quam, *est, est,
non, non.* (Matth. 5, 37.) Ingens &
hoc

hoc foret tricarum mundi compendium, vere necessarium.

13. *Sextum* rebus humanis labyrinthum affert *regiminum diuersitas*, & *ortæ hinc emulationes*, mundum perpetuo inquietantes. De optima enim regiminis forma conueniri huc usque non potest: meliusne populus regatur a seipso, *democratice*? an per populi primores, *aristocratice*? vel per caput vnum, *hereditarie* regnans, *monarchice*? aliis pro hoc, aliis pro isto vel illo statu contendentibus, varia cum collisione, per sex iam fere annorum millia. Ecquid vero hic *unum necessarium*? Resp. *Dare Deo, quod Dei, & Casari, quod Caesaris est*, (Matth. 22, 21.) siue, *subesse omni humane creaturæ propter Deum*, (1. Pet. 2, 13.) h. e. qualiscunque in societate humana institutus fuerit ordo, eum non turbare, sed tueri. Deus quippe homi-

homines ad libertatem condidit, nulli eos creaturæ mancipans, ne angelis quidem: sed quia vbicunque multitudo, ibi confusio est, nisi multitudo vi ordinis in vnitatem reducatur; ordinis illius arbitrium Deus penes ipsos homines reliquit, quod res ipsa loquitur. Nunquam enim apertum de re illa mandatum dedit, exempla tantum in animantibus, socialem vitam agentibus, nempe *in formicis status democratici, in apibus monarchici*. Homines autem dum ante diluuium per familiarum patres regerentur, erat status democraticus, aristocratico-mixtus, quem non improbabat Deus. Neque cum a diluio Nimrod familias, & dehinc gentes imperio suo subdere tentans, monarchiam fundauit. Quæ regnorum origo est apostolo *humana creatura* dicta, (1. Pet. 2, 13.) non improbata Deo, quia Deus ordinis est.

14. Si

14. *Si iam de regno queratur, quid illi necessarium sit?* respondebitur ex regula Christi, *unum est necessarium, nempe uni regno unus rex*: sicut uni corpori unum caput, uni capiti unus pileus, uni mundo unus sol sufficit. *Non capit regnum duos*, dictum est: ergo neque rex unus regna duo, alias deerit proportio harmoniæ. Vt enim in statu coniugali fidelis copula vnus mariti cum marita vna coniugalem felicitatem absoluit: ita in statu regali similiter *unus rex uni regno iunctus*; sicut unum caput uni suo corpori. Si rex vnus plura regna querit, Labyrinthos querit, Sisyphæa saxa querit, Tantalæam esuriem & sitim querit: cum etiam vnicum recte administratum regnum infinitam negotiorum molem (h.e. labyrinthum) afferre satis idoneum sit.

15. *Vt ergo regnum regi suo ne labyrinthum*

K

rin-

*rinthus sit, quid opus erit? Resp. Scire, posse, velle regere. Scire, nempe iusti & æqui leges, pacisque ac belli artes, vt circa omnia oculatus existens, quid fiat, & fieri conueniat, videat per se, non per aliena conspicienda. (Prou. 20, 8.) Equum & mulum regi necesse est, inquit Dauid, quia intellectu carent: at regem, aliorum rectorem, ab aliis regi irrationabile est. Requiritur etiam Velle, h. e. ignauia vel voluptatibus non auocari, sed gaudere in iis esse, quæ publicæ salutis sunt. Posse tandem requiritur, h. e. autoritate, potentia, heroicoque animo armatum esse, ad omnibus, quæ publicam turbare vellent quietem, obsistendum. Demum sequetur *regere ac regi: regere* scilicet *populum*; *regi* vero *a Deo & legibus*. Quippe sine primo non esset rex, sine secundo plus, quam rex, id est, tyrannus, Deo & hominibus*

bus exosus, sibi autem ipsi tandem exitiosus. Quod ne eueniat, necesse est, omnes, qui cum potestate præsumt, ita se gerere, ut diligantur & metuantur: diligantur a bonis, metuantur a malis. Et quia peritus etiam gubernator naufragium facere, prudens etiam politicus rempubl. præcipitare potest, si non summum rerum præsidem sibi propitium habeat: huius ergo super omnia metu & reuerentia impleri, semperque pie orare ac viuere præ aliis opus habet, quisquis ad rerum clauum sedet.

16. *Belli gerendi si quando ingruit necessitas, quid faciendum est, ut bellum ne labyrinthus sit?* Resp. Aut non inchoandum est (pacificis præuentum consiliis,) aut finiendum cito, aut gerendum prudenter, ut ne victoriæ loco cladem afferat. Primum est facillimum, difficilius secundum, tertium

difficillimum. Christus tamen primum commendare solitus fuit semper, tanquam tutissimum. (Matth. 5, 25. & 37. Luc. 14, 31.) Et quia bellum belluinum quiddam est; homines humanitas & mansuetudo decet, quia lites, iudicio rite suscepto, terminari possunt omnes. (Iob. 34, 4.)

CAPUT VIII.

Quomodo Theologi, ecclesiarumque pastores & episcopi accurata regulæ Christi obseruatione totius ecclesiæ saluti, conscientiarumque quieti consulere ita possint, vt melius nequeat,

§. I.

Religionum inextricabiles labyrinthos, volubilissima Sisyphæa saxa, miserabilesque Tantalæas delusiones si quis spectare velit, inspicat

ciat ALEXANDRI ROSSÆI *religionum orbis totius descriptionem*: terribilissimum chaos & horrorem videbit. Cui confusione vniuersale remedium si quæritur, non reperietur aliud, præter id, quod regula de *VNO NECES-SARIO* suppeditare potest. Nempe vt OMNES redeant ad principia viarum, vnde diuortia facta sunt: h. e. ad primæuam illam religionem, quam primus homo ab vno suo & nostro conditore acceperat. Solus quippe Deus creator, quomodo a creatura sua coli debeat, optime intelligit, docereque id hominem primum potuit, & docuit. Omne autem primum reliquorum in suo genere norma est, vt necessario, si quid in sequentibus degenerauit, ad primam formam suam reuocandum veniat.

2. *Qualis ergo prima religio fuit?*

Resp. Simplicissima: quando rerum

conditor homini primo se **VNUM solum DEUM** ostendit, illique a se vno dependentiam (obsequiis æternis testandam) mandauit, promittens illi, sic facienti, vitam sempiternam. (Gen. 2.) Ecce paradisiaca religio quam simplex, *credere unum DEUM; obsequi uni DEO; sperare vitam a vitæ fonte, DEO.* Nec aliam patri fidelium, Abrahamo, tradebat DEUS, dicendo: *noli timere, Abraham, ego sum DEUS omnipotens.* (Ecce fides in vnum DEUM simplicissima!) *Ambula coram me, & esto integer.* (Ecce vita pura & simplex! omnia agere, vt in conspectu DEI.) *Et ego ero clypeus tuus, & merces tua magna valde.* (Ecce spes simplex & gloriosa! Gen. 15, 1. & 17, 1.) Similem DEI cultum simplicissimum docuit Moses: *Diliges Dominum DEUM tuum ex toto corde &c. proximumque tuum sicuti teipsum.*

ipsum. Tametsi enim varia quoque præcepta fuerint per Mosen tradita, illa tamen exercitia tantum fuerunt *obedientiæ*, aut typi & mysticæ cotes *fidei*, roboramentaque *spei*: quemadmodum mentem suam toties per prophetas declarabat DEUS. Exempli gratia per Micheam: *Indicatum tibi est, o homo, quid sit bonum, & quid a te requirat Dominus. Nempe ut facias ius, & ames misericordiam, & modeste ambules cum DEO tuo.* (Mich. 6, 8.) Hoc ecce totum religionis fuit ante legem & sub lege, DEUM *prehendere fide*, DEUM amplecti *charitate*, DEUM tenere *spe*! Hoc enim vnum illud perpetuo necessarium est, *dependere a DEO suo*, tum cogitatione & intellectu, tum voluntate & affectu, tum studio & viribus totis.

3. A quo suo centro, DEO, quia
K 4 totus

K 4

totus

totus mundus exerrauit, perque rerum circumferentias gyrans, labyrinthos oberrat sine exitu, saxa volutat sine requie, desiderata sua captat sine adeptione: *non restat, nisi VNUM hoc NECESSARIUM, ut homo quisque a se & rebus exeundo in DEUM redeat.* Quod ut homines facilius & intelligere, & admittere, & imitari possent, placuit ipsi rerum Reparatori rem inchoare, exemplumque in seipso monstrare. Adsumpta igitur humanitate Filius DEI, nobisque per omnia similis factus (excepto peccato) docuit homines verbo & exemplo, *abnegare seipsos ex toto, redireque ad DEUM ex toto, in aeternum se agglutinando DEO soli, fide, charitate, spe.* Hæc est euangelii summa, hoc omnibus saluandis *unum necessarium.* Vere enim Christus solus dicere potuit: *ego sum via, veritas, & vita, nemo venit ad patrem,*

patrem, nisi per me. (Ioh. 14, 6.) Vere: ego sum lux mundi, qui me sequitur, non ambulat in tenebris, sed habebit lumen vitae. (Ioh. 8, 12.) Vere: ad me venite omnes, qui laboratis, & onerati estis, & ego vos reficiam. Tollite iugum meum super vos, & discite a me, quia ego mitis sum & humilis corde, & inuenietis requiem animabus vestris. Iugum enim meum suauis est, & onus meum leue. (Matth. II, 28.) Sed huius necessarii o quam obliuiscuntur Christiani?

4. *Quinam Christiani?* Christianus dicitur discipulus & imitator Christi, qui scilicet, quod Christus docuit, credit, quod mandauit, facit, quod promissit, sperat. Verus ergo Christianus is solus vere est, qui Christi dogmata vere credit, mandata vere facit, promissis vere fidei. Si sublimius vellemus loqui, posset dici *Christianus*

*nus, homo Christo conformis, perque
conformitatem illam deificandus. Nam
homo per naturam deificari appetit;
quia, cum omne ens perfici ac sublima-
ri appetat, homo autem nihil se subli-
mius habeat præter DEUM, appetit
ergo fieri, sicut DEUS: eoque appe-
titu a Satana (tanquam ansa seu ha-
mo) captus & deceptus fuit. Christus
ergo DEI Filius, quod Satan falso offe-
rebat, vere confert, potestatem dans
filiis hominum, filios DEI fieri. (Ioh.
1. 12. 13. 14.) Ad quæ verba pulchre
ORIGENES: Ad hoc verbum (DE-
US) in carnem descendit, ut caro, i. e.
homo credens, per carnem in verbum
ascendat, ut per naturalem Filium uni-
genitum multi efficiantur filii adoptivi.
Non propter semetipsum VERBUM
CARO FACTUM EST, sed propter
nos, qui non nisi per verbi carnem po-
tuissemus in DEI filios transmutari.*

Solus

Solus descendit, ut cum multis ascenderet : de hominibus FACIENS DEOS, qui de (seipso) DEO fecerat hominem.

5. Magna hæc. Sed, ut homines Christo reddantur conformes, quid opus est? Solum Christum ut perfectissimum fidei, & vitæ, & spei exemplar intuendo, ad illud omnia sua cogitata, dicta, facta ita componere, ut DEUS Pater, Filii sui imaginem in iis agnoscens, pro genuinis quoque filiis suis habeat, & cum Christo in cœlestibus confidere faciat. (Eph. 2, 6.) Quod Scriptura varie alias exponit: ut *mentem habere Christi, induere Christum, ambulare in Christo, non vivere iam sibi, sed Deo; imo non vivere amplius nos, sed Christum in nobis.* Et denique ita hominem fidelem a spiritu Christi regi, quomodo corporis nostri membra a spiritu, e capite defluente, omniaque

que totius corporis perfluente & mouente, reguntur.

6. *Toti autem credentium corpori, ecclesiæ christiana, quid maxime necessarium est?* CONCORDIA VNI-
 UERSALIS, quam Christus dilectionem vocauit, & in tesseram suis, siue notam ecclesiæ suæ dedit. (Ioh. 13, 35.) Apostoli vero *mutuam charitatem* tanquam vinculum perfectionis commendabant, (Col. 3. 14.) suadentes *unitatem spiritus* sollicitè seruare in vinculo pacis, tanquam vnum corpus essent omnes, vnusque spiritus, omnes in eandem spem vocati sub vno domino, vna fide, vno baptismo &c. non obstante diuersitate donationum Christi. (Eph. 4, 3. 7.) Summa autem concordie Christianorum lex est trina; *seruare in omnibus necessariis unitatem; in minus necessariis* (quæ adiaphora vocant) *libertatem; in omnibus erga omnes charitatem.* 7.

7. *Suntne tales Christiani?* Erant Apostolorum tempore, cum totius multitudinis credentium erat cor vnum, & anima vna, neque quisquam eorum, quæ possidebat, aliquid suum esse dicebat, sed communia erant omnibus omnia. (Act. 4, 32.) Sicut & aliquandiu post Apostolorum tempora, cum non pro Christo tantum, sed alii pro aliis animas ponerent. (1. Ioh. 3, 16.) Postea, frigescente paulatim charitate, ut regulæ Christi de vno necessario, ita & praxis eius penitus obliti, sensimque ad non-necessaria, impertinentia, noxia, exitiosa ita prolapsi sunt, ut omnia iam sint labyrinthus, neque tandem ecclesia videatur contradistincta mundo, tanquam cœtus euocatorum e mundo, sed sit ipsi mundus nomine Christi tectus. *An ergo ecclesiam, Christi nauem, Thesei esse factam dicemus?* quàm Plutarchus ab Atheniensibus toties fuisse reparatam scribit, ut,
L nouis

nouis subinde assëribus substitutis, de veteribus ne vna quidem tabula superesset; *Thesauri nauem* tamen vocari non desuisse? Non putem ita loquendum: quia Christus nauem ecclesiæ super seipsum ita ædificauit, vt opus in ea suum perire non possit, quicquid etiam alieni operis, humani vel satanici, accedat. Nempe quomodo in agro Domini, bono semine confito, inimicus zizania superseminare potuit tritico, tollere triticum ipsum non potuit; (Matth. 13, 25.) ita ecclesiæ fundamento superstrui possunt (præter aurum, argentum, gemmas) ligna etiam, fœnum, stipula: non tamen vt per id aurum & argentum pereant, sed vt probationis igne purificentur, stipulis & scoriiis exustis.

8. Sic ergo habendum. *Quicquid inter Christianos Christi remanet* (de doctrina eius, vita eius, & quibuscunque diuinis institutis eius) *id totum triti-*

tritum est, aurum est, gemmae sunt, vinum perpetuo necessarium est: quicquid vero humanarum adinventionum & profanationum accessit, id omne zizania sunt, fenumque ac stipulae sunt, ad comburendum comparata. Aut, ut ad praesens institutum loquamur, Labyrinthi sunt, Sisypheae saxa sunt, Tantaleae illusiones sunt, quibus in immensum adauctis, nihil sub caelo esse consilii, nisi ut ad unam Christi regulam de VNO NECESSARIO redeamus omnes, iam demonstrandum est.

9. Summa quaestio esse potest, Christianis, per tot & tantos labyrinthos dilapsis, quid est unum necessarium? Resp. CHRISTUM, omnis perfectionis exemplar, caelo nobis demissum, vnice intueri, & ad illud omnia nostra componere: sic mandante, & in figura ad Moysen edicente Deo: *inspice, & fac secundum exemplar, quod tibi monstratum est in monte.* (Exod. 25, 40.)

Super Christum autem bis facta vox de cœlo: *Hic est Filius meus dilectus, hunc audite.* (Matth. 3, 17. & 17, 6.) Ipse autem Christus: *Venite ad me omnes, discite a me, inuenietis requiem* &c. (c. 11, 27. &c.)

10. *Quæ summa est eorum, quæ a Christo discere habemus?* Omnia, quæ Christus fecit & docuit, (Act. 1, 1.) dixit enim ille: *exemplum dedi vobis, ut, quemadmodum ego feci, faciatis.* (Ioh. 13, 15.) *Vos amici mei estis, si feceritis, quæ præcipio vobis* &c. Omnia enim, quæ audiui a patre meo, nota feci vobis. (Ioh. 15.) Quæ, qualia sint, ex libris euangelii cognosci potest, eleganterque in epitomen ab Erasmo (in compendio Theologiæ veræ) redactum est, his verbis:

CHRISTUS, cœlestis doctor, nouum quendam populum in terris instituit, qui totus e cœlo penderet, & omnibus huius mundi præsidiis diffusus, alio quo-

lam

dam modo diues esset, alio sapiens, alio nobilis, alio potens, alio felix, quique contemptu rerum omnium, quas vulgus admiratur, felicitatem consequeretur. Qui nesciret liuorem aut inuidentiam, nimirum oculo simplici: qui nesciret spurcam libidinem, utpote sponte sua castratus, angelorum vitam in carne meditans: qui nesciret diuortium, quippe nihil non malorum vel ferens, vel emendans: qui nesciret iusiurandum, ut qui nec diffideret cuiquam, nec falleret quenquam; nesciret pecunie studium, ut cuius thesaurus in cælis esset repositus. Non titillaretur inani gloria, ut qui ad unius CHRISTI gloriam referret omnia: nesciret ambitionem, utpote qui, quo maior esset, hoc magis sese propter CHRISTUM submitteret omnibus. Qui nesciret (ne laceffitus quidem) vel irasci, vel maledicere, nedum ulcisci; quippe qui & de male merentibus bene mereri studeret.

Qui ea morum esset innocentia, ut vel ab ethhiciis comprobarentur: qui ad infantulorum puritatem ac simplicitatem veluti renatus esset: qui volucrum ac liliorum ritu in diem viueret, inter quos summa esset concordia, nec alia prorsus, quam membrorum corporis inter ipsa. Inter quos mutua charitas omnia faceret communia, ut, siue quid esset boni, succurreretur, cui deesset; siue mali quidpiam, aut tolleretur, aut certe leniretur officio. Qui doctore spiritu cœlesti sic saperet, qui ad exemplum CHRISTI sic viueret, ut sol, ut lux esset orbis, ut ciuitas esset in edito sita, omnibusque undique conspicua: qui quicquid posset, id omnibus iuuandis posset. Cui vita hæc vilis esset, mors optanda immortalitatis desiderio: qui nec tyrannidem timeret, nec mortem, nec ipsum denique Satanam, vnius CHRISTI præsidio fretus: qui modis omnibus sic ageret,

geret, ut ad extremum illum diem semper esset accinctus ac paratus.

II. Ecce ab ipso Deo Salvatore monstratam nouam, breuem, sanctam Sionis viam! per quam non transibunt polluti? Via tam directa, ut stulti non errent per eam. (Ies. 35, 4. 8.) Cui quicquid inter Christianos dissimile reperitur (reperiuntur autem infinita viarum diuortia) aut inuium est, aut deuium, in salebras & scrobes, præcipitiaque abducens. Legat quis vel vnicum euangelii caput Matthæi quintum, & conferat cum modernis Christianorum moribus; agnoscet, quam dissona facta sint omnia, vereque *vnun necessarium Christianis omnibus esse, AD CHRISTUM REUERTI*, utpote vnum illum cœlo missum magistrum, qui neminem ad arborem curiosæ scientiæ, omnes ad arborem vitæ vocans, non verba exigit, sed opera, exigitque nos *in operibus pietatis tam*

perfectos, ut ipse cælestis pater perfectus est. (cap. 5, 48.)

12. *Si dices, impossibile esse homini tam perfecte esse, ut Deus in cælis est, audi, quid respondeat: quod impossibile est apud homines, possibile est apud Deum. (Luc. 18, 27.)* Quasi dicat, quod nemo potest ex seipso, poterit auxilio DEI; sicut expresse Paulus: *omnia possum in eo, qui me confortat. (Phil. 4, 13.)* Ergo si non tales sumus Christiani, qualis est Christus, culpa non in illo est, qui auxilia offert; sed in nobis, qui, oblata respuendo, quid in corrumpendis nobis potuerit Adam, iactamus semper, quid in restituendis nobis possit Christus, experiri volumus nunquam. An & mendacii arguere veritatem ipsam volumus, dicentem: *iugum meum facile est, & onus meum leue, (Matth. 11, 30.)* Vere enim facile est, quod cum natura humana (quam Christus collapsam sinceritati suæ

suæ restituere venit) congruit : vere leue, quod, nullis impertinentibus grauatum, sola necessaria continet. Sed nos renasci, & ex Adamo vetere in nouum transire tardi, fingimus nobis difficultates, ubi non sunt; veras autem difficultates, salebras, tricas, labyrinthos, (in quos deprauatæ naturæ cupiditatis, aut humanarum constitutionum & consuetudinum sarcinæ nos coniiciunt) expendere nolumus, tandemque nec videre possumus, licet, quicquid vere aspicimus, labyrinthus sit. Quod vt pate scat, & quomodo ubique hic nobis regula Christi subuenire possit, eas tricas illas nostras partito inspiciamus.

13. *Theologia hodierna, qualis in scholis traditur, quid est?* Explicatio scripturarum per scripturas esse debebat, qualis Esdræ sacerdotis fuit. (Neh. 8, vers. 8. 9.) Sed hodie prophetas & apostolos explicant non prophetæ & apostoli, vel afflati a Deo viri, sed ma-

gistri & doctores ab hominibus facti; explicantque ut plurimum non per apostolos & prophetas, sed per Aristotelem, (aut, ut nunc volunt, per Cartesium) aut certe hunc, illumve magistrum, vel denique per dictamina propriæ rationis, humanis regulis adiutæ. Ita verba Dei lucem accipere iubentur a verbis humanis, & sensus diuini a sensibus humanis. Cuius consequens est, ut *theologia* plerumque facta sit *matæologia*, (h. e. vaniloquium, 1. Tim. 1, 6. 7.) pro mysteriisque diuinis venditentur humana commenta. Nec illa vnius generis, sed pro multitudine eorum, qui se populo Dei faciunt duces, magistros, patres, (contra expressissimum Christi vetitum Matth. 23.) multiplicia: vnoquoque tamen illorum, *hic est Christus, illic est*, clamante, & populo, suam theologiam esse veram lucem, suadente. Quod, quantum populi christiani faciat distractionem,

nem, religionisque ipsius lancinationem & noxas, quis satis explicare potest?

14. Auget labyrinthos, quod de ipso etiam theologiæ principio, seu fundamento, *verbo Dei*, non satis conueniri potest: sufficiatne *verbum scriptum*, prophetici & apostolici libri? an *verbum non scriptum*, quod *traditiones* vocant, addi necesse sit? *Scriptum item verbum ubi exstet purissime?* In Hebræisne & Græcis codicibus, an in Chaldaicis vel Latinis? Iterum, si in fontibus (Hebræo & Græco) *translationes inde factæ*, (cum variæ sint) *quanam optimæ?* ingentes hic ubique dubitationes, periculosæque nonnullorum assertiones valde mentes distrahunt, theologiamque rem operosam & lubricam faciunt. Si quem autem Deus denuo excitat, non auditur, non admittitur, non intelligitur, quasi peregrinum quid sonans. (Ies. 28, II.)

15. *Apostolica perfectio fuit, nihil scire voluisse, præter Christum crucifixum,* (1. Cor. 2, 2.) illamque scientiam non aliunde haurire, quam e Scripturis diuinis. (1. Tim. 3, 16. 17.) Nunc requiritur 7. liberalium artium magisterium, prætereaque *Doctoratus, b. e. omnium controuersiarum peritia*: simplicem Christum nosse, nimis simplex theologia videtur. Videatur libellus: *Bibliotheca Studiosi Theologiæ*, quam multi centeni autores ad scientiam theologicam requirantur, patebit. An vero hoc ad mentem Christi, *unum est necessarium*? Nempe *ut de DEO, & de arcanis DEI, non nisi ex ore DEI loquamur*? Vtinam potius autor singulis pagellis (quarum totus libellus prope mille habet) inscripisset illa DEI ad Iosnam verba: *Non recedet volumen legis meæ ab ore tuo, sed meditaberis in eo diebus ac noctibus &c. tunc enim prosperaberis!* (Ios. 1, 8.) Aut Da-

Dauidis illud : *beatus, qui meditatur in lege Domini die ac nocte !* (Ps. 1, 2.)

Vel Iesaiæ illud : *ad legem & testimonium, quod si non dixerint iuxta verbum hoc, non erit eis lux.* (Ies. 8, 20.)

Aut illud Christi : *scrutamini Scripturas.* (Ioh. 5, 39.) Vel illud Pauli : *Omnis Scriptura diuinitas inspirata, utilis est ad docendum &c. ut perfectus sit homo DEI.* (2. Tim. 3, 16.)

Aut denique illud HYPERII : *Theologus in Scripturis nascitur !* Verum quia nihil horum ibi, sed aliis magistris sexcentis ministerii candidatus obiicitur, quid nisi tot labyrinthis, tot Sisypheis faxis, totque Tantaleis illusionibus obiicitur ? quorum nihil eum saturabit.

16. *A tot vero magistris nascuntur tot sectæ inter Christianos, ut nomina fere nos iam deficiant.* Et quælibet secta se aut solam ecclesiam, aut purissimam ecclesiæ partem, credit, odiis inter se infinitis implicatæ omnes,

eheu! eheu! Nec reconciliandi spem alii aliis relinquunt, irreconciliabilitatis scutum aliis alii perpetuo opponentes, *confessiones quasdam peculiare*s, quas sibi (post Scripturas diuinas) ipsimet cudunt, iisque se tanquam castellis aut propugnaculis includentes, sese propugnant, & alios oppugnant. Non dico confessiones pias (quales esse concedamus plerasque) malum quid esse per se; per accidens tamen, quatenus irreconciliabiliter distrahunt, omnino malum sunt, tollendum in vniuersum, si quando ecclesiæ vulnera curanda sunt; aut semper christiana plebs, quo se vertat, nesciet.

17. Ex hoc sectarum & confessionum labyrintho alius nascitur, *disputandi pruritus interminabilis*, quo quidem, iam inde a Paradisi temporibus, ecclesiæ filios intricauit Satan, nunquam tamen perplexius, atque temporibus nostris. Apostoli, & eorum

rum proximi successores pugnabant virtute Spiritus : nunc ad Aristotelica arma, syllogisticos, res deuenit, altero iam seculo. *Et quid profectum est? num vel una controuersia complanata?* Nihil minus; auctæ potius in infinitum. Satan enim sophista nunquam arguendo succumbit; sed nos miseri tiro-nes, Euæ filii (æque vt mater nostra) alii post alios a melioribus & verioribus sensim abducti, vsque ad vniuersalem quodammodo a Christi fide, vita, spe apostasiam præcipitamus, eheu!

18. Succurrere debuerant, varieque tentarunt *Synodi & Concilia*; *vniuersalis* nempe *multorum recte sentientium*, contra particulares quorundam aberrationes, *consensus*. Sed & illa iam in labyrinthos inextricabiles versa esse, tam antiquorum, quam recentium querelæ, resque ipsa testantur. Nempe argutus Satan eo rem deduxit, vt quoties non expenduntur, sed numeran-

merantur sententiæ, semper ille plures tenebrarum filios, quos filiis lucis opponat, reperit, ut mendacium de veritate triumphare faciat. Quod si semel (suis artibus) obtinuit, ut pro mendacio & vanitate decreta facta sint, nouit astute ita rem extendere, ut decreta ipsa semel facta dementandis, illaqueandisque aliis post alios, perpetuo seruiant.

19. *Ministrorum ecclesiæ missio, vocatio, functio ut ne res vaga & confusanea esset, varie ab apostolis, & eorum successoribus præcautum est; & tamen quanta hic ubique interueniunt ataxiæ? Quam multi currunt non missi? quam multi se ingerunt non vocati? quam multi sacris non nisi defunctorie funguntur? non gregem pascentes dominicum, sed seipsos. Ipsa ecclesiastica salaria quanto liberalius pro Christi seruis alicubi constituta sunt, tanto magis ventris mancipia proritant,*

tant, vt panem Christi seruis Christi præripere festinent.

20. *Inuigilare debebant ostiarii, ne quis, nisi pastor ouium intraret,* (Ioh. 10, 2. 3.) eoque fine instituti sunt pastores pastorum, episcopi. Sed res abiit in abusum, Simonis Petri zelus aduersus Simonis Magi sacrorum nundinationem exoleuit, (Act. 8, 20.) vbique propemodum venalia facta sunt omnia. Quæ porro res aliis confusionibus, ministeriique corruptionibus aperit ostium.

21. In concionibus verborum Dei loco plerumque humana verba profunduntur, fermocinando ad placitum: aut tempus disputationibus, aliorumque refutationibus teritur; de renascendo, hominibusque in Christum transformandis (ad naturæ diuinæ participandum, (2. Pet. 1, 4.) vix vlla satis digna adhibita cura. Clauium vero altera, ligante, propemodum amissa,

sa, sola soluens retinetur, veteri Adamo dulce venenum sine antidoto. Sacramenta denique, in vnitatis, amoris, vitæque nostræ in Christo symbolum data, versa sunt in acerrimarum contentionum materiam, mutuorum odiorum cotem, sectarumque fomentum & sigillum. Eheu! eheu!

22. Breuiter: *omnia Christianorum labyrinthus facta sunt. Fides*, in millenas articulorum minutias concisa; quorum si vnum neges, hæreticus es. *Vita*, in mille casus conscientiae comminuta; quorum si quid non seruas, scrupulis inuolueris. *Desideria & spes*, plerisque quid, a quo, per quem, qua fiducia, orent aut sperent, ignorantibus, eoque aut a cæca spe suspensis, aut a certa desperatione deiectis, aliis totum numinis cultum ipsum aut abiicientibus, aut negligentibus. Et quidem omnia hæc tanta diuersitate, vt si quis omnes simul intueri posset, non aliud

aliud haberet spectaculum, quam si innumerabile videret agmen hominum, per eandem vitam progredi se profitentium; quorum tamen alii dextrorsum, alii sinistrorsum, hi sursum, illi deorsum, imo alii prorsum, alii retrorsum sese agant, &, quod magis monstrosum, alii pedibus, alii capitibus incedant.

23. *Ecquid remedii?* vnum hoc necessarium, ad *CHRISTUM reuerti*. Hoc est, vnus ducis *CHRISTI* vestigia melius obseruare ac premere, alienis quibuscunque vestigiis tantisper neglectis, donec omnes perueniamus in vnitatem fidei &c. (Ephes. 4, 13. &c.) Nempe vt, quemadmodum cœlestis magister omnia sua super scripturas fundauit; ita quisque nostrum, particulari quacunque confessione missa, communi acquiescat *reuelato Dei verbo*; arreptisque bibliis, clamet: *Credo, quicquid in hoc libro reuelat Deus,*

us, faciam obsequiose, quicquid mandat, spero, quicquid promittit Deus.

24. Audite, Christiani! *Vita una & simplex, moriendi mille figuræ: Verum unum & simplex, errandi mille figuræ. Ita similiter, Christus unus & simplex, Antichristorum mille figuræ. Quisquis enim non est cum Christo, contra Christum est, (Luc. II, 23.) hoc est, Antichristus est: & quicquid contrarium Christi doctrinæ creditur, agitur, speratur, Antichristianismus est. Cuius species quia sunt habendi, eminen- di, dominandi, voluptandi, iurgandi, bellandi, aliisque nocendi studium, hæc autem ad omnes Christianos (nulla parte excepta) irrepperunt, consequens est, Antichristum regnare ubique, secundum plus aut minus. Scitote igitur, omnes Christiani, omnibus necessario esse aut ad Christum redeundum, aut cum Antichristo pereundum. Sed elige vitæ ducem, ut viuas, quisquis sapi-*

CAPUT

CAPUT IX.

Regulæ Christi obseruatione totum mundum (si æternæ sapientiæ admittat consilia) in melius mutari posse.

§. I.

Non ecclesiæ tantum & conscientis, sed omnibus humanis rebus meliuscule esse posset, si regulam Christi obseruare mortales velent. Certe in externis etiam *exiguo viui melius*, humana prudentia pridem vidit, parsimoniaque ac frugalitate onera sua leuare passim tentauit: vt ex sapientum dictis & factis constat. *Ne quid nimis*, dixit Solon. *Quod nimium est, fugito, paruo gaudere memento.* Cato. *Mel etiam nimium in fel vertitur*, &c.

2. *Spartani*, virtutum laude celebratissimi, mox a pueris famem tolerare, superfluitatem vero in victu, vestitu, adi-

ædificiis, sermone, omnibus vitare ad-
fuescebant: paucis vbique, sed solidis,
adquiescentes. Quorum quidam,
Leotychidas, qua de causa tam parci es-
sent in potu Spartiatæ, interrogatus,
ut non alii pro nobis, sed nos pro aliis
consultemus, respondit. Similiter *A-*
rabes, antiqua gens, veteresque *Roma-*
ni a frugalitate laudantur: quod nulla
victus intemperie vires frangebant,
sed temperantia valetudinem tutaban-
tur, exercitiisque corporis artus ad in-
uictum robur firmabant, vitam autem
ad feros nepotes producebant; cuius-
modi exempla simplicioribus in popu-
lis hætenus non defunt, sicuti nec sin-
gularium quorundam heroicæ fruga-
litis virorum. Attingam quosdam
ex philosophorum & politicorum or-
dine.

3. *Socrates,* tenui admodum appara-
tu hospites excepturus, *si boni sunt, sa-*
tis erit, inquiebat; *si mali, plus quam*
latis.

satis. *Pythagoras*, ut sapientiæ studiis ex toto vacare posset, frugalissime vivebat, inquit *ATHENÆUS*. *Diogenes* unico pallio, unicoque dolio, (ubi se a ventis & imbre absconderet) unico item baculo (quo canes abigeret) contentus, herbisque tantum & aqua victitans, tantam sui admirationem excitavit, ut *Alexander Magnus*, nisi *Alexander* esset, nihil quam *Diogenes* fieri optaret. *Epicurus*, summus ille voluptatis assertor, aqua & polenta, aut pane hordeaceo victum quæsiuit, contraque paupertatem animum invictum gessit: non quod voluptates auersaretur, sed quod in tenui victu (*attendite, voluptuosi!*) plus voluptatis experiri se aiebat. *Galenus*, Medicus, reperta valetudinem tutandi ratione certa, nunquam ab illa recedendi legem sibi fixit, quæ fuit: *Ad satietatem nunquam edendi aut bibendi, neque crudum quidquam unquam gustandi; vi-*
xitque

xitque incolumis ad annum ætatis supra centesimum. Sicut & memoria nostra *Ludouicus Cornarus*, Nobilis Venetus, qui in iuuentute luxu valetudine totaliter perdita, diætæ autem beneficio totaliter restituta (ad pondus 12. vnciarum cibi, & 14. potus quotidie adhibens, nec ultra) pleno vigore vitam ad annum 118. perduxit. Non inscite igitur *Iouianus Pontanus*, cur vno solum ferculo semper contentus viveret, rogatus, respondit: *Cibo abstineo, vt medici a me.*

4. Possent & reges animi heroici ad exemplum vocari. *Cyrus Maior* ab hospite, quid ad conuiuium parari iuberet, rogatus, *panem*, respondit: *spero enim, nos ad flumen cœnatu- ros.* *Alexander Magnus* cibi fuit adeo temperans (vtinam & vini!) vt, regina Carix optimos illi coquos cum obsoniis mittente, repudiaret; meliores se habere professus obsonatores, *laborem & sudo-*

sudorem. Animaduertensque, principes suos in Persicam lautitiam delabi, moleste tulit, *seruile esse, dicens, voluptatibus se mancipare; laboribus vero innutriri, esse rem principe dignam.* Romulum, scribit G E L L I U S, ad cœnam vocatum, pauxillum bibisse: eo quod postridie negotium haberet. (Annon ad Salomonis mentem? *Vinum non esse dandum regibus, ut ne obliuiscantur iudiciorum, & mutant ius,* Prou. 31, 4.) Sic Augustus Cæsar vini parcissimus fuit, cibique minimi, vulgaris fere. Carolum Magnum, C R A N T Z I U S testatur, ultra quatuor fercula in cœna non tolerasse, nec in cœna bibisse, nisi ter: ebrietatem vero in quouis homine (infimæ etiam conditionis) abhorruisse. Et sic alii heroes.

5. Si *leges sumptuariæ*, toties in bene constitutis rebus publicis (in pompas, nuptias, conuiuia, ludos, luxum in vestitu,

M

stitui,

flitu, aliasque superfluitates) latæ, considerentur, *an aliud sunt, quam regula Christi (de non-necessariis cauendis) approbationes? atque si consiliis bonis parere vellent homines, leuaminis multum sperari posse testimonia.* Quæ tamen consilia dum non audiunt homines, annon vel ridendi, vel miserandi sunt? Ridemus, certe ridiculam bestiolam, sciurum, qui mobili caueæ inclusus perpetuo saltu se & illam semper mouet, nunquam tamen loco promouet; nec ideo tristatur, captiuitatem suam non intelligens. At quod æternitati destinatum genus humanum temporis caueæ ita se includit, vt in tanta temporis penuria, vitæque breuitate, plerumque det fabulis & nugis, nihil fere sibi & Deo; hoc vero deplorandum est serio.

6. *O si humana stultitia diuinæ velit assurgere sapientiæ, separandoque vile a pretioso auerruncare a se omne malum,*

malum, vanum, superfluum! quam
aliam rerum faciem videre esset breui,
tam in philosophia, quam in politia &
religione! *Simplicissima enim reforma-*
tionis forma esset, & facillima, tutissi-
maque, si, non-necessariis amputatis,
contenti esse velimus solis necessariis.
Ex. gr. in philosophia nihil præcise af-
firmando, nisi euidenter *verum*; nihil
constanter volendo, nisi euidenter *bo-*
num; nihil pertinaciter conando, nisi
euidenter possibile, facile, profutu-
rū. Sic nostrum in res imperiū
floreret. Bene quoque haberet *politia*,
si nemo nostrum quidquam aliter vel-
let, statueret, ageret, nisi ad commu-
nem communis felicitatis scopum:
nempe vt toti humanæ societati bene-
fit. Quod esset, si omnes ordinem ser-
uarent, quisque loco suo: nemini se
quisque præferens proterue, aut subii-
ciens seruiliter; omnibus tamen se ac-
commodans, pacisque amore serui-

ens liberaliter. Similiter *in religione*, si nihil vellemus adorare omnes, nisi vnum illud optimum Numen, a quo solo nobis omnibus omnia veniunt bona; illius diligendo bonitatem summe, vt nos rursum diligere dignetur paterne: & metuendo potentiam reuerenter, ne illam in nos licentiosos exferat iuste: tam ille non negaret misericordiam suam omnibus, quam non negat solem suum cœlestem cuiquam.

7. Cui summæ æquitatis viæ insistere si renuunt mortales, parata sunt a summo factorum præside iam decreta: vt *I. Cuicui non-necessariis sine fine occupari placet, necessariis sine fine careat. II. Cuicui labyrinthis suis sine fine perplexari libet, perplexetur igitur, donec intricarum interminabile chaos prolapsus exeat nunquam. III. Cuicui sine fine Sisyphea sua saxa volutare volupe est, volutet igitur, donec & vires, & vitam, & seipsum consumat. IV. Cuicui*
concl-

concupiscentiis Tantaleis indefinenter ardere ac vri suaue videtur, ardeat igitur & vratur, donec exuratur. V. Cui cui placet stulto esse, potiusque super arenas, quam petram edificare, edificet: donec, descendente pluuiâ, & inundante flumine, flantibusque ventis, & irruentibus in vane pomposa ædificia, ruere illa faciant ruina magna. (Matth. 7.)

8. Estne, qui audiat? estne, qui sapiat, ruinamque præuenire cupiat? Tota posteritas Adæ nihil, nisi Eux temeritatem & lapsus iterat. Bonitas vero Dei nihil, nisi humanam temeritatem & lapsus emendat: at Satan rursus nihil, nisi vt emendata iterum corrumpantur, satagit, reciprocatione adeo perpetua, vt totus mundi cursus nihil sit, nisi diuinæ sapientiæ cum humana stultitia & satanæ astutia, bonitatisque illius cum horum malitia, & potentiæ Creatoris, cum præfracta creaturæ resistantia, *lucta*. Enimvero, quia vi-

etioræ laudem non reluctanti creaturæ, se creaturam suam formanti & reformanti Deo, cedere necessum erit, & magnam mundi Babylonem (quæ nihil aliud est, quam omnis illa toto in mundo rerum confusio) ante mundi finem esse omnino euertendam, perpetua diuinorum oraculorum testimonia prænunciant, parendum erit mandanti Deo: *exite de illa populus meus! ut ne participetis de plagis eius.* (Apoc. 18, 4.)

9. Sed quia ad clamores Dei & feruorum eius (Prophetarum & Apostolorum) mundus iam obsurduit, ordinariaque ministrorum ecclesiæ vox vim amisit, extraordinariis vero mediis (si quæ excitat Deus) vim adimunt ipsi ordinarii (*dum signa & prodigia naturales ad causas reiciunt; illuminatos extraordinarie idiotas fanaticos vocant; angelicas apparitiones, ecstases, vocis Dei alloquia, ad autorem satanam*

tanam referunt, ecquid restat? Tria:
I. Silentium & stupor. (Amos. 5, 13.
Ier. 2, 12.) *II. Suspiria & gemitus.* *III.*
Expectatio iudiciorum Dei, quæ ut di-
luuium venient, & forte iam veniunt.
Quod quisquis agnoscere, & de iis, quæ
fiunt & fient, diuinitus informari vis,
lege cap. 24. Iesaiæ, Apocalypseosque
caput 16. 17. & 18. & fuge, festinanter
fuge!

10. *Quorsum fugiam?* A veniente
olim vniuersali diluuiio refugium non
dabatur, nisi ad arcam Noë: hanc
quisquis non assequutus, ei pereundum
fuit. Ab igne, Sodomam obruente,
non nisi ad Segor, locum quidem vi-
ciniorem, sed & illum perdendum.
Aut ad montis speluncam: sed & ibi
tentatio & satan. Vel ad montem ex-
tra Niniuen: sed & ibi vermis & sol
vrens. Quorsum ergo? A Deo irato
refugium nullum est, nisi ad Deum
placatum, a peccatis ad pœnitentiam,

a circumferentiæ rotatione ad quietis centrum, a mundi vertiginibus ad Christum. Quomodo Maria bonam elegit partem, confidendo ad pedes Christi: & inde Christum sequuta Ierosolymam, & ad crucem, & ad sepulchrum, illum non deserens ad lætam usque resurrectionem. Quibus derebus quid propositi senilis quoque mea mens concipiat, non celabo.

CAPUT X.

Professio Autoris de observatione iam fixa æternæ Christi regulæ, de vno necessario, cum sui & omnium in manus DEI resignatione.

§. I.

COMMUNES humani generis labyrinthos attingi; etiamne proprios memorabo? silentio involuerem omnia, nisi me quoque meorum

rum actionum & passionum spectatores habuisse scirem, scandalique a non emendatis erroribus subesset metus. Sed quia Deo meo, cor mihi publici boni audire dare, personamque publicam imponere, & occasiones variorum obicere placuit; actaque nonnulla sunt, quæ censuras incurrerunt: attingenda illa duxi (hoc ultimæ renascentiæ meæ tempore) eo fine, ut si qui me in speculum siue industriæ, siue curiositatis habuere, vel adhuc, etiam in rectis intentionibus errari posse animaduerso, errores aut præuenire me in monitore, aut emendare meo exemplo discant. Nam quod Apostolus dixit: *Siue insanimus, Deo; siue sanamente sumus, vobis*; (2. Cor. 5, 13.) id quisque fidelis Christi seruus suum facere debet: ut, si quid insaniuit, Deo errores confiteri; si quid in errorum correctionem obseruauit, proximis obseruasse velit.

2. Gra-

2. Gratias itaque ago Deo meo, qui me per totam vitam *virum desideriorum* esse voluit; ac, tametsi per id variis me labyrinthis implicari permisit, plerosque tamen aut eluctari iam dedit, aut me ad beatæ quietis prospectum ipse manu sua ducit. Desiderium enim boni (qualecunque vllius hominis cordi vnquam subnascitur) semper est riuulus a fonte boni, Deo, scaturiens; semperque in se bonus, & finem habens bonum, si sciamus vti. Sed in nobis culpa est, quod nescimus aut relegendo riuos inuenire fontem, aut corriuando flumina venire ad mare, vbi bonorum plenitudo & satietas est. Diuinæ tamen bonitati debetur gratia, quæ nos per quascunque labyrinthorum nostrorum ambages, occultaque sapientiæ suæ (Ariadnes) fila, tandem deducit ad se, ipsum fontem & oceanum omnis boni. Qualiter & mihi euenire gaudeo, vt post innumera ha-

ctenus

Stenus melliorum desideria (quorum nescio numerum) deduci me ad ipsas omnis desiderii metas, sentiam : agnoscendo mea omnia huc usque fuisse aut Marthæ discursationes ineras (pro Domino tamen & discipulis eius, ex amore) aut discursationum & quietis alternationes ; nunc vero me fixo proposito ad pedes Domini cum Maria deduci, ut lætabundus cum Davide clamem : *Mihi, Deo aq̃uare, bonum est.* (Ps. 73, 28.)

3. *Dixi, omnes vitæ meæ discursationes huc usque Marthianis fuisse similes, pro Domino & discipulis eius, ex amore : nec enim aliter scio.* Aut maledicta sit omnis hora, omneque cuiuscunque negotii momentum aliter impensum ; meo etiam calculo in iis, quæ ab aliis insolentiæ ac temeritatis notata fuere. Ut fuit *didacticum studium*, scholas & iuventutem molestissimis labyrinthis liberandi desiderio susce-

fufceptum, multisque annis continuatum; a nonnullis tamen vt alienum a Theologi officio æftimatum: quali vero Christus ifta duo: *pasce oues meas, & pasce agnos meos*, non coniunxiffet, dilecto Petro fuo vtrumque mandans. (Ioh. 21, 15. &c.) Ego autem Christo æterno amori meo æternas ago gratias, qui hunc agnelloꝝ fuoꝝ amorem meo inspirauerat animo, remque eo deducere dedit, quo deducta eft, & ex Tomo IV. *didacticorum* noſtrorum videri poteſt; præſertim quinto, ſeptimo, octauo tractatu, quorum tituli ſunt, V. E. *Labyrinthis ſcholasticis exitus tandem in planum*; ſiue *machina didactica mechanice conſtructa*, ad non hærendum amplius, ſed progrediendum. VII. *Typographeum viuum*: h. e. *ars compendioſe, & tamen copioſe ac eleganter, ſapientiam non chartis, ſed ingeniis, imprimendi*. IIX. *Paradiſus eccleſiæ reductus*, h. e. *optimus ſcholarum*

rum status, ad primæ paradisiacæ scholæ ideam delineatus. Spero enim, & fidenter a Deo meo expecto, futurum, ut hæc debitum inueniant usum, quando ecclesiæ transferit hyems, & reces-
serit imber, & flores apparuerint in terra nostra, & putationis aduenerit tempus (Cant. 2.) Deusque gregi suo pastores dabit secundum cor suum, qui non seipsum pascant, sed gregem Domini, liuorque in viuis pasci solitus post fata quiescet.

4. Alter mihi diuturnus quoque ac molestus labyrinthus fuit, *irenicum studium*, h. e. varie, noxie, prorsusque exitiose circa fidem dissidentes Christianos reconciliandi (si placeret Deo) desiderium, variique huc impensi labores. Quorum quidem nihil fere adhuc in lucem prodiit, fortassis tamen prodibit. *Non prodiit*: ob indomitam quorundam irreconciliabilitatem quorum se obicere implacabili-

bilibus odiis intempestiuum iudicabant intimiores amici. *Prodibit tamen*: quia plus tandem obediendum erit Deo, quam hominibus, & plus metuendus Deus, quam homines. Nunc tempora erant, qualia Elias vidit in Oreb, spelunca sua prodire non audens, cum transire videret ante Dominum procellam grandem, subuertentem montes, & conterentem petras, & terræ motum, & ignem, in quibus non erat Dominus. Sed veniet tempus, quo, audito sibilo auræ lenis, prodire licebit Eliæ, audireque loquentem Deum, & loqui rursum Deo & populo eius (1. Reg. 19.) Nunc sua cuique Babylon pulchra est, eamque credit ipsissimam esse Ierusalem, nemini cedentem, illi omnia.

5. Quæ Christianorum aduersus inuicem obstinatio, irritumque hactenus variorum eos reconciliandi studium, cogitare me ac sperare fecit, *facilius curari*

curari posse totum, quam partem: toti morbido corpori humano medicinam propinando catholicam, quam emplastrum applicando soli capiti, aut pedi, aut lateri &c. hoc est, extendere desideria cæpi ad totum humanum genus (undique rebus sibi inuicem Deo dissidens) reconciliandum, mediaque & modos, quibus id fieri posset, circumspectandum. Dederatque in his aliquem progressum Deus iam ante hos 30. annos, ut amici horum conscii (etiam inconsulto me) aliquid horum sub titulo: *Prodromus conaminis Pan-sophici*, publicare fuerint ausi, ad eruditorum de hoc tanto incepto iudicia eliciendum. Quæ utut plerorumque benigna fuerunt, reperti tamen, qui immanes absurditatum moles inde concipiendo, cælum terræ misceri clamarent: aut ad minimum intolerandam audaciam & temeritatem, quod unusquispiam consilia dare præsumeret

ret omnibus, interpretarentur. Quod me cogitationes meas ita huc usque premere coegit, ut, tametsi hoc agisciant multi, num tamen aliquid perfectum sit, nemo fere: dum quidam pro desperato id operis haberi a meipso iam quoque opinati, (ut audio) nihil amplius inquirunt, pauci vero quidam etiamnum tacite quiddam sperant: annon vane? Deus novit. Ego nihil adhuc sperandum, nihil desperandum dico: ne quidem nunc me iam ad sepulchrum constituto. Nunquam enim aliquid nos per nos satis potentes, nunquam impotens Deus.

6. Hoc solum nunc moneo: *Non temeritatem esse dicendam, si quis bonae causae fiducia, Deoque nixus, vel totum mundum inclamare, totumque humanum genus resipiscentiae admonere velit & audeat.* Quia I. omnes in magno mundi theatro consideramus: quicquid hic agitur, omnes tangit, sole o-

mni.

mnibus lumen, Deo oculos ministrante. II. Totum humanum genus una progenies sumus, unus sanguis, una familia, una domus: quo ergo iure pars succurrit suo toti, & membrum quoduis aliis omnibus in eodem corpore membris, vnusque familiaris alteri eiusdem familiæ, aut etiam toti, si potest, familiæ; eodem iure nos naturæ humanæ consortes consortibus. III. Deus iam inde a prima creatione homini cuique curam mandauit proximi cuiusque, (Eccles. 17, 15.) nec aliud per vniuersam scripturam (post dilectionem & obsequia sibi creatori debita) vrget, quam dilectionem proximi, mutuamque pro inuicem sollicitudinem, ministeria, auxiliaque. IV. Ipsa ratio sana id ipsum cuique dictat, ut in viris sapientibus patet. Socrates certe mori maluit, quam non docere meliora. Seneca vero: si ea conditione sapientia (felicitatis lux & dux) detur,

ut eam sibi soli haberet, neque communicaret, non desideraturum illam, dixit. Et in genere quo quis (etiam in vulgo) magis pius, eo plus, & pluribus prodesse optat & quærit. V. Hinc ipse Dei Filius, ad perditam reparandum cælo missus, quicquid cogitavit, loquutus, egit, mundi salutem concernens fuit; legatosque ad nunciandum salutem partam mittens, non hos aut illos adire iussit, sed mundum vniuersum; (Marc. 16, 15. Luc. 24, 47.) neque susurrare in aurem, sed prædicare super tecta. (Matth. 10, 27.) Quod Apostoli fecere, ut in omnem terram exiret sonus eorum, & ad fines orbis terræ verba eorum, (Rom. 10, 18.) gaudentes euangelium prædicare iis locis, ubi non erat nominatus Christus, (cap. 15, 20.) docentes omnem hominem omni sapientia, ut exhiberent omnem hominem perfectum in Christo Iesu. (Col. 1, 28.) VII. Promissum etiam est, plenum effectum affu-

affuturum, si non ante, sub mundi tamen vesperam; (Zach. 14, 7.) ut nouissimis diebus intelligatur totum eius consilium. (Ier. 30, 24.) Non igitur temeritati tribuendum, quod tanta hæc aliquis vrgere audeat: sed gratulandum temporum felicitati, quod, qui hæc nomine Dei agere incipiant, iam non desint: certa spe, appropinquare Babylonis ruinam, & angelum illum, a cuius gloria illuminabitur terra. (Apoc. 18, 1. &c.)

7. Inmissus præterea fui (voluntate Dei) in quendam inusitatum labyrinthum, *reuelationes diuinas seculo nostro factas* (sub titulo: *lux in tenebris*, aut *e tenebris*) *a me publicatas*. Quæ res ut multum laboris & molestiæ, ita & multum trepidationis, inuidiæ, periculorumque secum traxit: hinc ludibriis ob credulitatem, inde comminationibus ob diffidentiam & tergiversationem, se intermiscitibus. Vidi

præfracte his contradicentes interire; sed vidi etiam placide hæc admittentes abripi: vt secundum apparentiam externam ex hoc labyrintho exitum inuenire non facile fuerit, vel adhuc sit. Quid faciam? non aliud scio, nisi vt rem totam Deo committam. Mihi satis fuerit cum Ieremia descriptas Babylonis plagas Babylonem misisse, lapidem illis alligasse, in Euphratem proiecisse. (Ier. 51, 63.) Si quæ prædicta non impleta sunt, indignari trepidabo, Ionæ id non bene cessisse videns. (Ior. 4.) Fortassis enim Deo suæ sunt rationes, decreta sua interdum (aut saltem suas de iis indicationes) mutandi. Et fortassis hic, quid homines sine Deo non possint, primum ostendere voluit Deus: ostensurus deinde, quid ipse sine illis, aut per illos tandem in voluntatem suam deductos possit. Liberum sit illis, qui Deo antiquum morem suum (nihil faciendi, nisi

nisi reuelauerit secretum suum seruis suis prophetis, Amos 3, 7.) non amplius permittunt, seruis eius, verbisque & operibus eius obloqui: sed & mihi liberum sit cum Dauide obmutescere, & non aperire os meum, quoties Deum aliquid, quod non intelligo, agere video, aut loqui audio. (Ps. 39, 9.)

8. Quid ergo tandem mihi (post tot Labyrinthos, Sisyphæaque saxa, quibus toto vitæ meæ tempore fatigatus fui) occipiendum? Dicamne cum Elia: *tolle animam meam, Domine, non enim melior sum patribus meis!* (1. Reg. 19, 4.) An potius cum Dauide: *usque in senectam ne derelinquas me, donec annunciauero brachium tuum generationi venturæ!* (Ps. 71, 18.) Neutrum: vt ne anxio alterutrius desiderio inquiet: sed permittam vitæ & mortis meæ, quietisque & laborum meorum arbitrium Deo, clausis oculis eum sequuturus, quocumque duxerit;

humiliter confidenterque cum Dauide orans: *consilio tuo deduc me, ut postmodum in gloriam recipias me.* (Ps. 63, 24.) Aut si quid meo etiam consilio disponendum est, non aliud illud mihi erit, quam datum a Christo: *ut ex hoc nunc uno necessario contentus, non-necessaria cuncta siue amoueam, siue potius exuram*, heroico Alexandri Magni exemplo, quem Indiam petiturum, ut exercitum prædæ Persicæ oneribus grauem & tardum vidit, plaustra sua & amicorum (manu propria igne admoto) exussisse scribit PLUTARCHUS. *Quod exemplum milites sequuti, necessariaque inter egenos partiti, & reliqua concremant, alacritate & ardore Alexandrum seque ipsos impleuerunt.* Hoc, inquam, quidni ego nunc imiter? cui India cœlestis iamiam petenda, mundusque totus a tergo relinquendus? En, quicquid terrestrium curarum huc usque collectum fuit, dese-

desero, necessaria de his inter proximos egenos lubens distributurus; reliqua vero (æque illis ac mihi oneri futura) igne potius aboliturus, quam toleraturus.

9. Si quid specialius de hoc ultimo animi mei proposito dicendum est, dicam. *Palatii loco mihi tuguriolum, qualecunque contingere potest, erit:* aut si proprium habere, ubi caput reclinem, non contingat, adquiescam, (Domini mei exemplo) si quis sub tectum suum recipiat; aut etiam sub tecto cæli, (ut ille postremis aliquot noctibus in monte oliueti) donec me in consortium suum transferant (ut mendicum Lazarum) angeli. *Pretiosa vestis loco sufficiet villosum aliquod indumentum:* quale Iohanni Baptistæ fuit. *Opiparæ mensæ vicem panis & aqua explebunt:* aut si quid obsonioli accedet, laudabitur bonitas Dei. *Bibliothecam meam trinus Dei liber ab-*
N 6 *solvat.*

soluet. Philosophia mea erit, intueri cum Dauide cœlos, & omnia reliqua opera manuum Dei; rapique in admirationem, quod Deus, tantarum rerum Dominus, ad me quoque vermiculum respiciendum sese demittat. (Ps. 8. & 104.) Medicina mihi erit tenuissima diæta, ieiuniis subinde interpositis decoranda. Iurisprudentia mea erit, quicquid ab aliis fieri velim, aut nolim mihi, hoc idem facere, aut non facere aliis. Si in Theologiam inquirat, arripiam (cum Aquinate morituro: nam & mihi iam moriendum est) Biblia, totoque corde & ore dicam: credo, quicquid in hoc libro scriptum est. Si quis pressius fidei meæ symbolum requirat, apostolicum ostendam: quia nihil breuius, simplicius, nernosius, & cuius ductu compendiosius controuersiarum omnium decisiones possidens, infinitos disputationum labyrinthos declinem, noui. Si,
quibus

quibus exquisitis *precum formulis* utar, quæret, *orationem dominicam* monstrabo : quia neminem ad reserandum paternum cor meliorem clauem, præ vnigenito illo, qui e sinu Patris prodiit, ostendere posse credo. *Si regulas vitæ meæ requireret, decalogum exhibebo* : quia, quid placeat Deo, neminem exprimere posse melius, quam Deus ipse, confido. *Si, quos conscientiae casus habeam, quæret, omnia mea mihi esse suspecta, respondebo*, ideoque recta etiam faciendo timere me, & *inutilis seruus sum*, (Luc. 17, 10.) *patientiam habe mecum, & omnia reddam tibi*, (Matth. 18, 26.) clamare humiliter.

10. Quid ad hæc humanæ sapientiæ admiratores dicturi? Ridebunt forsan delirum senem, a fastigiis æstimationis suæ ad infimas bases exinanitionis sui descendentem? Rideant, si volupe est: meum cor etiam ridebit, effugisse tricas. *Inueni portum, sors & fortuna*

valet ! dixit Poëta. Ego : *Inueni Christum, vos numina vana valet*. Christus mihi omnia : huius mihi subsellia pro omnibus mundi thronis, huius humilitas pro omni sublimitate erit. Cælum sub cælo reperisse videor, huius cæli ducis vestigia in conspectum eidentius nactus, quam huc usque : his iam insistere, nec iam dimoueri, ipsissima cæli via mihi erit. Tota mea vita peregrinatio fuit, non patria ; mutatum perpetuo diuersorium, nunquam & nusquam stabile domicilium. At iam cœlestis patria in prospectu est, ad cuius usque limina me deduxit dux meus, lux mea, Christus meus : qui præiuit parare mihi locum in domo Patris sui, ubi habitacula multa sunt : iamque veniet assumptum me, ut, ubi ipse est, ego quoque sim. Hoc ergo mihi iam *unum necessarium, obliuisci omnium, quæ a tergo sunt, festinareque ad brabeum summæ vocationis Dei.* (Phil. 3, 13.) II.

II. Gratias ago tibi, Domine Iesu, autor & consuminator fidei meæ, qui me incautum viatorem, ab itineris mei scopo mille viarum diuortiis aberrantem, & millies mille parergis ac re-moris retardatum, eo tamen deduxisti, vt ad limites promissæ cœlestis patriæ iam constitutus, nihil nisi mortis Iordanem adhuc mihi transeundum videam, mox me in ipsis beatæ patriæ amœnitatibus visurus. Laudo iterum iterumque sanctissimam prouidentiam tuam, o Sospitator meus, qui mihi patriam & domicilium in terra non dedisti: sed tantum, vt illa mihi exilii & peregrinationis locus esset: ego vero cum Dauide dicere haberem: *ad- uena fui apud te, & peregrinus*, (Ps. 39, 13.) nec tamen cum Iacobo: *pauci dies peregrinationis meæ, nec peruenerunt ad dies patrum meorum*. (Gen. 47, 9.) Fecisti enim superare diem vitæ meæ dies patris & aui mei, millenorum.

rumque exilii consortum, qui per istos quadraginta annos in exilii nostri eremo occubuerunt: quo consilio, tu Domine, nosti, ego me constanter tuis permitto manibus. Misisti etiam subinde mihi, vt Eliæ, deserta peragranti, angelum quempiam cum buccella panis, & haustu aquæ, vt fame aut siti non perirem. Præseruasti etiam ab illa mortalibus nimis vulgata stultitia, qui essentialis boni loco quiduis accessorium, metæ loco viam, quietis loco motum, domicilii loco diuersorium, patriæ loco peregrinationem habent: sed me pergere ad montem vsque tuum *Oreb* fecisti, aut etiam coegisti. Benedictum sit nomen tuum!

12. Si vero ego stolido viatori quacunque parte me assimilaui, & ad præsentem tantum vitam spectantia egi, *ἐργων* loco habens parerga, en desisto! *sub vitæ finem bonum illum negotiatorem agere proponens, qui præter*
marga-

margaritas nihil quærit aliud, unaquæ pretiosa reperta, abit, omnia vendit, & eam emit. (Matth. 13, 45.) 'Tu Domine Iesu, solus iam pretiosa mea margarita, omne meum bonum, omne meum vnum necessarium eris. Te vnum quæram & emam, omnibus, quæ habeo, & quæ non habeo, diuenditis : & quæcunque mundus pro lucro habet, vt stercora habeo, modo vt iam te, mi Christe, lucrifaciam. (Phil. 3, 8.) Ultima vitæ meæ occupatio erit : *discere mori vitæ huic, futuræ autem nasci.*

13. Domine Iesu, si quid peragendum in terra restat adhuc, da peragere adhuc, cumque peractum fuerit, da beato Simeoni lætum illud : *nunc dimittis seruum tuum!* succinere. Si vero etiam ultimam laborum meorum metam ultima vitæ meæ meta præuenire voles (vt mihi vita exituro illud gentilis philosophi, *nihil adhuc para-*

paratum habeo, præter me, vſurpandum veniat) adquiescam ſic quoque: dummodo iam non abripiar imparatus, qualiter mortalium plerisque (eheu! eheu!) accidit. Ego autem miſericordias tuas canam in æternum, qui me ante mortem ipſam eripis morte, notas mihi faciens vias vitæ. (Pf. 16.)

14. Vos autem, o Chriſtiani! gaude-
te pariter eripi, audientesque ducis
reſonantes adhuc voces: *venite ad me
omnes, qui laboratis, & onerati eſtis, &
ego vos reficiam*; (Matth. II, 28.) vna-
nimes reſpondete: *ecce venimus! re-
ſpice nos, recipe nos, refice nos! ſubue-
ni laborantibus, ſubleua oneratos, refo-
cilla fatigatos: deduc nos a rerum præ-
cipitis ad rerum fundum, ut non in-
ueniat hoſtis, unde nos præcipitet, ſed
inueniat grãtia tua, unde attollat, ſi
bonitati tue placeat. Sin eligimus
abiectione eſſe apud te in domo tua,* (mo-
do

do apud te in domo tua) quam habitare in palatiis peccatorum. Nobis, Domine, in labyrinthis nostris perpetuis opus est duce perpetuo; in volutandis faxis nostris perpetuis, auxiliatore perpetuo; in perpetua fame ac siti nostra, nutritore perpetuo. Quæ quia frustra expectari a mundo iam agnoscimus, tametsi promittat, (dare tamen, quod ipse non habet, non potest:) te vnum ecce iam respicimus solum; o vltima spes nostra! *Hominum nemo est, qui non erret, non fatiscat, non esuriat ipse. Tu igitur, æterna veritas, succurre errantibus! Tu æterna virtus, sustenta labantes! Tu æternus bonorum fons, satia nos bonis!* Et quia mihi (seruorum tuorum vltimo) iam succurris, me iam sustentas, iam satias, exulto in te, nomenque tuum celebrabo in æternum.

15. Et quia hæc de vltimo meo ad
VNUM NECESSARIUM re-
 ditu

ditu professio mea in conspectu Dei, loco ultimæ dispositionis meæ (seu testamenti, Ies. 38, 1.) mihi est: eia vos domus mea, filii & filiæ, nepotesque mei, audite vocem patris vestri, ad patrem patrum vos (antequam ad patres meos collectus fuero) manudentis. *Hæreditatem vobis aliam non relinquo, præter hoc Vnum Necessarium, ut Deum timeatis, & mandata eius obseruetis: hoc enim est totum hominis. (Eccles. 12, 13.) Si feceritis, Deus erit hæreditas vestra, (Deut. 18, 2.) clypeusque vester, & merces magna valde. (Gen. 15.)*

16. Quod idem vobis fratribus meis, dissipatæ ecclesiæ meæ filiis residuis, dico: diligite Dominum, & seruite illi toto corde, non erubescetes crucem eius, quam baiulastis huc usque, & baiulabitis in finem usque, si sapitis. Comendo vobis constanter hæreditatem Christi, paupertatem & crucem; quæ
vobis

vobis æternarum diuitiarum & gloriæ via erunt, si mentem Christi habueritis perseuerandi ad finem. (1. Cor. 2, 16. Luc. 22, 28.) Tu autem, Domine, qui olim Petro tuo: *tu conuersus confirma fratres tuos*, dixisti, dic etiam nunc mihi seruo tuo: *tu conuersus a non-necessariis ad vnum necessarium, doce idem fratres tuos.* Fratres dico meos, omnes Christi nomen inuocantes: & fratres dico meos, omnes eiusdem sanguinis consortes, totam Adamii progeniem super vniuersam terræ faciem habitantes.

17. Eandem Christi sapientiam, **VNUM NECESSARIUM**, commendando tibi quoque, mea gens, *Morauis, cum vicinis Bohemis, Silesiis, Polonis, Hungaris*: apud quos, exilii tempore hospitatus, beneficiis sum vsus. Det vobis in retributionem Dominus *vnum illud necessarium*, **SAPERE**, vt felicitium terrarum vestrarum prouentibus

bus sciatis uti, non abuti. *Luxus Bohemos perdidit*, dixit sapiens aquilonaris rex, luxum perosus. Sed idem de te breui dicendum erit, *Polonia*, nisi mature ad vinum necessarium transieris, *frugalitatem*. *Initium enim peccatorum Sodoma superbia, & saturitas panis, & abundantia, & otium.* (Ez. 16, 49.)

18. Ultima mea hospitatio per annos duodecim in Batauiæ metropoli, orbis emporio, fuit, ubi melius ac vniquam in vita mea, *quantum sit, quo carere possumus*, obseruandi, & in has de *VNO NECESSARIO* cogitationes veniendi occasionem nactus, inter mille labyrinthos labyrinthis elabiderium concepi; interque millena hic a millenis quotidie volutata faxa, negotia mea non amplius volutare, sed quadrare & figere; & inter insatiabiliter esurientium ac sitientium Tantalorum agmina non similiter esu-

esurire ac sitire, didici dono Dei. Quod mihi iam ad vitæ dies maximi thesauri loco, omniumque deliciarum instar, erit. Memini, me primo huc delatum, a primoribus honorifice fuisse exceptum, propter spem quandam curiosæ cuiusdam eruditionis: ego vero mihi exemplum Domini mei, in nuptiis Canæ vinum optimum seruantis in vltimum, imitari posse opto: vt nempe vltima mea meliora sint, quam illa primum sperata. Fore autem, spero, si prudentes architriclini non defuerint, qui de aqua vinum facta, rectum formare sciant iudicium. Quale vero illud? Apostolicum: *Magnum questum esse pietatem cum sufficientia. Quia nihil intulimus in mundum, nihil auferemus: habentes ergo alimenta, & quibus tegamur, vt adquiescamus. Nam qui volunt diuites fieri, incidunt in tentationem & laqueos diaboli, desideriaque multa inutilia* & no-

Et nociua, quæ homines mergunt in interitum Et perditionem. (1. Tim. 6, 9.) Atque hoc forte est, quod scriptura Babylonem (æque mysticam illam toto orbe diffusam, ut & antiquam istam in Chaldæa sitam) superfluis excessiue diffluentem, illisque toto orbe conquirendis, emendis & vendendis, superbe occupatam, describit, (videatur Apocal. 18, a versu 11. ad 20.) Quia nimirum quisquis homo, aut quæcunque hominum societas, vel ciuitas & regio, nimium se rebus terrenis dedit, & earum amore inebriat, facile meliorum bonorum, cœlestium & æternorum, ipsiusque omnium bonorum fontis, Dei, obliuiscitur, perque id in interitum ac perditionem mergitur. *Vinum moderate sumtum, fere vita hominis,* inquit sapiens Hebræus: *Et tamen immoderate sumtum, fit venenum Et mors, quo plures suffocantur, quam aquis.* (Sir. 31.)

19. Domine Iesu Christe, sapientiæ magister vnice, regulæque de vno necessario fundator æterne, *duo peto a te, ne denges mihi, antequam moriar.* (Prou. 30, 7.) *Quicquid ad bene viuendum, & beatæ moriendum, necessarium est, ne mihi iam absit. Et quicquid istuc non facit, & ad illum scopum necessarium non est, ut mihi ne adsit, neque se intermisceat amplius.*

20. Sed & peto, da hæc aliis recte monstrare posse! *quam stulte faciant, qui, necessariis neglectis, non-necessariis totos sese tradunt.* Cumque tu siti-entes omnes ad aquas viuas inuites, illi sibi cisternas dissipatas, quæ aquas non continent, fodiunt: (Ies. 55, 1. & Ier. 2, 13.) imo cum tu vinum & lac offeras gratis, sine argento & pretio, illi aurum & argentum impendunt rebus, quæ non satiant, (Ies. 55, 2.) morbos potius, mortem, interitum, infernum ac gehennam afferunt. Miserere omni-
um,

um, o Miferator omnium, propter bonitatem tuam! Amen.

CLAUSULA VNIUS NECESSARII,

DE MAXIME NECESSARIO MAXIME
CUSTODIENDO.

VAcans adhuc pagella me ad aliquid adiiciendum inuitat *de summo regulae Christi usu; qui est, contentum esse non paucis aliquibus, aut uno aliquo extra se; sed tandem SE VNO, interioribusque bonis suis, quae eripi non possint. De quo Christus: Quid homini proderit, si lucretur mundum uniuersum, seipsum autem perdat? (Luc. 9, 25.) & vice versa: quid oberit, si amittat omnia, seipsum autem lucretur? Nihil: seipsum habens, habet omnia. Quod mihi celebre illud Biantis dictum in memoriam reuocat, qui, amissa patria, Priene, cum alii pretiosis rebus onusti fugerent,*

gerent, ipse autem, *cur solus rerum suarum nihil secum ferret?* interrogaretur, respondit: *ego vero bona mea mecum porto.* Pectore nimirum illa gestabat, non humeris; animo visenda, non oculis, ut VAL. MAXIMUS inquit. Quod, ceu heroice dictum & factum, si miramur & laudamus, quidni millies plus Filium Dei, qui nostri causa homo factus, nihil externarum rerum possidere voluit, cui morituro etiam vestes detractæ, & in eius conspectu direptæ sunt; tandem, qui ne quidem sepulchrum nactus proprium, dominus licet cœli & terræ existens. Ad quod exemplum suos etiam formans dicere solitus: *querite regnum Dei & iustitiam eius, cetera vobis adiiciantur.* Cumque aliquando adolescens quidam diues in salutis viam inquireret, & Dominus illi mandatorum Dei viam ostenderet, ille vero, hæc sibi semper curæ fuisse, diceret,

ret, & quid adhuc agendum sibi restaret, sciscitaretur, respondit Dominus: *si perfectus esse vis, abi, vende omnia, quæ habes, & da pauperibus, & habebis thesaurum in cælo, & veni, sequere me.* (Matth. 18, 21.) Hinc & illa Christi paradoxa, Christianis necessario intelligenda: *Beati pauperes, quia vestrum est regnum Dei. Beati esurientes, quia saturabimini. Beati, qui nunc fletis, quia ridebitis, &c.* Et rursum: *Væ vobis diuitibus, quia hic accipitis solatium vestrum. Væ vobis saturis, quia esurietis. Væ vobis, qui nunc ridetis, quia lugebitis &c.* (Luc. 6, 20. &c.) Quorum similia tradebant Apostoli, suadentes Christianis operam dare, ut felices, opulenti, saturi esse quærerent alio modo, quam æstimare nouit mundus: *tanquam seductores, & tamen veraces; ut ignoti, & tamen (Deo) noti; ut morientes, & tamen viuentes; ut tristes, semper tamen gaudentes; ut egen-*

egentes, multos tamen locupletantes; ut nihil habentes, omnia tamen possidentes. (2. Cor. 6, 8. 9. 10.) Cuiusmodi paradoxa qui vere intelligit, quid sibi vere necessarium sit? intelligere, partemque optimam (quæ non auferetur ab eo) eligere nouerit.

Summa prudentiæ huius spiritualis est. I. *Non onerare se ullis rebus ultra necessitatem vitæ, adquiescere paucis, commoditati seruientibus, & laudare Deum.* II. *Si commoda desunt, adquiescere necessariis solis.* III. *Si & illa eripiuntur, seipsum ut quis seruet, studere.* IV. *Si nec seipsum queat seruare, dimittere: modo ne Deum amittat cauendo.* Deum enim qui habet, omnibus carere potest, suumque bonum & vitam æternam cum Deo, & in Deo possidens in æternum. Atque hic omnium desideriorum est

F I N I S.

IN-

INDEX RERUM PRÆ- CIPUARUM.

A.

- A**brahami quodnam vnum necessari-
um ? p. 45
- Abundantia rerum unde ? 95
- Ad actiones tria necessaria sunt. 68
- Ad actiones expediendas quid necessari-
um ? 106
- In Agente quænam necessaria ? 69
- In Agendis quodnam necessarium ? 74
- Antichristus quis ? 198
- Ars artium est distinguendi inter necessari-
a & non-necessaria. 57. seqq. necessitas
huius artis. 58
- Ars bene moriendi optima, 112. seq. quid
ad eam requiratur ? ibid.
- Autoris professio de vno necessario. 210.
seqq. eiusdem studium didacticum. 213.
conamen parsophicum. 217. lux in te-
nèbris. 221. vltimum votum 223. seqq.
- Autor cur scriptor. suorum quædam sup-
presserit ? 218. excusat adhortationes
suas ad emendationem hominum. ib. seq.
- B. Bel-

B.

Belli gerendi quid necessarium? 169

Biblia diuinitus data 132. seq. sola Christianis vnum necessarium sunt. 143

In Bonis vitæ captandis quid necessarium? 74.

C

Cartesius & Cartesiana Philosophia. 21. sq.

Causarum inspectio. 93

Ceremoniarum vanitas. 163

Christiani quinam? 175. lapsis quid necessarium? 181

Christianorum obstinatio aduersus se inuicem quomodo curari possit? 216

Cognitio sui ipsius. 84

Confessiones Christianorum peculiare. 191 seqq.

Consiliarii debent esse senes. 52

Contraria semper sectantur homines. 34. sq.

Cura sui ipsius. 86. sqq.

Curiositas. 34

D.

David in labyrinthos sæpius se præcipitavit. 50 seq.

Dialectica an labyrinthus? 23. seq.

Dieta bona. 91

Post Diluuium quidnam hominibus necessarium? 38. Dispu.

INDEX RERUM

Disputationes quid sint? 113

Disputandi pruritus interminabilis. 192

Doctrinae christianae summa. 182

E.

Educatio bona. 101. seqq.

Ad eloquentiam veram quid conducatur? 97

F.

Felicitas hominis triplex. 7. seqq.

Frugalitas. 199. G.

Geileri navis stultorum. 54

H.

Homo fortunæ suæ faber. 49. 52. seqq.

Homini ut homini necessarium est sapere.

116. in quonam hoc consistat? ib. quænam ad illud requirantur? 117

Honestæ vitæ quid necessarium? 103

Honoratam vitam ut agamus, quid opus?

96.

I.

Imago Dei. 87. seqq.

Industria humana spem addit eluctandi e labyrinthis. 61. seqq.

Infelicitas hominis triplex. 8. seqq.

Initio rerum quodnam fuit necessarium? 35

Iniuriarum tolerantia. 160. seqq.

Iuventuti quodnam necessarium. 101

lauc-

Iuvenes mature informandi sunt de mortalitate sua. 102

Irenicum studium auctoris. 215

L.

Labyrinthus. 12. seq. eius explicatio moralis. 13. seq. it. p. 19. seqq. potest euitari. 28. seqq.

Lapsis & receptis in gratiam quodnam necessarium? 37

Leges an salutare? 154. earum interpretes. 156

Leges sumptuariæ. 203

Libri quinam necessarii? 125

Libri diuini an labyrinthi videantur? 127

Librorum coaceruatio labyrinthus. 55. seq. ut non sit, quid agendum? 125

In Libris diuinis maius studium requiritur, quam in humanis. 136

Linguarum confusio. 39. seqq.

Lycurgus Italicus Octauii Pisani. 160

M.

Mentes humanæ an labyrinthus? 130

Monarchia commendatur. 177

Mortis meditatio salutaris. 102. seqq.

N.

Necessarium quid sit? 65. Neo

INDEX RERUM

<i>Necessariorum incuria.</i>	32. <i>seqq.</i> 53. <i>seqq.</i>
<i>Necessariorum maxime necessarium est Deus.</i>	99
<i>Negotiis distracto quid opus?</i>	107. <i>in magnis quid opus?</i>
	108
<i>In Negotiis quanam requirantur?</i>	73. <i>seq.</i>
<i>Nicolaus Vigelius commendatur.</i>	159
<i>Non-necessarium quid & quotuplex?</i>	66. <i>f.</i>
<i>Non-necessariorum curiositas.</i>	32. <i>seqq.</i>
53. <i>seqq.</i>	O.
<i>Occupatio hominis trina circa res creatas.</i>	7.
P.	
<i>Pansophia Christiana auctoris.</i>	146
<i>Pansophicum conamen auctoris.</i>	217
<i>Parsimonia.</i>	199. <i>seqq.</i>
<i>Politica an labyrinthus?</i>	120
<i>Politicae quodnam necessarium?</i>	149
<i>Polypragmones in periculis versantur.</i>	62
<i>Polypragmosyne est periculosa.</i>	100
<i>Præiudicia hominum de pœnis diu.</i>	208. <i>f.</i>
<i>Præparatio mortis in quibus consistat?</i>	114.
<i>Principia cognoscendi omnium scientiarum.</i>	158
<i>Professor necessitatum.</i>	148
<i>Professio auctoris de uno necessario.</i>	210
	R. Ra.

R.

<i>Ratio status.</i>	163
<i>Raymundus de Sabunde commendatur.</i>	145
<i>Regere seipsum.</i>	84
<i>Regentium multitudo noxia.</i>	154
<i>Regimen hominum debet esse humaniter institutum, non belluinum.</i>	43. sq.
<i>Regiminum diuersitas.</i>	165
<i>In Regimine quodnam necessarium?</i>	44
<i>Religio an labyrinthus? 24. seqq. prima qualis?</i>	171. seq.
<i>Religionis unum necessarium.</i>	170

S.

<i>Ad Sanitatem corporis quodnam necessarium?</i>	91
<i>Sapere hominis unum necessarium.</i>	116. sq.
<i>Sapientiæ studium est facile & operosum.</i>	119
<i>Scriptura S. tota est liber practicus. 139. in eius lectione quid obseruandum?</i>	142. f.
<i>Scholarum unum necessarium.</i>	147. f.
<i>In Senectute adhuc resipiscendum.</i>	56
<i>Seni quid opus?</i>	111
<i>Solertia humana circa negotia duplex. 63.</i>	
<i>Marthana & Mariana. ib. Salomonea & Christiana. 64.</i>	Sum-

Sumptuariæ leges. 203

Sysiphus. 15. eius interpretatio moralis.
ib. seq. it. 19. seqq.

T.

De Tantalofabula. 17. seqq. eius moralis
sensus. ib. it. 19. seqq.

Theologia hodierna quid? 187. *seqq.*

Titulorum insolentia & vanitas. 161

Tribunal modestiæ. 161

Turris Babylonica. 39

Tyrannidis origo. 42

V.

In Virili ætate quid faciendum ad euitan-
dos labyrinthos? 105. *seqq.*

Vnum est necessarium. 62

Vnum præcise & collectiue. 67. *seqq.*

Vnum necessarium simile est grano sinapi.
 72

Vnum necessarium circa seipsum. 83. *seqq.*

Vecatio ministrorum qualis hodie? 194

F I N I S.